

兩廣都司令部考實編次

第一編 組織

第二編 軍事

第三編 政事

第四編 粵事

第五編 雜件

第六編 職員錄

補錄 解職通電

兩廣都司令部考實目錄

第一編 組織

陸龍都督領銜推戴岑都司令文

李鎮守使領銜推戴岑都司令文

岑都司令覆電一二

陸龍都督推舉梁任公爲都參謀文

李鎮守使領銜推舉梁任公爲都參謀文

梁都參謀覆電

岑都司令就職宣言

岑都司令就職通電二件

岑都司令就職照會各國領事文

都司令部組織令

附組織表

公文程式令

都司令部暫行辦事細則

參謀部組織綱要

附編制表

財政廳簡章

餉械局簡章

軍需處組織簡章

副官處簡章

將校團簡章

兩廣都司令部考實

第一編 組織

陸龍都督領銜推戴都司令文 (民國五年四月二十七日)

肇慶岑都司令鈞鑒兩粵獨立全軍同仇固出於報國素具之誠亦以完我公未竟之志今雖義聲遠播寰海改觀惟僭凶之竊據依然斯羣生之倒懸益亟計自滇黔首義以來以貧瘠之區當方張之寇猶能轉戰千里匡復百城使從賊者膽寒好義者氣王我兩粵形勢本爲重於國中我軍民事功豈可反落人後 濟光等 所部將校士卒切齒國賊誓不共天磨厲以須請纓日至獨念克敵致果非統一無以圖功而決勝運籌必元戎乃能坐鎮我公爲人紓難百折不回四海傾心友邦起敬况兩粵夙爲舊部湛浹恩威三軍仰若雲天萬姓戴如父母若承出總戎機必可迅平大難謹代表各軍奉戴爲兩廣護國軍都司令稟節制以一士氣仗威德以殲國仇伏望我公俯鑒精誠毅肩艱鉅凡我良士同懷挾纊之情而控此大邦佇見止戈之武謹此電陳不勝鼓舞待命之至龍濟光率段爾源鄭開文李嘉品王純良黃志桓楊晉納順洪李文運馬如珍伍敦仁等陸榮廷率陳炳焜譚浩明莫榮新等同叩感印

李鎮守使領銜推戴都司令文

肇慶西林岑公鈞鑒天禍中國爰產神姦羅漢等併力討賊已逾旬月乃屢劍莫及攻同未
違同仇之志雖堅元凶之首未授推原其故實乃統一乏人師干非總無功專閫乃能任事
我公之於兩粵治功夙炳遺愛正隆部曲如雲子民望歲况乃辨姦最早而人不察蒙難獨
至而氣益張回首一呼萬方雪涕以此殺賊萬賊皆推以此誓師何師弗集今請率所部奉
戴爲兩廣護國軍都司令伏望俯鑒下忱出肩重任自今以往令出惟行併兵一向義不反
顧凡在同澤毋忘戮社之條哀我黎民始有來蘇之望臨電不勝瞻依迫切之至肇陽羅鎮
守使陸軍第二師師長李耀漢潮梅總司令莫擎宇廉州安邊都護使隆世儲欽州道尹馮
相榮高州司令車駕龍雷州總司令楊學紳攻城司令魏邦平陸軍第二師一旅旅長李華
秋陸軍第二師第二旅旅長翟汪警衛軍第四十六七營統領陸蘭清陸軍第二師礮團團
長黎章鴻同叩勸印

岑都司令覆陸龍兩督等電

廣州龍都督轉段旅長鄭旅長李督辦王鎮守使黃鎮守使楊高雷道尹納旅長李團長馬
統領伍統領南甯陸都督轉陳師長譚師長莫鎮守使鑒奉感電猥以兩廣都司令見委頻

年亡命南洋實已傷心國事近感幹公招邀之誼備歷人世行路之難幸得生返里門本期歸守丘墓謬承大命曷勝徬皇受任既非衰朽所堪臨危又無獨安之誼強自督責以死爲報定日就職別有宣言意苦語長另刊郵寄承念昔日昆弟之歡又得追隨鞭鐙之後既無不可見之誠安有不可滅之賊煊雖羸病猶聞鼓角而自雄時惠規箴俾勿顛越而負命岑春煊叩艷印

岑都司令覆李鎮守使等電

肇慶李鎮守使李旅長翟旅長黎團長汕頭莫總司令廉州隆都護使欽州馮總司令高州車總司令雷州楊司令三水陸統領魏司令鑿頃由肇慶李鎮守使來文謬承諸公以兩廣都司令相委煊以衰朽之身何堪戎馬之役諸公出死救國煊又不容獨安進退旁皇強自督責定日就職別有宣言意苦語長另刊郵寄報命誓當共死執殳願得前驅不棄菲葑幸時惠教岑春煊叩艷印

陸龍都督推梁任公爲都參謀文

火急肇慶梁任公先生鑒濟光等奉戴西林岑公爲兩廣都司令繼思大將出征首資方略千里決勝端賴運籌所有都參謀一席一時實難其選惟公學貫中外智嫻韜略文謀旣茂

武術兼資而又氣凜秋霜明見毫末廿年筆伐神姦久已寒心此日前驅壯士同思飲血計茲重任非公莫勝伏乞俯察微忱慨然任事得君一語賢於十萬之師示我周行直取元兇之首臨電不勝迫切待命之至廣東都督龍濟光廣西都督陸榮廷冬叩

李鎮守使領銜推戴梁任公爲都參謀文

梁任公先生鈞鑒竊維討罪之師正如風發濤湧而起使民大覺實爲口誅筆伐之文方籌安助逆於京師而宏論卽流於薄海字字褫奸人之魄語語激志士之心滇黔旣投袂而興桂粵亦聞風恐後覆漢等忝列戎行適蒙國辱旣嘗飲無量無數之血以構此共和安忍與不信不義之人並立於天地義在更無反顧道同不必相謀先後樹獨立之旗水陸列萬人之陣兩粵宜爲一體三軍誓無二心總師已戴岑公運籌咸資偉略今謹統率所部奉公爲兩廣護國軍都參謀伏惟一言先燭多後效於十年固知片策發機必決勝於千里雖復控惚戎馬非以禮事高賢方呼吸以判存亡諒秉義以爲終始岑公恩澤在民先生準的多士幸兩雄之結合必相得而益彰樹此風聲立迴觀聽數獨夫之罪何止百千得一紙之書必賢十萬上馬殺賊漢等願効前驅飲至策勳先生請爲露布當仁不讓迫切以求肇陽羅鎮守使陸軍第二師師長李耀漢潮梅總司令莫擎宇廉州安邊都護使隆世儲欽州道尹馮

相榮高州總司令車駕龍雷州司令楊學紳攻城司令魏邦平陸軍第二師第一旅旅長李華秋陸軍第二師第二旅旅長翟汪警衛軍第四十六七營統領陸蘭清陸軍第二師礮團團長黎章鴻等同叩冬

梁都參謀覆電

廣州龍都督並轉段旅長鄭旅長李督辦王鎮守使黃鎮守使楊高雷道尹納旅長李團長馬統領伍統領南甯陸都督並轉陳師長譚師長莫鎮守使肇慶李鎮守使並轉李旅長黎團長汕頭莫總司令廉州隆都護使欽州馮總司令高州車總司令雷州楊總司令三水魏司令陸統領鑒奉陸龍兩督領銜來電及李鎮守使領銜來文以兩廣護國軍都參謀相委敢超本以書生未學軍旅徒憤國且淪胥始載筆爲呼籲當人道絕續之會賴四省仗義而興聞風而後之志竊比懦夫大令辱以參謀寧堪鉅任驅之共死非所以爲榮將欲避賢又有所不敢謹隨岑公之後庶盡一得之愚鼓鞞而思將帥圭臬惟仰諸公傳檄倘可屈人嘔心所不敢惜以爲可教勿吝良規梁啓超叩江

岑都司令就職宣言

(民國五年五月一日)

春煊何才都司令何職吾兩粵都督諸將領才皆百于春煊乃以若是非所堪者之職相委

受耶春煊既不才且非所堪矣辭耶彼都司令者非權利職亦非永遠職當其遠職吾徒居其名當其近職吾且不能不死然則都司令者文言之則名職質言之則死職耳與賊決死春煊之志則然諸公責我以志吾何敢辭今就職矣願與諸公有言春煊將言先不能無大慚使春煊而才者袁世凱豈能篡滿清三百年之業辛亥則既篡矣又豈能叛民國四萬萬人之國今茲則既叛矣於彼著其爲篡與叛之才於此則著我無才以制此篡與叛者乃使其竟篡且叛辛亥宜死天下人能持新義以諒春煊雖然春煊之不死則春秋之舊義賊未討不敢死也天下人之不能諒我者實爲癸丑之役斯役也謂春煊爲不度德不量力春煊無辭謂袁世凱于其時爲不當討則今日之討袁無婦人孺子一聞袁世凱之稱帝無不裂背攘臂譴然討袁討袁者非以其違法乎然則癸丑之殺宋教仁大借款兩案果爲違法乎否乎易曰履霜堅冰吾于彼之兩案凜凜乎履霜逆斷此賊必有稱帝之冰以繼其後曾不兩年而彼果稱帝矣春煊癸丑之敗敗于不量力而招天下之非議今茲之役天下人幸無復非議我且惟督責我者雖然春煊不敢必此役之必勝然而必有以答天下之督責不負兩廣之委託者惟有兩言袁世凱生我必死袁世凱死我則生耳雖然袁世凱之死不死非春煊一身之死不死所能判斷也因是之故春煊更欲與諸公有言諸公灼知袁世凱之當

死又志乎必死之而後已者則願諸公先堅必死此賊之志必死此賊者此賊義當死也至于不得已而用仁亦惟師古罪不及孥之義宥其家人宗族不錄其資產此已爲至仁矣以是爲仁有所未至而容其退位保其首領此已近乎傷義若并其位而容之則對袁世凱爲不義而對四萬萬人爲不仁夫抱萬死不顧一生之志以討賊終乃容賊以自陷于不仁不義此賊一日而存凡起義者孰一能免于死不仁不義而又不免于死必非諸公之本心且大負滇黔倡義之意矣諸公守此本心不容一切非義調停之說勿餒於不勝也滇黔仗義以先天下厲兵以嚮川湘賊軍號爲至強所遇無不摧破合吾兩粵十萬之師春煊實敢斷言萬無不死此賊之理卽不死亦必逃萬一天佑此賊竟容其踞總統以終古天道誠不可說而吾赴義而之士千秋萬歲不亦芬芳矣乎春煊幸得與于芬芳之役而死千秋萬歲亦芬芳矣此願與諸公定志誓死之第一要約也志乎死矣然後乃有用兵可言用兵之術至繁一言可以蔽之則曰師克在和而已和之云者勿避害勿爭利勿倏過勿攘功狹之勿持此部與彼部之分廣之勿存此省與彼省之見必使百將如一將兩粵如一家目標指於一賊此外勿生異同兵間之和如此外則師行所至務得國人親愛敬信之心彼賊之軍所至而敗者以其所至姦淫燒殺大傷人民之心也吾反之以效忠竭誠使人民曉然義師之

興純爲誅鋤害我之賊十萬之師鼓行而前無量數之民聲援于後賊誠梟悍宜無不倒矣諸公所經何止百戰乃若結合將士指揮戰略整肅軍紀收拾人心凡所云云春煊方師之而未逮都司令誠無盡職之可言無已求副其名諸公之間萬一而有彼此不欲直達者通意述情之責春煊所不敢辭區區無私之誠亦望諸公之深信也春煊之不才非諸公所知其與人不致念舊惡持身不敢染習氣當爲諸公之所知也兩粵自都督以次大率爲春煊嘗得親炙且多論交至厚之人故舊復同患難恩誼自篤於前羣賢濟濟之中容有爲春煊昔日所嘗因公開罪者願先數我之非曲恕其過然後解除舊怨與子同仇持和以勉士卒吾與諸公而先有所芥蒂彼此能無內媿乎諸公恕我而我猶有毫髮舊怨之念存者是爲春煊懷私忿以誤國家願諸公且勿討袁先討我耳內不存相疑之意外乃論交際之文大賊當前吾與諸公方求死而不得所更復何心以演官場齷齪繁重之儀式耶請與諸公約勿問言語文字服食起居萬事惟求直捷惟務樸實凡手續之稍近於委曲舉動之稍近於奢僞者必務去之精力當留以殺賊財力當留以餉士春煊與諸公宜本此心以相接亦望諸公本此心以互相接也天下皆號春煊曰鹵莽尙氣之人春煊誠有此短然自問亦有願聞過而不憚改之長交春煊久者必知此言之非僞有疑爲僞者春煊敢九頓首以請諸公

但見吾過姑試爲至重極嚴之語以相規規之是而不聽聽焉而不改是爲春煊之不可教願諸公遠我乃至絕我不然則願諸公之匡我救我勿遽以其一節之短遂斷其一無可教則諸公之惠我厚矣春煊老矣且多病苦重諸公之督責不得不舉此垂盡之年從諸公于鋒鏑幸及喘息之存得見元凶之死此固諸公大有造於國家不徒助春煊申匹夫之志也至于其時春煊再百頓首以謝諸公之賜然後退而理我田廬永依諸公之庇得爲共和之民了此餘生實爲天幸此不可得則謹堅守上所云云與諸公同死耳腹心之言伏惟鑒信繼此有見當別有言

岑都司令就職通電一

急雲南唐都督貴陽劉都督杭州屈都督四川行營蔡總司令百色李總司令松坎戴總司令暨各鎮守使各師旅長鑒春煊頻年亡命海外近以廣西獨立始得閒關歸里本意展謁丘墓息影田廬不期兩粵都督及全體軍官乃以兩廣護國軍都司令相委自顧衰庸何堪戎馬重惟同患又恥爲謙累日旁皇強自督責頃者就職別有宣言演首倡義擁護共和薄海嚮風恥爲後起鼓此所向無前之氣不容非義調停之言必見殲此元凶奠我民國煊雖不才勝不敢分一校之功退不敢後諸公而死倘承不遺願時惠教岑春煊叩東

岑都司令就職通電二

除雲南貴陽南甯廣州杭州外各省將軍巡按使巡閱使護軍使各都統各師長旅長各鎮守使各團體各報館公鑒春煊頻年亡命海外近以廣西獨立始得間關歸里本意展謁丘墓息影田廬不期兩粵都督及全體將領乃以兩廣護國軍都司令相委以煊衰朽之身寧堪戎馬之役重惟患難之義又以規避爲慙累日旁皇勉自督責頃者就職別有宣言兩粵謬以相推自當生死與共進求消弭國難最後惟仰諸公煊非有憾於袁特難忘情於國袁苟一日不去國必由亂而亡煊與諸公雖愛和平將何附託慙無潛移默轉之方敢惜荷戈飲血而死諸公憂國之深愛國之摯伐薪而不傷木良規極所願承厲兵而賦同仇前驅寧所敢避樂爲人下竊景前賢不遺狂愚佇希後教岑春煊叩東

岑都司令就職照會各國領事文

爲照會事照得袁世凱背叛約法破壞民國帝制自爲天下同憤滇黔倡義桂粵繼起誓師北伐必去國賊本都司令由廣東龍都督廣西陸都督及兩省全體軍官公推爲兩廣護國軍都司令已於民國五年五月初一日就職卽於肇慶設立都司令部敝國與貴國素敦睦誼兩廣獨立以後凡有貴國商務教務兩廣都督自有按約保護之責其有爲都司令職權

所及者亦當盡履行條約之責爲此照會貴總領事官領事官請煩察照并請轉知貴國駐京公使查照須至照會者

一 都司令部組織令 (民國五年五月一日公布)

第一條 兩廣護國軍都司令統轄廣東廣西兩省軍隊管理一切軍務兼籌政務財政

第二條 都司令部設職如左

參謀部

祕書廳

參議廳

外交局

財政廳

鹽務局

餉械局

副官處

第三條 參謀部掌管軍政軍令設都參謀一人協贊都司令籌畫一切軍務設副都參謀

一人秉承都司令輔佐都參謀整理參謀本部一切應行事務設參謀若干人秉承都參謀副都參謀執行該管任務參謀部分設下列各處各處設處長一人處員若干人

軍衡處

軍需處

軍法處

軍醫處

軍械處

第四條 祕書廳設祕書長一人秉承都司令掌管廳內一切事務辦理機要文件設祕書若干人分掌職務

第五條 參議廳設廳長一人參議若干人備都司令之諮詢並議決交議事件

第六條 外交局設局長一人秉承都司令管理國際交涉事務設科長科員若干人分掌職務

第七條 財政廳設廳長一人秉承都司令掌管一切財政設科長科員若干人分掌職務

第八條 鹽務局設局長一人秉承都司令掌管鹽務設科長科員若干人分掌職務

第九條 餉械局設局長一人秉承都司令掌管各軍各處局之餉項粮秣被服軍器出納
並核消事務設科長科員若干人分掌職務

第十條 副官處設副官長一人秉承都司令宣佈命令辦理本部一切庶務


第十一條 部局廳處之分職各以細則規定設置員額由都司令量事之繁簡酌定之

第十二條 本部各部廳局處辦理其主管事務均以都司令名義行之

第十三條 將校團及軍隊之編置另令規定

第十四條 本令自公佈日施行

附組織表



公文程式令

民國五年五月一日公布

- 一 本部上大總統文用呈
- 一 本部與各省都督往來文用咨
- 一 兩廣鎮守使道尹師旅長及前敵各軍團隊司令等來部文用呈部往文用令
- 一 本部與國內各地特派專使來往文用咨
- 一 本部與外省軍總司令來往文用咨
- 一 本部與派駐各國公使或代表來往文用咨
- 一 兩廣屬內及其他各官廳來部文用呈部往文用令
- 一 地方團體及其他來部文用呈部往文用令
- 一 本部宣示中外文用佈告曉諭人民文用示
- 一 本部任免官吏授與獎章文用令
- 一 本部內各機關上行文用呈下行文用令
- 一 本部半公式文用公函

兩廣都司令部暫行辦事細則

第一條 本規則係依據本部組織令規定其辦事之程序在部人員均應遵守

第二條 各部廳局處主管事項業於組織令內分別規定各部廳局處職員承辦事件由各該主任支配分理關於各部廳局處辦事細則亦由各該主任自行規定呈請都司令核准施行

第三條 凡公文到部由收發處主任員拆封隨即編號案由分類登簿暨分別最要次要例行及其事件性質各蓋戳記送由秘書廳長轉呈都司令批示後發由秘書廳長交各主管者辦理但不屬於公文之函件及釘密文件均須另列號簿逕呈都司令拆閱發由秘書廳長分別核辦

電報管理處辦法准此

第四條 各部廳局處主任審其事務繁簡酌設日記簿一冊將每日承辦稿件案由記入並分別要件常件已辦未辦暨何員承辦詳加注明以備檢查

第五條 凡判行之稿發由各主管員交由收發處分交錄事繕正校對畢送交監印處用印收發處編號登簿發出

第六條 凡判定稿件繕交時間應於一日內辦訖但字數過多者得酌量展限判定稿件之末有批定繕發時限者應即依限辦結

第七條 凡不屬一主任專管事項應由各主任互商辦理如彼此意見不同時得請都司令裁酌前項各稿件辦訖均應送關聯各主管員會核

第八條 電達及緊要稿件應隨時提前送核繕發其例行稿件逐日彙送核閱

第九條 各員擬稿需檢文卷應填調卷據開明案由向收發處調取檢閱既畢仍送歸檔並將原據撤回其調卷據由庶務員置辦分交各員備用

第十條 凡稿件簽發後交由收發處分別歸檔其案卷凡屬一事應順次釘裝或黏連不得散置遺漏

第十一條 凡未經宣布之文件各部廳局處職員應負謹守祕密之責其有須提前宣布者須經各該長官呈請都司令認可乃准發表否則以洩漏機密罪論

第十二條 本部一切經費於每月二十五日以前由支應處開列下月預算冊呈請核發並於下月五日以前造具決算冊呈送核閱存內備查

第十三條 各部廳局公用物品由庶務處備辦應付並立簿存查

第十四條 辦公時間夏秋季以午前八鐘入值十二鐘至二鐘休息二小時冬春季以午前九鐘入值十二鐘至一鐘休息一小時均以午後六鐘散值但有緊要事件雖不在規

定時間之內一經召集仍當入值辦理散值時間仍應輪留一員值日

第十五條 各員在辦公時間概不見客但因公來見者得依本員之許可於別室接見之

第十六條 凡遇年節國慶日各員均予休息一日惟譯電專員不在此例

第十七條 各員請假另立假條凡假期在一日以內者各員各就其所屬長官陳明其在

一日以上者須由各長官呈請都司令核准

第十八條 本規則如有未盡事宜得隨時修正

二 參謀部組織綱要 (民國五年五月三日公布)

第一條 參謀部掌管軍政軍令

第二條 都參謀直隸於都司令協贊都司令籌畫一切軍政

第三條 副都參謀秉承都司令輔助都參謀整理本部一切應行事務

第四條 參謀部設部附及參謀若干員秉承都參謀副都參謀執行該管任務各參謀分

管任務如左

一 作戰事項

二 牒報

三 交通運輸

四 編制

第五條 參謀部設左列各處

軍衡處

軍械處

軍法處

軍醫處

軍需處

第六條 各處設處長一員承長官之命掌理處務

第七條 各處設處員若干承長官之命助理處務

第八條 軍衡處

一 關於陸軍軍官軍佐及軍用文官之進退任免事項

二 關於調查陸軍各項人員事項

三 關於考績表兵籍戰時名簿及軍用文官名簿事項

四 關於編纂年格名簿事項

五 關於保管軍官軍佐軍用文官及戰時職員表事項

六 關於恩賚叙勳記章褒章及賞給事項

七 關於休假事項

八 關於廢兵處置事項

第九條 軍械處

一 關有要塞及師旅團營之槍礮配置事項

二 關於槍礮火藥子彈及其他一切軍械之制式支給交換檢查事項

三 關於飛機電話電信之器具材料購辦及支給事項

四 關於各項器具材料之購辦及檢查事項

五 關於軍械人員之考績事項

六 關於馬匹各事項

第十條 軍法處

一 關於陸軍軍法事項

- 二 關於陸軍監獄事項
- 三 關於赦免及罪人俘虜之處置事項
- 四 關於陸軍司法官及監獄職員之考績並補充事項
- 五 關於高等軍法會審事項
- 六 關於憲兵一切事項

第十一條 軍醫處

- 一 關於軍醫獸醫各種診療機關事項
- 二 關於傷病等差之診治事項
- 三 關於體格檢查事項
- 四 關於戰時衛生勤務各種規則事項
- 五 關於防疫及衛生試驗事項
- 六 關於衛生材料事項
- 七 關於衛生報告統計及調查事項
- 八 關於軍醫司藥獸醫所屬各項人員之勤務教育考績及其補充事項

九、關於紅十字會及恤兵團體事項

第十二條 軍需處

- 一 關於軍需運用事項
- 二 關於各機關軍需事項
- 三 關於各軍需官勤務事項
- 四 關於各機關軍需人員之教育及其補充
- 五 關於稽核軍費出納並預算一切事項
- 六 關於掌管出納之官吏事項
- 七 關於各種給與及軍規定之審查事項
- 八 關於規定俸及旅費一切事項
- 九 關於軍服之籌備及檢查事項
- 十 關於規定及準備裝具粮秣等配布事項
- 十一 關於戰時徵發事項
- 十二 關於本部一切庶務事項

第十三條 辦理本部主管事務均以都司令名義行之

第十四條 各處辦事細則另章規定

參謀部編制表 民國五年五月初五日製

都 參 謀								
副 都 參 謀								
軍 令					軍 政			
第一課	第二課	第三課	第四課	軍衡處	軍需處	軍械處	軍法處	軍醫處
主任 (少將或上校)	主任 (少將或上校)	主任 (少將或上校)	主任 (少將或上校)	長 (上校或中校)	長 (二等軍需正)	長 (上校或中校)	長 (上中校相當官)	長 (二等軍醫正)
課員	課員	課員	課員	處員	處員	處員	處員	處員
(中少尉)	(中少尉)	(中少尉)	(中少尉)	(中少尉)	(二等軍需)	(中少尉)	(中少尉相當官)	(二三等軍醫正) (二三等司藥正) (二二等軍醫) (二二等司藥)

考 備

- 一 軍政暫時屬本部俟日後事繁再作獨立機關直隸都司令
- 二 本部設差遣員若干人
- 三 本部設文牘委員若干人
- 四 繕寫文件及其他特別事務另酌用雇員

三 財政廳簡章 (民國五年五月五日公布)

第一條 本廳歸都司令部直轄綜理財政事宜

第二條 廳長綜理廳務有指揮監督全廳事務之權

第三條 各科科長秉承廳長命令率同科員辦理本科一切事宜對於本科主管事務負完全責任

第四條 各科科員有受科長督率辦理本科事務之責擬辦本科應行稿件

第五條 各科科員於本科應辦事宜分別核辦以專責成惟遇有應行互商之件仍當不分畛域幫同辦理

第六條 錄事應受科長科員之指揮監督承辦核算繕校等事

第七條 本廳辦事現分四科每科職掌如下

甲 第一科職掌事項 關於擬撰不隸各科之文牘並要重函電規定章

卷宗冊籍監用印信整理票簿契照會計本廳款目委任人員收發繕
件事項

乙 第二科職掌事項 關於核收各機關解繳款項並支付用款核算各縣各局廠處
所交代款目及辦理預決算事項

丙 第三科職掌事項 關於辦理所轄地方釐金及礮臺籌防海防各經費事項

丁 第四科職掌事項 關於辦理所轄地方田賦(兼清佃沙捐稅契驗契)稅務(府
稅烟稅酒稅牌照稅礦稅印花稅等)捐務(花筵捐屠捐豬捐牛捐戲捐房捐鋪捐
等)商餉(硝磺餉當押餉等)及各屬呈報抽收一切雜捐事項

第八條 每科設科長一員科員若干員酌量事務繁簡分別支配

第九條 本廳一切收支暫以餉械局兼經理金庫完全擔負現金收入支出以及保管之
責

第十條 各地軍隊劃撥餉項未經由本廳者應請都司令飭令各屬將收入數及支撥數

分別報廳以便彙核而資統計

第十一條 凡核收核支事項承核員審查無誤均須簽名及核訖相符圖記以重責任

第十二條 每屆月終時所有本廳收入支出各款應由專司登數員與餉械局互相核對務須符合以重款項

第十三條 本廳來往公文及管理卷宗現時事務尙簡暫由都司令部收發處兼代但須另冊登記及編置以明統系而專責成

第十四條 此項簡章不適用時得修改之

第十五條 此項簡章以奉都司令核准之日施行

四 餉械局簡章 (民國五年五月五日公布)

第一條 餉械局秉承都司令命令掌理軍餉軍械之出納保管及被服糧秣之採辦藏儲等事宜置局長一人負完全責任

第二條 餉械局設四科如左

- 一 收支科 金庫 主計
- 二 軍械科 修理 管理

三 被服科 採辦 保管

四 粮秣科 採辦 儲藏

第三條 收支科專司軍餉出納及一切會計核銷事項置科長一人科員三人但本科事務繁重時經都司令認可得增加科員若干人

第四條 軍械科專司軍械存發數目並負修理管理之責置科長一人科員二人技士若干人此項技士員數及修理事宜另以命令定之

第五條 被服科專司採辦被服及一切軍用物品並負保管之責置科長一人科員二人

第六條 粮秣科專司軍用粮秣置委員若干人呈由都司令臨時酌派

第七條 關於餉械被服粮秣之運輸須由餉械局自行照料各科委員不敷調遣經都司令認為必要時得呈請酌派臨時委員

第八條 餉械局置書記二人專司文牘及冊簿

第九條 餉械局置護兵十名司局內巡查及其他動作

第十條 本簡章自公布日施行

軍需處組織簡章

一 軍需處秉承長官稽核軍費之出納及規定俸給旅費與籌備軍服裝具糧秣等事設置處長一人擔負完全責任

二 軍需處設左之各科每科以科員一人擔任主任

(1) 金櫃科

(2) 服裝科

(3) 糧秣科

三 金櫃科員稽核各軍費之預算決算規定俸給旅費編裝整旅之預算等事

四 服裝科員任籌備分配檢查及規定軍用器具等事

五 糧秣科員任規定準備配布給與及戰時徵發之責

六 各科員承處長之指示整理一切但各科員須負各科之全責

七 處內因事之煩簡隨時可呈請雇用錄事專司繕寫

八 本簡章自公布日實行

五副官處簡章 (民國五年五月五日公布)

第一條 副官長稟承都司令執行主管一切事務

第二條 副官長於部內庶務應負整理之責有規定可據者得直行處理之然後申報否

則具案於都司令或與都參謀協議待其裁決然後施行但輕易之事決行後申報亦可

第三條 副官長應常與各部局互相聯絡以免互異紛馳之弊

第四條 副官長宜乘有暇之時視察直轄各機關之內務將其情況申報於都司令都參

謀

第五條 副官長量各副官之材分課諸務而實行監察指示之責

第六條 副官受副官長之指揮處理職務

第七條 副官處所管主要之事項

一 關於命令之傳達及通報報告之事項

二 關於地方官署交涉之事項

三 關於官報及新聞雜誌由祕書廳核定交出揭載應發表之事項

四 關於禮節儀式之事項

五 關於軍人軍屬之請願事項

六 關於人馬現額表死傷表之調製事項

七 關於虜獲及罪人之事項

八 關於各兵籍平時名簿戰時名簿附屬文官名簿及將校停年名簿等調製之事項

九 關於將校經歷技能之書類保存事項

十 關於本部兵役之分配及管理事項

十一 關於官發物品之保管事項

十二 關於部內軍紀之維持事項

十三 關於應與各部局會辦之事項

第八條 各副官於分掌外之事項及臨時發生之事件按其繁簡互相協力辦理

第九條 副官長如有要故不能執行職務時得於副官中指定一人代之

第十條 各副官於會議會報時依副官長之指名任筆記之事

第十一條 本簡章自宣佈之日施行

六 將校團簡章 民國五年五月五日公布

第一條 本團定名為兩廣都司令部將校團

第二條 本團以廣羅陸軍人材準備補充軍職為宗旨

第三條 凡在官立陸軍學校習軍事學課程在一年以上領有畢業憑證者得入本團但修學期在二年以上者雖未領有畢業憑證亦可入團

第四條 凡具前條資格開呈志願書得都司令部軍職人員二人以上之介紹及團員中五人之保結經都司令參謀部認可與以認可券即得入團

第五條 凡留團者除供給住宿伙食外每員每月給津貼銀拾元

第六條 團員入團後不得擅離由團長指定研究學術及軍隊勤務規其成績派委職務

第七條 團員中有不守規則或體格不堪服務者由團長呈明都司令革退

第八條 將校團辦事細則另規定之

兩廣都司令部考實目錄

第一編 軍事

岑都司令致龍督電一二

龍督來電一二

陸正司令來電一二

岑都司令致陸正司令電

岑都司令致陸都督電

陸都督來電

陳司令等致林總司令電

陳司令等來電

莫師長來電

陸都護使來電

岑都司令致三水清遠知事蘆苞章總辦電

岑都司令致譚莫林總司令成參謀長陸正司令熊支隊長莫知事電

岑都司令致莫總司令電一二

葉參謀長莫知事來電

岑都司令致莫知事電

岑都司令致福建李將軍電

岑都司令致贛省李將軍戚巡按使電 覆電附

岑都司令安民示

岑都司令解散民軍示

岑都司令禁止招兵示

岑都司令密令查辦劉中堂文

岑都司令組織軍事審判令文

岑都司令宣布劉中堂罪狀文

岑都司令宣布林安遠詐冒事實示

劉委員壽朋梁知事日東呈文

兩廣都司令部考實

第一編 軍事

岑都司令致龍督電

廣州龍都督鑒省電敬悉收編香恩新開三水各縣小股民軍赴汕一節既承飭屬保護至爲感叙所派委員姓名前山爲黃炎江門爲吳越俊河口爲黃秉鈞並擬三處同時舉辦至赴汕所經路線則前山一隊循港澳輪船航路江門一隊循香港北街夜輪航路河口一隊循港梧輪船航路直趨汕頭除令行該委員妥慎辦理毋許騷擾外應請飭知所在營縣免生誤會爲要岑春煊寢印

岑都司令致龍督電

廣州龍都督鑒現據獨立第二旅長魏邦平呈稱前奉命編集舊部先行成立兩營等因旅長遵卽派參謀馬毓藩副官魏觀明等馳往香山屬之前山小欖海洲古鎮曹步順德屬之江尾集合舊部收編民軍約得九百餘人均係自備軍械由該處紳耆出具保結并立志願書察其情形均能聽約束踴躍効命惟現時集合地點擬在香山之前小欖海洲古鎮曹步

順德之江尾用敢據實陳明伏懇轉電龍督飭屬一體查照辦理以免誤會而生衝突等情到部據此除批示外相應電達希卽電知各屬查照至禱岑春煊刪印

龍督來電

肇慶岑都司令鈞鑒咸電敬悉改組香山任鶴年一軍尊電所開係任第二次要求條件敝處并未允許最後解決改編該軍爲北伐第三軍一切服從命令其解散傷亡編組各費及留守香山兩條概行取銷其餘應就該軍原有槍枝定營數多寡編定一營點名後卽出發南雄前敵一營經任鶴年元日電復照辦已經飭委核與該代表在尊處所言判然不同殊深詫異此次任鶴年急而求撫重以尊處勸阻用兵是以查照尊處所定收編章程第一第二條改編該司令係來濟光處求撫已由濟光飭委特併奉復濟光叩洽印

龍督來電

肇慶都司令鈞鑒並送李子雲總司令覽奉都司令電知該總司令擬率所部隨同都司令節麾尅日北伐具見該總司令義憤激昂深增敬佩尙希將擬帶營隊數目及布置西江防務情形見告並一切稟承都司令辦理可也龍濟光叩都督龍豔印

陸正司令來電

肇慶岑都司令鈞鑒各路民軍職部迭經布告凡屬同志應就現駐地點各守文明不庸侵越冬日黎二朱廣勝等帶有民軍竄入蘆苞勒繳槍械索詐商民職軍正擬拔隊西行與其擊戰懇卽電飭民軍司令迅飭該路民軍仍駐大塘以安商旅並商李鎮守使飭令駐三水肇軍拔駐蘆苞藉資鎮攝正司令陸蘭清呈冬印

陸正司令來電

肇慶分送岑都司令陸都督莫鎮守使李鎮守使鈞鑒冬日股匪黎二朱廣勝潘誠李福朱三禰才黃沛朱水官三林森羅德等因打草不遂糾率北江黨羽千餘水陸並進圖搶蘆苞商埠適職軍拔隊西行回頭痛擊鏖戰數時斃匪百餘奪獲旗幟等件商民安堵該墟商董留軍鎮攝擬商肇軍卽日拔駐蘆苞職軍支日啓程西上謹先電聞正司令陸蘭清呈江印

岑都司令致陸正司令電

三水陸統領蘭清鑒江電悉斃匪安商辦法極當甚佩惟尊隊啓程務在肇軍妥駐蘆苞以後希注意岑春煊江印

岑都司令致陸都督電

梧州探送陸都督鑒林君虎蒙公委用彼甚感激願爲前驅惟于收拾廣東軍隊有經手未

完事件在煊左右深資臂助尙難遠離公處隊伍完成林暫不到差想無大礙懇卽推情相讓資我長城無任盼禱岑春煊叩佳印

陸都督來電

肇慶岑都司令鈞鑒佳電敬悉林司令虎旣在尊處甚屬得力自應遵照鈞諭留在尊處助理一切請卽轉知陸榮廷叩蒸印

陳司令等致林總司令電

肇慶都司令部轉林隱青先生鑒接庚電始悉前奉各電均未達覽本梯團業於感日成立兵力暫照原議司令部現設化州城我軍頃奉都司令就職宣言踴躍逾恆枕戈待命此後進行方畧懇速示知廣東護國軍林軍第三梯團司令陳自先支隊長鄒武第一團長陳敬第二團長關良志暨全體軍官公叩蒸印

陳司令等來電

肇慶都司令鈞鑒接奉寒電有總司令及四支隊名稱始悉別處報告鈞部與此間情形實有不同原自進師高城之後經將事前連絡軍隊編爲廣東護國軍林軍第三梯團本梯團先已成立第一支隊由暫兼高雷道尹鄒武充當支隊長至楊學紳陳德星何文炳等各營

因遠在雷州故第二支隊編組暫未完備此間情形實在如此至此後進行大畧惟有遵照鈞部冬日電文布告如此可按期以觀後效等示自先等謹奉斯言以爲主旨仍一面整飭軍旅以備北征此外關於托名徇私之舉本梯團各官長概未與聞謹陳林軍第三梯團司令陳自先第一支隊長鄒武第一團長陳敬第二團長關良志全叩咸印

莫師長等來電

肇慶岑都司令鈞鑒接委狀承委擊宇爲師長德春揆芳爲旅長兼任團長家瑞瑞華爲團長衡爲參議宇等材愧駑駘功虛汗馬屬大盜竊弓之日應孟津仗鉞之師報國之職應然飲血之期尙遠祇有勉竭涓埃藉酬知遇奮螳臂以當車聞鷄聲而起舞倚馬待命先布區區師長兼潮梅總司令莫擊宇率旅長陳德春藍揆芳團長何家瑞朱瑞華參議莫衡等同叩刪印

隆都護使來電

肇慶都司令鈞鑒本日副官楊開運回署面奉溫諭感激莫名所部軍隊原擬編發征湘異常奮發一切情形經電稟在案計自獨立後世儲對於出發防務二者皆已籌備茲北伐旣奉令暫行中止兵力自有餘裕遠懷舊主効力情殷擬遣久經訓練之兵一營扈從帥節如

蒙俯允刻日赴端聽候驅使至楊開運新帶之新軍一營訓練嫻熟前因龍督扣發槍枝故兼習機關槍隊礮隊等藝當茲用武之際未便因噎廢食擬懇鈞座設法給予步槍五百枝以充軍實併備驅遣乞電示遵安邊都護使隆世儲叩支印

岑都司令致三水清遠知事蘆苞章總辦電

三水莫知事國鈞蘆苞章總辦清遠余知事鏘鑒疊接報告北江一帶有假托護國軍名義者多起到處搶劫阻絕交通商民驚恐等情當經飭令第五師撥派迅赴三水相機防剿並電知滇軍王營長嘯撥隊梭巡下游藉利交通合亟電知遇有假護國軍行同土匪之軍隊仰卽商同第五師熊營長及王營長相機剿辦爲要春煊儉印

岑都司令致譚莫林總司令成參謀長陸正司令熊支隊長莫知事電

佛山譚總司令莫總司令新街滇軍成參謀長林總司令三水陸正司令熊支隊長三水莫知事國鈞清遠余知事鏘同鑒據本部參謀駱鳳翔電稱北江土匪因我軍痛剿擬用第六軍旗號乘間逸出赴佛山趨燕塘與龍軍合請飭沿途軍隊防範爲要等語查該土匪等蹂躪地方已非一日今經痛剿便起狡謀仰沿途妥爲防備嚴行痛剿以紓民患岑春煊勸印

岑都司令致莫總司令電

佛山莫總司令鑒疊接三水縣知事本部調查員莫魯楊瑞昌先後報稱近有華僑民軍總司令黎義在三水河口一帶大張布告詐索船戶阻礙交通商民驚恐請急派隊來縣助剿等語查該軍乘虛猖獗行同土匪合亟電達希速查明相機剿辦爲要岑春煊感印

岑都司令致莫總司令電

佛山莫總司令鑒前據三水莫知事等迭電稱西南壹帶有華僑黎軍異常猖獗行同土匪等語曾經電請執事撥兵相機辦理在案現由第五師撥派一營尅日前往鎮懾執事自可毋庸撥隊前往以便專注前方岑春煊感西印

葉參謀長莫知事來電

肇慶都司令鈞鑒感豔電先後奉悉正從事偵察間適張師長習率隊於三十日午前午時三十抵三卽會知事商定辦法隨由張師長派熊支隊長略張營副欽各帶兵一排分乘泰西逢源商輪在牒面兩頭堵截陸上由參謀長隨同張師長指揮二十團一二兩連兵士知事親率警察游擊隊並第三師軍隊沿島包圍布置已畢隨視高豎黎字白旗之僞軍輪船鼓輪西上希圖逃脫當由陸上軍隊勒令停輪水上熊支隊長略率泰西輪急駛前追方行停駛立即派員分到僞軍船上勒令繳械曉以利害該軍遂俯首遵繳計共繳各式槍枝四

十四桿子彈一千二百二十一顆手槍二枝軍衣帽各三十五件同時有偽軍陳瑞南及其辦事人李日宣二名持槍登陸意欲逃遁均經軍警拏獲並奪獲槍二枝子彈七十五顆於陳瑞南身上搜出打單字據訊據李日宣供稱爲該偽軍辦事人伊弟李少垣在廣隆雜貨店充當司事招待彼軍等潛來寄宿黎義現在已往清遠等語知事登卽親率軍警往該店檢查起出各式槍十枝子彈一百八十四顆手槍一枝並拏獲李少垣李節生二名除將李日宣陳瑞南李少垣李節生等四名交由知事訊辦外其餘四十四人由張師長會同知事剴切曉諭分別給資遣散勒令卽日出境查此起偽軍竟敢有打單勒索情事實屬不法惟經我軍圍拏卽願繳槍不敢抗拒尙非始終怙惡若悉予顯戮似涉殺降且餘黨尙多特恐迫成挺而走險地方更致多事始從寬辦免滋事端其李日宣陳瑞南李少垣李節生等容候知事覆訊確供分別按擬稟辦獲繳槍枝擬請撥給三十枝並子彈一千二百顆准由知事具領俾資軍用餘交由參謀長舉存繳廣隆雜貨店一間業由知事查封載宿該偽軍輪船一艘業由張師長交參謀長舉派兵駐守以備巡河之用黎義一名仍一面嚴密查緝務獲究辦善後事宜由參謀長舉會同知事辦理本日午後一時事竣張師長隨卽乘輪離二所有會同辦理各情形是否有當乞核示遵再此日軍警均極鎮靖始終未發一槍市面安

謚如常足紓厪念合併聲明參謀長葉舉知事莫國鈞謹稟卅印

岑都司令致莫知事電

三水莫知事鑒據滇桂粵聯合總病院院長鄧弁華等呈稱三水一帶駐軍衆多時當酷暑疾病易滋請設分院以資診治等情到部當經委派該院一等軍醫何肇泉朱植生三等司藥正李植臣三員酌帶夫役藥品迅赴三水擇地開設分院去後用特電知所有該軍醫到縣選地開設事宜希卽妥爲幫助爲要岑春煊銑印

岑都司令致福建李將軍電

福州李將軍鑒天降禍亂奸邪交煽坐使國本震撼土宇離析追惟前事實所痛心茲幸天心厭亂項城卽世黎大總統依法繼承國家卽安兵爭自解前途瞻望欣感同深如煊衰庸本無遠志迫於公義勉出視師夙有宣言項城躬退則煊夕隱今幸初志克伸信誓可踐一俟軍中之事部署稍定卽當告歸田里長作幸民一切善後事宜亦經遣使入京恭請大總統訓示辦理惟閩粵邊略前曾互派有兵防守此固疆場之事不得不然現在閩粵一家無復此疆彼界防戍之兵當然撤退敝處所派方司令聲濤軍隊早經飭令停止進行其駐防黃岡大浦等處之軍現亦飭令莫師長擎宇一律撤回惟據該師長稱閩屬詔安永定一帶

尙有軍隊防守擬請尊處亦予調回云云特電奉達仍候卓裁賜覆閩粵比鄰幸依樾蔭倘荷不棄衰朽時錫匡規尤私衷所熱禱者也岑春煊叩號印

岑都司令致贛省李將軍戚巡按使電

南昌李將軍戚巡按使鑒前者項城稱帝民心胥憤兵端旣啓和議無成滇桂之師久頓城下不得已而有聯軍出發之舉以促大局之解決然誓師之始卽已一再宣言袁氏朝去義師夕偃天心厭亂項城奄逝黎大總統依法繼承維時滇軍步隊已抵韶州當經電飭停止進行卽於所在地方暫行駐紮以候後命至大局旣定軍事如何收束亦經敝處派遣代表入京恭請大總統訓示辦理惟從前出師之際道路傳播不無異同用敢專電奉達敬乞代爲布告以息羣疑至煊衰朽之年本無用世之想徒以公義所迫勉出視師今幸私志克伸信誓具在一俟善後諸務稍有端倪卽當解甲歸農返其初服夙欽偉望敢布區區倘辱不遺幸賜教益無限感禱岑春煊養印

贛省李將軍戚巡按使來電

肇慶岑西林先生鑒養電敬悉民國再造賴公維持愛國熱心中外共仰純等欽佩德望尤爲傾慕無旣際茲建設伊始經緯萬端切要之圖莫急於收束軍隊我公首務及此具徵尊

重統一愛護人民之盛意邦人頌德早遍西江乃公下逮謙光欲懷高蹈而國人則曰我公不出如蒼生何願公以國爲重始終維持上以贊元首維新之化下以慰羣生望治之心不特大好中華得公而益增璀璨卽此贛疆南部仗威而永保安寧大局之福實公所賜純等待罪贛疆時深兢惕愧無建樹莫濟時艱惟此衛國保民之志息事寧人之心一息尙存不肯稍懈茲承明教敢貢素懷尙乞時惠南鍼用匡不逮除遵照尊電辦理以宣盛意而釋羣疑外謹此電覆惟祈垂察是荷李純戚揚同叩感印

岑都司令安民示

軍人天職	本以衛民	兵苟不戢	民何以生	我軍紀律	素號嚴明
師行所至	三令五申	爲民除害	允慰輿情	商民人等	共見共聞
各安生業	耕市不驚	爲此示諭	其各懷遵		

岑都司令解散民軍示

照得軍隊之設	所以除暴安民	近聞各處土匪	往往結黨成羣
到處張貼告示	自稱各路民軍	公然搶劫城市	以致民不聊生
軍隊職責所在	豈容坐視橫行	合亟明白曉諭	務卽解散自新

倘再聚衆肆劫 惟有執法嚴繩 爲此布告遠近 其各一體凜遵

岑都司令禁止招兵示

大局底定 禁止招兵 倘敢故違 一律嚴懲

岑都司令密令查辦劉中堂文

爲密令查辦事頃據本都司令部稽查員報告本日晨間有廣保軍艦艦長劉中堂在南門外娼寮率衆肇事等情正飭查間旋據劉艦長具詳前來捏報有匪邀擊語多支離尤爲胆玩除令莫總司令會同查辦外查衛戍地方爲該總司令專責合亟令仰該總司令遵照會同莫總司令迅將該艦長傳到嚴行審訊得有確情即便先行派人看管嚴議懲辦以肅軍紀是爲至要切切此令李總司令耀漢

岑都司令組織軍事審判令文

爲令委事本都司令治軍素嚴就職伊始即明定軍紀宣佈於衆無非爲維持地方保護安甯起見詎有廣保艦長劉中堂於本日晨間胆敢在南門外娼寮率衆滋事亂槍放擊情弊似此目無法紀殊堪痛恨當經令飭李總司令莫總司令迅將該艦長傳到訊辦在案茲據莫李兩總司令呈稱已將該艦長劉中堂傳到請示核辦等情合行組織軍事裁判派員會

審爲此特委第四軍李總司令耀漢爲軍事審判長江防周副司令天祿都司令部參謀部林作戰主任攝第三軍劉參謀長志陸第六軍余參謀長福謙江防江大艦馮艦長廷燦第四軍陶執法長樂夫滇軍李副官長炳榮爲審判官第四軍葉執法員文興都司令部參謀部陳委員國璜爲筆記員卽於本月七日午後二時各集第四軍李總司令部開庭秉公嚴訊務得確情具報以憑懲辦此令

岑都司令宣布劉中堂罪狀示

爲出示曉諭事照得軍人以恪守紀律爲宗旨保護治安爲職務服從命令爲依歸三者俱備方副軍人之名免爲害羣之馬本都司令治軍素嚴執法不阿就職伊始卽已明白宣佈務望互相勸勉乃有廣保軍艦艦長劉中堂於六月六日晨間在南城外娼寮率衆滋事釀成命案當經組織軍事裁判委任李總司令耀漢爲審判長江防副司令周天祿都部參謀部林主任攝第三軍劉參謀長志陸第六軍余參謀長福謙江防馮艦長長燦第四軍陶執法長樂夫滇軍李副官長炳榮爲審判官飭令傳提該劉中堂及一千人證到案研究呈候核辦去後茲據該審判長等呈稱據劉中堂供稱當日酒後在桂金寮歇宿尾房一早起身行經頭房見內一不知姓名客人挾有駁壳槍一桿卽轉至校場看操少停回艦聞有槍聲

或係小竹砲不得而知伊卽帶水兵四五名持槍向寮轟擊伊亦曾發兩槍妓女麗香轟斃當係流彈誤傷質之葉鄭氏則稱天明時突聞頭房詈罵有人掀簾起身查看見劉艦長出外以爲無事不意竟帶隊數人持槍向伊寮轟擊不特葉鄭氏言之鑿鑿卽其自發兩槍已承認不諱身爲艦長狎妓已干軍律乃敢私帶水兵向娼寮放槍傷斃人命滋事後復擅自開輪逃避又捏報搜捕革黨兇橫詭譎尤爲不法惟案關軍官滋事釀命審判長未敢擅便其應如何辦理之處理合錄供呈請核辦等情前來查該劉中堂以艦長而狎妓已屬大干軍律後見妓女桂金寮內頭房歇有一人心中嫉妬遂謀殺機擅率水兵多名執持槍械向妓寮亂行射擊致將桂金同寮妓女麗香擊傷登時身死實屬凶惡已極此不能恪守紀律其罪一旦使附近居民于白晝大都之中倏聞槍聲隆隆相率驚惶罷市肇城軍隊林立若非各士兵素守紀律地方擾亂何堪設想此不能保護治安其罪二及滋事後復敢捏情妄報稱查匪黨又不聽候核辦擅行開輪逃逸此不能服從命令其罪三該劉中堂旣已置身軍界似此種種不法情無可原之理罪犯不赦之條本都司令本擬量爲末減質之法不可道咎由自取除飭李總司令會同莫總司令遵照軍法將該劉中堂革去軍職卽行槍斃以肅軍紀而昭儆戒並飭高要縣緝緝在桂金寮內頭房歇宿之不知姓名人務獲嚴辦外合

行出示曉諭仰該軍民人等一體知悉凜遵勿違切切特示

岑都司令宣布林安遠詐冒事實示

爲出示曉諭事照得潮州人林安遠卽林少梅於本部成立之始前來投効當委任爲本部參議兼潮汕籌餉督催員詎該員利慾薰心借勢招搖詐騙巨款勒詐商民迭據旅滬潮州會館廣肇公所及被害商民周松舟先後電陳稟控種種不法情形殊堪髮指迭經電令潮汕莫鎮守使查明嚴辦乃該員不知悛悔復擅刊印信自稱護國軍第七軍總司令具呈請委前來實屬胆玩已極當經嚴詞批斥將所有委任該員之參議及兼充籌餉督催員差使立予撤消不准再以此項名義到處詐騙并飭將先後經手籌捐各款核實造報來部以憑核辦一面通令各軍知照并令飭潮汕莫鎮守使登報聲明以杜詐騙各在案近據報告該員竟敢以兩廣都司令部參議兼潮汕籌餉督催員第七軍新編師長潮梅第一師總司令顧問潮汕籌餉局會辦及討龍臨時總司令名義擅自印刷佈告多張分貼各處通衢冀以搖惑人心藉便私圖謬妄至此實屬駭人聽聞其玩視刑章破壞軍紀厥罪實無可道誠恐各屬士民不察眞僞聽其蠱惑遂受詐欺除已令飭潮汕莫鎮守使嚴行查辦并登報聲明外合行出示曉諭爲此示仰各屬紳商士民一體知悉須知林安遠卽林少梅其本部參議

及籌餉督催員差使早經撤銷其第七軍新編師長及討龍臨時總司令等名日均係該林安遠擅自冒稱并未奉有本部委任該紳商士民等毋得被其愚弄倘林安遠此後有冒官圖騙招搖勒索情事許被害人扭送就近官廳軍隊從嚴究辦倘或甘受欺蒙暗中附和抑或扶同隱飾別有希冀則屬咎由自取本都司令執法惟嚴不能爲若輩寬也其各凜遵毋違切切特示

劉委員壽朋梁知事日東呈文

爲呈覆事九月十九日奉鈞令內開案查已撤本部參議兼潮汕籌餉督催員林安遠前以私刻印信擅稱第七軍總司令一案經將該員撤去差委令飭潮汕莫總司令查辦嗣將該員獲到發交第四軍李總司令押候在案久懸未訊茲據莫總司令呈覆前來亟應派員審訊以資判結查有本部參謀廳文牘委員劉壽朋高要縣知事梁日東堪以委任爲會審委員合行令委仰該委員即便會同該知事刻日將在押林安遠一名提訊錄供詳擬具報核奪切切此令計發林安遠案卷一宗辦結仍繳等因奉此委員壽朋遵卽會同知事日東函請肇陽羅李鎮守使將在押林安遠一名提解至縣於二十日下午一時在高要縣署會訊並傳本案關係人周松舟到庭備質訊得供詞另摺繕呈並據林安遠將登有源來源源兩

店廣告報紙一張周松舟將親供一紙呈堂請核前來當飭將林安遠一名還押羈所周松舟仍回原寓靜候核辦查周松舟控林安遠一案其倚官嚇詐擅捕債權各節均無確實證據惟欠款一事則兩造均已承認事關錢債係屬民事訴訟範圍且其訴訟管轄應在被告源來店營業所在地委員等奉委會訊係軍法會審其關係民訴之部分未便越俎祇將其關於軍法之部分擬律呈報查該犯林安遠未奉都司令委任私刻印信擅稱第七軍總司令殊屬有干軍紀查陸軍刑事條例第六十八條載關於軍事上爲虛僞之命令通報或報告及詐傳命令通報或報告者依左例處斷同條第一項載戰時軍中或戒嚴地域處三等以上有期徒刑因而失誤軍機者處死刑或無期徒刑各等語查該犯犯罪地點在戒嚴區域以內適與本條相當但未至失誤軍機按律應處三等有期徒刑惟據該犯供稱印信告示均係他人代做即派左新爲營長駐紮龍山鎮事該犯亦不知情到九江後即呈報都司令嗣奉批斥即將所部解散並無絲毫違抗且該犯前此奔走國事不無微勞略迹原心情殊可憫查陸軍刑事條例第一百零三條載暫行刑律總則與本條例不相抵觸者均適用其規定又暫行刑律第九條內載本總則於其他法令之定有刑名者亦適用之但有特別規定者不在此限又暫行刑律第五十四條載審按犯人心迹及犯罪之事實其情輕者

得減本刑一等或二等各等語該林安遠一犯本刑爲三等有期徒刑擬請加恩酌減二等處五等有期徒刑八個月其關係民事訴訟之部分似應由該案債權人向有管轄權之司法機關另案起訴抑或由鈞部咨交廣東高等審判廳發交該案有管轄權之衙門審理是
否有當伏候鈞裁所有奉委會訊林安遠一案緣由理合繕具供摺連同奉發卷宗一束周松舟親供一紙備文呈請批示祇遵再此呈由委員壽朋主稿會同知事日東辦理合併陳明此呈 兩廣都司令岑

兩廣都司令部考實目錄

第三編 政事

岑都司令梁都參謀布告

岑都司令禁賭告示

隆都護使來電

岑都司令致瓊崖文武電

岑都司令致廣州警廳電 一二

岑都司令呈大總統並致國務院參陸兩部電

岑都司令致上海各報館電

岑都司令致陸軍大學校長電

岑都司令呈大總統並致國務院國會參陸兩部電

大總統覆電

國務院參陸部覆電

岑都司令呈大總統並致國務院電

李都參謀致蔣次長電

岑都司令呈大總統電

岑都司令爲姚暄等請卹電

岑都司令呈大總統並致國務院電 一二

國務院復電

岑都司令呈大總統電

皖省議員來電

岑都司令致鈕代表電

岑都司令致新疆楊將軍電

岑都司令致唐都督電

唐都督覆電

岑都司令致李督軍戚省長電

陸督軍爲湯覺頓死事通電

岑都司令陸陳督軍李總司令李都參謀通電

岑都司令致龍督電 一至九

龍督覆電 一二三

岑都司令致隆都護使電

李都參謀致普分統電

李都參謀致唐督軍電 一二

李都參謀致雲南騰衝縣電

岑都司令與李總司令等捐貲修黃花岡先烈諸塋電

兩廣都司令部考實

第三編 政事

岑都司令梁都參謀布告

兩廣護國軍都司令岑春煊都參謀梁啓超爲布告事春煊啓超承兩粵愛國軍人責以大義委任今職職之所在惟專北討地方之事宜賴有司豈謂受任之初父老已環以愁痛慘迫來訴拒絕則有所未忍解救又苦於不能本爲除民之害始起而討袁孰知袁未及討而民先受害誰實爲之惟有自責敢布數言爲民請命兩粵雖同爲獨立之區粵西則閩閩安堵比戶謳歌粵東則都會戒嚴四鄉震恐國賊方盤踞幽燕久稽顯戮吾粵以天府之邦爲中外觀聽所集而內部糾紛若此豈惟不足資以討賊且恐重爲海內外之所竊笑頗聞各路各種軍隊其忠義奮發紀律嚴整者固多其托名徇私因利乘便者亦不少甚或焚燒民居截劫鄉渡以致途旅梗絕民食蕩然問其主名所在或則揭陸軍警備軍某營某團之旗或則樹護國軍革命軍某路某隊之幟真僞不分兇殘相競慘聞呼籲惻惻痛心夫分防各地之軍隊受國餉糈爲民干城勦匪安良乃其職責豈容意氣報復虐及善良更推於各路

民軍起義之初志其根本目的在於討袁其過渡程序在促進粵省獨立粵今獨立程序已完袁猶負嶠目的未達龍督既宣稱親自厲師嚴裝北伐旦旦信誓有衆共聞可按期以觀後效豈宜徒懷愾忿日釀葛藤致大愆匿笑於吾旁而父老蹙額於吾後乃若嘯聚萑苻假託名號既不齒義師之列卽不爲義師所容豈惟國法所必戡抑亦鄉里所同嫉旣爲全省之公患卽當與全省共討之民軍諸領袖皆命世之英救時之彥必不肯以衛國徽號供彼輩之護符又豈忍以己身令名任他人爲點污益深益熱謂宜哀此無辜能發能收不能無望賢者若夫省中原有軍隊當此國難洊臻之日正爲戮力致命之時請纓出征者固不能稍事淹留捍圉居守者亦自當益聲紀律儻效尤以恣志將何說以解紛怨毒亦積於人心責任當歸於主將春煊以衰朽之軀啓超以文弱之質勉承推委豈任鉅艱睹此痛心不辭苦口所望貔貅抗顏之士各念覆巢完卵之艱毋令黃龍痛飲之師翻作牛刀割雞之用鄙言若相採納實大惠於閭閻公安長此紛紜必思以報父老特此布告咸使聞知

岑都司令禁賭告示

爲出示嚴禁事照得義師之興本爲人民除害賭博害民至慘至酷本都司令嫉惡性成凡害民病政之端尤爲深惡痛絕現值軍務倥傯地方秩序未定對於龍前督所辦各項賭博

未能剷除淨盡方切疚心乃近聞外間不肖之徒竟妄謂本部現因軍餉浩繁有准將番攤白鴿票花會弛禁之說藉以淆亂衆聽須知軍餉縱極困難祇有整頓稅源力謀救濟本都司令於新增捐項尙不輕准承辦重人民之負擔况番攤白鴿票花會三項久懸例禁論其弊害則釀成械鬥製造盜賊流毒婦孺傾蕩財產長國民之情性敗國家之法紀略舉大概爲患已不勝言斷無聽令死灰復燃重禍吾民之理惟粵人嗜賭根性隨觸卽發不預禁止流害何窮除通令厲行查禁外合行明白曉諭爲此示仰軍民人等一體遵照如有私開番攤白鴿票花會者卽爲干犯禁令准由該地軍警嚴拿按律重辦本都司令執法素嚴慎毋以身試法自蹈罪戾切切此示

隆都護使來電

肇慶岑都司令廣西行營陸督軍鈞鑒欽廉歸併廣西治原爲廣東向來鞭長莫及爲廣西開放海口就近發展商務又爲人民謀生計爲國家鞏固邊防免使欽廉人民恐蹈安南之續耳上年世儲巡閱邊境力倡此說龍督濟光拒納不聽苟能在龍門設軍港由北海商埠建築幹道北達南寧西達龍州雲南南達東興實爲中國西南防禦之重要與其向不經意者一改而爲邕省之門戶外操香港商務之利權內修國家之兵備整頓於無形長治久安

莫此爲甚世儲憂心國事非粵人亦非桂人爲國家政治問題起見化省域務國防應請彙齊人民之請愿以圖利國現陸公赴粵庇新揆厥事實陸公難爲置言懇請岑都司令商指桂省內地縣份若干與互換實行鞏固邊防政策並懇代電大總統國務院總理付諸國會審議以便實行之處伏候鈞裁再欽廉練兵扼要爲對外門戶鎮使旣獲國防之責宜設欽州合併陳明欽廉鎮守使隆世儲叩篠印

岑都司令致瓊崖文武電

急瓊州黃鎮守使朱道尹暨蘇參謀長黃副官長警衛軍鍾幫統黃營長楊營長章營長游擊隊黃統帶警察局蒲局長各縣知事同鑒勸電悉瓊崖孤懸海中我文武百執事捍衛地方勤勞備著所請另給委任一節自應照准以重責成陸督軍奉命督粵當經迭電中央請催迅赴粵任已荷俞允復經派員赴桂迎候敦促早日啓行以定粵局卽希督飭所部將士地方有司加意供職共保地方是爲至盼任狀隨發岑春煊卅印

岑都司令致廣州警廳電

廣州警察廳長鑒粵省前經濫發紙幣賴中央撥款始得五折收回粵民感受痛苦前鑒不遠現龍不日離粵臨去時猶擅發紙幣延期三月始准兌換強迫行用意在捲逃豈知時屆

三月龍已早去券留禍粵繼任者又孰負責無怪商民咸懷憤激迫成罷市言之痛心該廳長應體念民艱毋得強迫干涉至要岑春煊東印

岑都司令致廣州警廳電

廣州警察廳凌廳長鑒近閱報載龍督交卸在即賤價變賣官產多處是否屬實仰該廳長澈查具報並出示曉諭不得擅行買賣候陸督到任核辦以杜弊端岑春煊元印

岑都司令呈大總統並致國務院參陸兩部電

北京大總統國務院參謀部陸軍部鈞鑒竊自去秋帝議潮湧百政弛荒四民輟業而尤以青年學子爲熱誠所盪寧棄學業相繼離校責以經常之義豈宜出此惟際彼四海鼎沸之會迫國人奔走之機心實無他理宜曲諒查有陸軍大學保定軍官學校清河湖北兩處陸軍預備學校暨北京軍需學校各校學生類皆肄業有年成績優美此次先後南行投效軍中近聞各該生等以大局底定請咨遣回校期竟所學足見志趣遠大煊爲國家愛護人才起見茲收束軍事之際用敢據情電請可否賜予矜原令飭該五校校長所有自帝制發生後離校各生准予一律回校肄業之處惟乞察核電示不勝感禱岑春煊叩元印

岑都司令致上海各報館電

急上海各報館均鑒自去歲帝制發生凡北京陸軍大學軍需學校保定軍官學校清河湖北陸軍預備學校各校員生紛紛離校或奔走國事或投身軍中無非出於愛國之一念今大局底定經煊電呈大總統國務院陸參兩部准其回校肄業以竟全功在案頃奉院部復電開肇慶岑都司令鑒元電敬悉凡在帝制發生以後輟業各生已交由陸軍部及訓練總監分別通告准於本年九月內一律回校其餘因他項過失或病弱退學暨逾期未到者卽難再收特復院部諫印等因合行通告希卽代爲登佈以期各校員生一體知悉俾免延誤不勝盼切岑春煊馬印

岑都司令致陸軍大學校長電

北京陸軍大學胡校長鑒貴校學員陳良佐龍振麟朱爲珍三員前在敝部第六軍供職尙稱得力現敝部正籌收束該員等亦聲請回校肄業除核准給予川資外合行電達請煩查照爲感岑春煊叩文印

岑都司令呈大總統並致國務院國會參陸兩部電

北京大總統國務院參議院衆議院陸軍部參謀部鈞鑒自前清末季改練陸軍省設專校國派留學先後畢業數逾累萬始則量能授職時傳選調之榮繼則缺少官多頻抱向隅之

憾閱時愈久閒散愈多患氣所乘遂成鼎革有才不用良可寒心逮入民國袁氏謀改帝制乃不以前清爲殷鑒而更變本加厲摧殘學生不遺餘力卽以段總理馮督軍之公忠體國猶在疑忌之列其他現役軍官曾畢業於陸軍學校者皆恐其不忠於己或處之閒散或逕予廢棄甚至密其監視嚴以刑誅軍中旣無適用之才乃別練模範團不惜以新兵出充將校冗雜猥濫騰笑四方此軍心之所以沮喪國本之所以動搖也今幸共和恢復天日重光士盡輸誠人爭效命煊嘗盱衡旣往審念方來當茲尙武世界旣不能高談銷兵則圖將來之進行弭目前之隱患國家於此等軍人自不能不妥爲籌畫量能授職示大公無我之心除舊布新泯統系門戶之見可否飭由陸參兩部將全國現處閒散陸軍畢業學生詳細調查重加甄別區爲現役預備役及改充防營軍官三等其列入現役者應分發各省各師儘先任用列入預備役者或另設講習處所補習軍學按其資格程度之等差給以相當之贍養其未經在陸軍學校畢業而曾經補授軍職者亦應分別調查考試酌量補習軍學以備錄用其不及格者勒令改圖別業庶幾突駟奔駒士有必循之軌學成致用國多可造之才是否有當伏祈衡核施行岑春煊叩勘印

大總統覆電

肇慶岑雲階先生勘電悉改良軍政端在整理人材來電指示積弊洞中肯綮已交參陸兩部核辦矣黎元洪支印

國務院參陸部覆電

肇慶岑雲階先生鑒電悉盱衡軍國蒐討羣材偉識蓋籌無任欽佩中央對於陸軍學生及職官等正擬分別安置辦法正與尊意相同俟大局稍有頭緒即當著手進行國務院參陸兩部支印

岑都司令呈大總統並致國務院電

北京大總統國務院鈞鑒溯自帝制發生西南倡義兩廣都司令部於以成立其時國難方殷軍書旁午所有外籌大計內簡軍實促時局之解決者實賴羣策羣力相與有成而本部職員之中自起義以來或參佐機謀或襄理戎務或供指臂佐使之用或效奔奏疏之勤雖大小殊材而艱苦一致現在收束之際既不忍沒其勤勞且多有用之才尤未便任其棄置茲擬由煊就各職員中量其材能加之揀選分別送請中央發交院部暨咨送陸督軍朱省長量材錄用以示鈞座宏獎人才至意是否之處伏乞核示並請分飭陸督軍及朱省長查照岑春煊叩銑印

李都參謀致蔣次長電

北京參謀部蔣次長鑒頃閱報載陸軍大學校招考新生辦法規定各省皆得派送現都司令部收束在卽各職員中其由軍官學校出身年在三十歲以下操行學術體力與規定資格相符者約有十餘員擬請准予一律送考惟都部不在規定派送學員各機關之列考試手續繁重收束之際不能舉行而該員等向學情殷兼在軍中頗著勞績倘得加之深造成就必有可觀我公作育爲懷敢懇商請王總長逾格裁成俾得入學受驗實深感佩如何立盼電示李根源叩刪印

岑都司令呈大總統電

北京大總統鈞鑒章太炎先生遭遇暴亂久在禁錮我大總統初政意必有明夷之見訪夫豈待太學之上書頃從報端見浙江呂都督電謂先生尙居北寺未獲南歸虎豹九閣深憂壅蔽乞垂明察曲予護持庶學者之有師幸斯文之未喪不勝大願輒用瀆陳岑春煊叩卅印

岑都司令爲姚暄等請卹電

呈爲姚暄等四人在粵死事擬請酌予撫卹據情轉陳仰祈鑒核事竊據兩廣都司令部副

都參謀李根源第六軍總司令兼第四師師長林虎第一混成旅旅長程子楷會呈稱竊以帝制發生人心憤激愛國之士奔走呼號斷脛陷胸以期一當其時西南大勢繫於廣東故經營粵事爲最殷而身死粵難者亦最衆前仆後繼忠烈凜然不爲表其志行何以昭茲來許根源等時居香港聞見旣真且多與共籌謀未敢聽其湮沒謹將姚暄王賓如李進修郭鴻鈞等在粵死事顛末爲鈞座縷陳之姚暄一名文華字蘊山貴州大定縣人由貴州陸軍小學畢業升入湖北陸軍中學肄業辛亥武昌舉義充湖北都督府軍務部科員南北統一辭職歸省旋入保定軍官學校未卒業而籌安會起遂棄學出走於民國四年十一月二十一日在粵省密謀獨立事洩被捕時根源等匿跡香港拯救無從洎都司令部成立傳聞尙拘粵獄曾經呈請鈞座電龍省釋乃龍復電稱未奉電前數日該生已在獄病故惟據調查所得則該生於被捕後尋被誅戮龍電所云實係飾詞第無論被誅或遭瘐斃該生之死要之以身殉國事實固已證明王賓如字用之湖南零陵縣人畢業於廣西南寧隨營學堂曾充廣西龍州新軍排長辛亥反正隨師北伐升充陸軍第八師連長旋升營長癸丑之役力戰負創後遂匿跡香港暗設機關日謀再舉帝制議起欲與粵軍將士聯絡促成獨立適根源與子楷由東至港遣其賈書密約鄭旅長開文共圖首義旣知鄭無兵柄發難無資復親

往各營竭力運動被龍查覺遣曠桓武捕之槍斃於觀音山死前備受酷刑尤爲慘痛李進修雲南鶴慶縣人雲南講武學堂畢業生辛亥反正隨根源西征委充雲南第二師騰衝獨立大隊連長後在粵充第二旅教練官時與根源通訊痛心國難詞極慨慷去年九月在廣州潛謀獨立事洩被捕非刑詰問同黨體無完膚終不株連一人遂被槍斃郭鴻鈞湖南湘潭人辛亥反正充南京留守府衛隊連長後在粵充河源統領部總稽查於民國五年三月十二日在惠州河源獨立而勢孤兵單卒爲龍部將曹鼎鐘所殺賣志以沒尤堪悼惜以上四員與根源等或親從講業或曾隸行間或以聲氣之求深相訢合或在艱危之際終始不渝爲國捐軀後先一轍方今共和再造足慰死士之心而潛德未彰有待褒揚之請用敢臚其事實合詞上陳合無仰懇仁施轉請中央優予撫卹以彰忠烈而慰幽魂之處伏候衡核施行等情據此春煊覆查核姚暄王賓如李進修郭鴻鈞等均當帝制發生之後在粵圖謀獨立先後被捕遇害爲國捐軀實堪欽悼茲據該副都參謀等合詞具呈前來核其事實亦均覈實合無仰懇鈞座特沛仁施量加撫恤之處出自衡裁所有擬請給卹緣由是否有當均乞大總統鑒核施行謹呈

岑都司令呈大總統並致國務院電

北京大總統國務院鈞鑒前廣東警察廳長陳景華綏靖處督辦陳仲賓當辛亥改革之初地方俶擾之際盜賊蠡起秩序蕩然或盡力清鄉或整飭警政保安治盜厥功最多而陳景華辦理警察能使道不拾遺萑苻息迹粵人至今頌其治績癸丑之役該廳長督辦守職不去龍濟光乘時入粵思以殘殺立威同時被害全粵冤之竊癸丑違法兩大案爲袁謀帝制之漸是非功罪幸及袁氏之身而大明以春秋無將之誅論當時死事之士凡被刑戮宜蒙矜恤而該廳長督辦臨變死職實堪敬悼陳督辦仲賓忠勇誠樸爲煊舊部知之最深陳廳長景華當煊督粵時見其才堪幹濟委署貴縣後因辦匪過當戮及無辜嚴劾去官未嘗有所庇徇用敢臚其事實代求湔雪以勵守職之士而彰褒闡之仁又滇人李仲德亦煊素識在粵商中名譽卓著辛亥之際龍濟光意存觀望李以舊誼開說百端龍始附義事係粵省安危去歲帝制旣興毀家紓難與李根源鈕永建林虎熊克武程子楷等共圖粵事尤力密謀獨立爲龍所覺因其夙負時望不敢顯加誅戮密遣趙越誘殺沉屍滅迹尤堪憫惻敢懇鈞座念其爲國之誠矜其死事之慘一併優予褒卹以資激勸伏候鑒核示遵岑春煊叩佳印

岑都司令呈大總統並致國務院電

北京大總統國務院鈞鑒竊自帝制之興義師四起不獨西南各省同在鋒鏑之中各將士臨敵死綏有進無却血膏原野至可憫傷卽其他特起異軍桴鼓相應前仆後繼同贊共和又如匹夫仗義烈士致身正氣所存國賴以立皆未忍聽其湮沒且自近歲以來國變迭見政潮所激死事尤多雖操行不必盡同而愛國之心則一方今共和再造品彙昭蘇凡爲國殤宜蒙褒卹擬請自癸丑以後及此次戰役隕命將士暨各地死難人士由我大總統明頒命令飭部議訂辦法令行各省詳細調查彙報分別給卹並由各處地方設法撫其遺族並准由各機關團體人民臚列事實呈請核辦以免挂漏而廣上仁是否有當伏候鑒核施行
岑春煊叩卅印

國務院復電

肇慶岑雲階先生鑒堂密卅電敬悉各將士爲國捐軀誠堪憫卹眷懷諸烈惕焉心傷捧讀名論良鬱欽敬現已定於國慶日宣布明令分別褒卹矣國務院庚印

岑都司令呈大總統電

急北京大總統鈞鑒頃接鈕永建冷遙耿毅章梓諸君自滬來電稱皖省議員管鵬等來云倪嗣冲於文日猶槍斃前捕黨人張文烈等十二人其餘拘留待死者尤多且復緹騎四出

應懇代電中央爲民請命等語皖議員管鵬李迺環王濛凌銳宋發譚性洋牛善繼等復經連電前來伏念黨獄鉤連於茲累載冤沴之氣充塞兩間我大總統正位以來與民更始釋囚訪落天下始蘇凡我有司承法宣化若猶令愛國之士駢首市曹無罪之人啣冤犴獄小之係一省之政治大之繫天下之人心用敢代爲上聞並懇明令各省前因黨獄牽連者並予查明釋放以慰民望幸甚岑春煊叩魚印

皖省議員來電

肇慶軍務院鈞鑒倪嗣冲竟於南北協議之際文日槍斃前捕黨人張文烈等十二名拘囚待死者尙多且縱騎四出日夕大索皖民何辜獨遭鉅劫務懇鈞院電詢北京政府明白解釋俾知死所臨電隕涕毋任屏營旅滬安徽省議員管鵬李迺環王漢凌銳宋發譚性洋牛善繼叩巧印

岑都司令致鈕代表電

上海中華新報轉鈕惕生先生鑒前接巧電暨管鵬諸君電經卽轉請明令釋放頃奉大總統篠電開銑日接魚電悉黨獄牽連良深憫惻已於文日通電一律釋放矣堪紓遠念特聞等因請轉管鵬諸君爲荷岑春煊皓印

岑都司令致新疆楊將軍電

新疆楊將軍鑒頃據由新來肇學生董志成等呈稱前此新疆舉義死囚諸員一馬一滇省講武堂畢業歷充貴州營長支隊長一夏鼎滇省陸軍學生曾任新疆軍署副官一李寅保定軍官畢業曾任新疆營長以上三員死事甚烈又張鳴遠鄔銘魁杜國珍李森春向友益陳顯白以上六員皆在新疆供職事敗被捕迄今尙囚新獄懇請轉電尊處對於死者家屬酌加撫恤囚者迅予開釋優加保護等情前來查該生等來自新省情詞迫切除據情電請唐撫軍長查奪外相應電請飭查分別撫卹開釋並盼示覆無任感禱岑春煊青印

岑都司令致唐都督電

雲南唐撫軍長鑒頃據由新來肇學生董志成等呈稱新疆舉義死囚諸員一馬一滇省講武堂畢業歷充貴州營長支隊長一夏鼎滇省陸軍學生曾任新疆軍署副官長一李寅保定軍官畢業曾任新疆營長以上三員死事甚慘又張鳴遠鄔明魁杜國珍李森春向友益陳顯白以上六員仍囚新獄請求電懇我公對於死者先撫慰其家屬徐爲從優請卹囚者迅電新省尅日開釋並酌加保護等情前來查該生等爲虎口餘生所陳當係實事除據情電達新疆楊將軍外相應電請飭查酌奪辦理是幸岑春煊叩青印

唐都督覆電

肇慶岑都司令鑒青電悉查此案茲據各處報告業由敝處專電新疆楊將軍查照分別辦理該員等死事甚慘應卽彙交中央從優議卹以勵忠烈而慰幽魂特覆唐繼堯叩儉印

岑都司令致李督軍戚省長電

南昌李督軍戚省長鈞鑒據上饒人樂挺志徐佩琛呈稱前因在贛東獨立致被上饒縣知事查抄家產變價犒賞岳營株連被累者數十戶請電貴督軍省長准予飭縣發還等語素仰貴督軍省長保障人權特爲電請查核原案准予飭縣將查抄樂挺志等家產概予發還以雪黨獄而示寬大惟祈酌奪見復岑春煊有印

陸督軍爲湯覺頓死事通電

急肇慶抄送岑都司令李省長滇軍李總司令廣州朱省長三水莫鎮守使雲南唐督軍任省長貴陽劉督軍成都羅督軍重慶戴巡閱使長沙譚省長西安陳督軍杭州呂督軍南寧陳督軍上海梁任公先生並轉蔡督軍鑒任公梗電如公勘電循公全電舜公卅一電均奉悉湯君覺頓奔走國事慘死非命含冤未伸身後蕭條事畜無資慘狀淒情路人淚下我輩曾同袍澤傷痛益深任公爲之追悼勸賻義不容辭如公提議由起義各省將湯君爲國致

身之慘狀請莫公主稿挈銜聯電大總統從優議恤循公提議由任公纂其事實再交莫公尤爲精細廷意仍請任公起稿時加入請中央派員查辦死事情形勒緝兇手懲辦以正國法而慰英魂如何仍候公決榮廷叩支印

岑都司令陸陳督軍李總司令李都參謀通電

萬急雲南唐督軍任省長貴陽劉督軍成都羅督軍重慶戴會辦長沙譚省長西安陳督軍杭州呂督軍南寧陳督軍署上海梁任公先生並轉蔡督軍廣州朱省長鑒近梁任公先生爲湯君覺頓發起請卹已承諸公一致贊同足徵高誼惟海珠事變有譚君典虞名學夔王君叶吉名廣齡同時死難兩君並皆一時俊傑經營義舉尤具苦心與湯君駢死賊手同等泰山之重此次請卹並懲辦主謀緝捕兇手似宜將三君併爲一事惟湯君清貧徹骨身後更爲蕭條卹典或須特加隆重之處請爲斟酌諸公如以爲然乞卽分電任公託以此意擬稿不勝企禱岑春煊陸榮廷陳炳焜李烈鈞李根源叩蒸印

岑都司令致龍督電

廣州龍都督鑒現有陳觀賢黃志漢兩人於本月十四日在省城被偵探捕去查該兩人均係學生年齒俱幼并無黨事嫌疑請卽查明釋放至禱岑春煊叩印

岑都司令致龍督電

廣州龍都督鑒羅有庸明安達兩人於四月由滇到粵聞被拘未詳何故又前陸軍輜重營副營長黃花壽無辜被嫌現押陸軍第二監獄統希查明釋放爲幸岑春煊印

岑都司令致龍督電

廣州龍都督鑒去歲粵安客棧一案謝慎修謝敬修以黨事嫌疑被逮繫獄粵既獨立理應省釋卽乞迅速提出釋放以昭公道岑春煊印

岑都司令致龍督電

廣州龍都督鑒查有方南岡前爲檳城光華報記者去歲底因運動廣東獨立本年正月寓澳同嘉賓酒店託名雷信被盧偵探誘解至省久困獄中請查明省釋至盼並希電復岑春煊敬印

岑都司令致龍督電

廣州龍都督鑒保定軍官學生姚文華號蘊山貴州平越人去歲十二月十五日因黨事被拘方今用人之際必邀湔濯之仁用敢代爲申請查明開釋公私交感岑春煊東印

岑都司令致龍督電

廣州龍都督鑒現在拘禁廣州陸軍第二監獄之郭廷光原名漢君於甲寅年十月到粵聞因黨事被捕有林草根一名亦係涉及黨事被押內獄均請飭查從寬省釋又周子括一名早經請釋在案請仍彙查一併釋放統希電復岑春煊洽印

岑都司令致龍督電

廣州龍都督鑒頃據本部參議周平珍由桂電稱壽豐號夥關阿枝向係安分正商不意鄉團圍搜南海松崗墟受人誣陷拏解福軍李福林營中紳耆聯保未釋懇轉電開釋等語查關阿枝素行端謹據稱被匪誣陷敢祈轉飭福軍查明省釋爲荷岑春煊冬印

岑都司令致龍督電

廣州龍都督鑒有劉晉彬劉文彬兩人於去歲八月十日先後因事被逮入粵聞該兩人平日尙屬安分粵旣獨立似宜多施恩澤以新仁風懇卽將該兩人提出省釋至爲盼禱岑春煊微印

岑都司令致龍督電

廣州龍都督鑒查有鶴山縣古勞鄉民劉鏗於去年九月六日被捕查該民前帶廣保兵聯緝捕有功臣民國三年辭職歸里從事農業并無黨事關係懇查明釋放至禱岑春煊感印

龍督覆電一

肇慶岑都司令鈞鑒李副都參謀鑒都司令暨副都參謀東電均悉保定軍官學生姚文華前因黨事被拘經親提訊問見其少年英俊將來尙可爲國效用故特留未懲辦數月以來該生讀書寫字尉稱安詳察其言論亦甚明白正擬量材錄用詎該生忽患痢疾縣纏經旬竟於前月二十三日因病身故殊堪憫惜承詢特復濟光叩冬印

龍督覆電二

肇慶都司令鈞鑒支電敬悉鄧兆侶未據何營解押到署飭各營查察俟明再爲電聞濟光叩支印

龍督覆電三

肇慶岑都司令鑒文電敬悉省監在禁之郭見聞顧公球卽饒公球王熙文林秋輪林素睿駱杌杜治三劉權初陳錫章等犯均已先後省釋其羅仁甫等二十一名所犯情罪不盡關黨案容卽逐一查明分別發落謹覆濟光叩刪印

岑都司令致隆都護使電

廉州隆都護使鑒據陳眞如來部聲稱家父均瑤叔均銑向不干預村事實被駐合浦縣公

館墟薛天修闖連長吳忠達誤會索銀四千元未遂將其捕送廉州尙有地方紳士三人同被逮解懇請電達廉州當局查明省釋等語查陳眞如熱心國事頻年奔走今幸自由恢復歸理家務突遭此難同人深爲扼腕合亟電達希速查明省釋並酌加保護仍將省釋日期電覆爲盼岑春煊梗印

李都參謀致普分統電

廣州都督府轉普分統少堂鑒台從蒞止款接未周歉仄無似保定軍官學生姚文華號蘊山貴州平越人去歲十二月十五日因黨事被拘現在與民更始品物昭蘇該生有用之材似更在寬假之列頃蒙西林電請子澄都督查明釋放並懇鼎力代爲陳請俾得早邀滯白公私同感李根源東印

李都參謀致唐督軍電

雲南唐督軍鑒源里人張文光於上年楊春魁占據榆城確未與謀祇以仇家構陷而幼臣在榆亦復不察始末無辜受戮心實惻然旋聞我公灼知其冤欲爲滯白因非其時無法挽回且在袁氏禁網之下平反易涉嫌疑此中難言之隱爲滇人所共見亦根源所深悉者也方今共和再造黨禁大開前之海外捕亡獄中纍繫者皆得重歸祖國恢復自由實拜我公

首義之賜仁聲義聞豈獨宏被四表抑且下燭三泉張君家本赤貧身後母老子幼無以爲生倘荷我公特沛仁施量予撫恤則湛恩汪濊洞幽矚明生者獲免於飢寒死者亦啣恩於地下矣如何之處仍候衡裁李根源叩號印

李都參謀致唐督軍電

急雲南唐督軍鑒微電敬悉張文光死事蒙我公明察覆益恩周地下特加湔雪撫卹優隆不獨死者啣環生者戴德推茲恩義所播允爲觀感之資循誦之餘感仰何極茲已遵示電告該家屬具文呈由騰衝縣轉詳請領以資贍養隆施高義謹代申謝李根源叩青印

李都參謀致雲南騰衝縣電

急雲南騰越端木縣知事轉張少三中將家屬鑒源於上月號日致滇唐督軍電文曰雲南唐督軍鑒源里人張文光於上年楊春魁占據榆城確未與謀祇以仇家構陷而幼臣在榆亦復不察始末無辜受戮心實惻然旋聞我公灼知其冤欲爲湔白因非其時無法挽回且在袁氏禁網之下平反易涉嫌疑此中難言之隱爲滇人所共見亦根源所深悉者也方今共和再造黨禁大開前之海外逋亡獄中纍繫者皆得重歸祖國恢復自由實拜我公首義之賜仁聲義聞豈獨宏被四表抑且下灼三泉張君家本赤貧身後母老子幼無以爲生倘

荷我公特沛仁施量予撫恤則湛恩汪濊洞幽矚明生者獲免於飢寒死者亦啣恩於地下矣如何之處仍候衡裁李根源叩號印等語拍發去訖頃接唐督軍復電開肇慶李印泉先生鑒號電悉查張君文光前在榆亂案內經謝前使汝翼列狀呈報中央有案惟重以尊囑自應追卹前勞通融辦理檢查中將因公殞命例給予一次卹金六百元以贍遺族請轉飭具領特復唐繼堯叩微印等因特爲轉達准給卹金希卽具文呈由騰衝縣轉詳請領少三死事深堪痛悼唐督軍特予湔雪援例給卹尤爲恩義兼盡少三雖死亦可無憾已代電申謝並告李根源青印

岑都司令與李總司令等捐貲修黃花岡先烈諸塋電

佛山陸督軍廣州朱省長省議會九善堂院商會鑒辛亥三月二十九一役實開民國之先聲正氣所存英靈如在廉頑立懦百世猶興煊等撫再造之山河益念共和之源本聞黃花岡先烈諸塋樵蘇未禁封築不完殊不足以慰英靈而昭來許諸公義聲夙著定有同情如何加之修葺以表先烈而資觀感之處務乞斟酌施行所需費用卽乞鼎力籌集茲由煊捐洋一千元烈鈞捐洋三百元根源適彥永泰鑄士釗各捐洋一百元以資開辦款隨派員齎呈聊效壤流之助至祈譽入爲盼岑春煊李烈鈞李根源冷適曾彥楊永泰盧鑄章士釗同

兩廣都司令部考實 第三編 政事

叩支印

二十四

兩廣都司令部考實目次

第四編 粵事

岑都司令致龍督李總司令朱鎮守使電

岑都司令致龍督電二件

岑都司令致獨立各省通電二件

岑都司令呈大總統電

滇軍李總司令通電

岑都司令致唐梁諸公電

岑都司令致廣州警察廳電

韶州紳商學界通電

岑都司令呈大總統並致國務院電

上海廣肇公所來電

唐梁溫王諸公通電

粵國會議員徐傅霖等呈大總統電

粵國會議員徐傅霖等來電

廣東護國軍各司令通電兩件

粵省議會通電

岑都司令呈大總統電

惠州人蘇里平致章祕書長函

大總統致伍唐兩公電

岑都司令呈大總統電二件

岑都司令致唐梁兩公電

兩廣護國各軍司令通電

岑都司令呈大總統並致段總理電

岑都司令呈大總統並致國務院電

岑都司令呈大總統電

大總統致岑都司令電

岑都司令呈大總統並致國務院電

岑都司令呈大總統並致段總理電

大總統致岑都司令電

陳代督通電

唐撫軍長通電

唐撫軍長來電

岑都司令致唐督軍電

岑都司令通電

隆都護使通電

高雷鎮守使道尹等通電

岑都司令致龍督電

岑都司令致粵紳鄧小池電

林總司令來電

林總司令來電

林總司令通電

莫譚兩司令致龍督電

李都參謀致段總司令電

李都參謀楊道尹致段總司令電

段爾源來電

李都參謀楊道尹致段總司令電

岑都司令致段總司令電

岑都司令致各總司令電

岑都司令呈大總統並致國務院電二件

陸督軍來電

岑都司令致陸督軍電

廣東護國各軍司令致陸督軍電

岑都司令呈大總統並致國務院電

大總統致岑都司令電

岑都司令通電

浙督軍來電

譚莫兩總司令來電

岑都司令致各軍司令電

岑都司令呈大總統並致國務院電四件

陸督軍通電二件

岑都司令呈大總統並致國務院電五件

林總司令來電

岑都司令呈大總統並致國務院電三件

岑都司令致贛督軍電

岑都司令致閩督軍電

唐督軍通電

陸督軍通電

李總司令來電兩件

李都參謀轉李總司令致程君理堂電

李都參謀轉李總司令致內務孫總長電

岑都司令呈大總統並致國務院電

岑都司令致黃柏兩公電

岑都司令陸督軍會呈大總統並致國務院電

翟旅長來電

岑都司令呈大總統並致國務院電四件

成參謀長來電

花地沙螺堡局紳來電

廣東紳商學界來電

秀水團保局紳來電

岑都司令通電

唐督軍來電

岑都司令致贛督軍電

岑都司令致陳總長電

楊廳長致梁任公電

陸督軍呈大總統並致國務院各部電

岑都司令呈大總統並致國務院電

廣東紳商學界通電

廣東公民張國光等通電

高雷鎮道等來電

高雷欽廉瓊崖紳商通電

高州紳商學界通電

高雷鎮道來電

各屬商會來電

岑都司令與九善堂代表之談話

兩廣都司令部考實 第四編 粵事 目次



兩廣都司令部考實

第四編 粵事

岑都司令致龍督李總司令朱鎮守使張師長電

火急廣州龍都督暨江口行營李總司令韶州朱鎮守使張師長鑒龍都督箇電敬悉韶州兩軍衝突雙方報告其詞互異煊已遣參謀兩員前往調查必求迅速解決現時兩方務宜守定駐兵地點不得再開攻擊至爲盼禱煊臨去之躬際此紛擾遠念粵局近思已身俱引爲恨惟從中調處亦祇能盡其力之所能爲務求誠協兩公深諒鄙意不使粵局糜爛是爲厚幸百感在念臨電慨然岑春煊皓印

岑都司令致龍督電

火急廣州龍都督鑒號電誦悉昨接滇軍李總司令電稱滇軍露宿數夜城門緊閉販賣斷絕據情婉求朱鎮守使概置不理又以大礮擊滇軍各情當經迭次電達并飛電李總司令迅飭滇軍毋得急切從事候與尊處妥籌辦法去後來電據報各情雙方互異現已派參謀兩員前往澈查惟既經衝突自以迅速解決爲最要現應如何辦理仍懇卓裁迅示爲盼岑

春煊叩號印

岑都司令致龍督電

萬急廣州龍都督鑒頃接滇軍李總司令電開肇慶岑都司令鑒義密前電陳朱鎮守使開炮轟擊滇軍各節計邀鑒察茲接探報朱使因滇軍防範嚴密所謀未遂懼罪有所歸棄城遁去滇軍爲地方安寧起見已入城鎮攝等語報告前來竊滇軍奉命出贛經過各地紀律本極森嚴乃因朱使示敵意行爲致肇事端殊出意外前事已矣來日方長除飭各司令安慰各軍外請示維持辦法無任感禱烈鈞叩號印等語煊處覆電如下號電悉滇軍過韶致以朱鎮誤會釀成事端實屬恨事茲滇軍既已入城務飭嚴守紀律加意鎮攝所有維持辦法俟與龍都督商妥後再行電聞春煊號印等語究應如何辦法請飛電示復岑春煊叩號印

岑都司令致獨立各省通電

急雲南唐撫軍長貴州劉都督永州行營陸都督南寧陳護督杭州呂都督湖南湯都督滇第一軍行營蔡總司令松坎戴總司令資州羅總司令永州望總司令長沙林總司令寶慶陸師長梧州譚總司令鑒滇粵桂聯合軍前由軍務院編制完竣陸續出師通電奉布在案

嗣滇軍各部隊出發後旋由北京電傳袁世凱身故黎大總統依法繼任當經令飭前方軍隊於所在地方暫行駐紮聽候命令仍由該管長官嚴加約束以肅軍紀乃昨接滇軍李總司令巧電稱行抵琶江聞火車不通當派諜查據稱滇軍到韶州後露宿城外已經數夜城門緊閉販賣斷絕據情婉求朱鎮守使概置不理朱又以大礮轟擊滇軍情形危急烈鈞中途阻隔車復不通徒喚奈何除再飭詳報外究應如何辦理祈火急示遵烈鈞叩巧印云云當經轉電龍督請飛飭韶州朱鎮守使停止轟擊妥籌辦法以免糜爛地方並由敝處飛電滇軍毋得急切去後嗣接李總司令號電稱前電陳朱鎮守使開礮轟擊滇軍各節計邀鑒察茲接探報朱使因滇軍防範嚴密所謀未遂懼罪有所歸棄城遁去滇軍爲地方安寧起見已入城鎮攝等語報告前來竊滇軍奉命出贛經過各地紀律本極森嚴乃因朱使示敵意行爲致肇事端殊出意外前事已矣來日方長除飭各司令安慰各軍外請示維持辦法無任感禱烈鈞叩號印又接同日電稱韶州之事滇軍爲自衛計相機抵禦原非得已茲據兵站報告駐源潭之粵軍節節前進大似欲攻擊我保護兵站之軍隊者又疊據各隊報告滇軍過清遠時城內外恆向我軍放槍云云似此情形將何以處除飭各軍鎮靜毋躁請賜維持非特滇軍之幸烈鈞叩號印各等語除先行電飭滇軍嚴守紀律加意鎮攝並轉電龍

都督妥議辦法外特電轉聞卽希亮察岑春煊叩馬印

岑都司令致獨立各省通電

雲南唐撫軍長貴州劉都督永州行營陸都督南寧陳護督杭州呂都督長沙湯都督四川滇第一軍行營蔡總司令松坎戴總司令資州羅總司令永總司令長沙林總司令寶慶陸師長梧州譚師長鑒馬電計達茲復接滇軍李總司令養電開承示龍督號電具悉滇軍在韶露宿絕食婉商罔應暨朱使開礮亂轟各情迭經電陳諒蒙鑒察查韶州一隅濟軍數千列礮十餘滇軍主客勢殊寡衆不敵苟非煎迫已甚何至衝突龍督所云當係朱使架誣冀以掩其開礮之罪尙希明察等因特電轉達岑春煊叩漾印

岑都司令呈大總統電

火急北京大總統鈞鑒漾電宥奉謹悉前當停戰期滿和議無成始議分道出師以促大局之解決迨滇軍行抵韶州欣聞我大總統依法繼任卽電滇軍李總司令飛飭停止進行暫就所在地方駐紮聽候命令旋接李總司令電稱韶州朱鎮守使閉城撤渡杜絕販賣滇軍露宿絕食艱苦萬分據情婉求通融遽被朱鎮守使開礮轟擊烈鈞中途聞變無法防維請迅予維持等語當由春煊電達龍都督迅飭朱鎮守使停止轟擊妥籌辦法免搆兵衅糜爛

地方並一面飛電李軍毋得急切從事去後嗣接龍都督覆電又稱因李軍函致鎮道勒交餉銀以致開衅云云究竟此次衝突是何原因不能不迅爲查明以求安速解決復分電龍都督李總司令轉飭兩方軍隊各守駐兵地點不得再開攻擊卽由敝處委派參謀兩員前往調查確情妥議辦理現在甫經派往尙未據復此兩軍衝突及先後調處情形也春煊衰病之軀日夜求退祇以部署未定未敢遽行不意臨去之時睹此紛競捧讀鈞電彌切憂惶究應如何辦理之處應懇我大總統派員查辦以息爭端粵局幸甚岑春煊叩宥印

滇軍李總司令通電

萬急雲南唐撫軍長肇慶岑撫軍副長并轉各都督各司令鑒頃接黎大總統馬電開萬急韶州李總司令鑒據報告稱貴軍出師赴贛取道韶州到境卽責令地方供應米鹽柴草並口糧一萬二千元棚廠捐款三千元又搜查粵路琶江護路之槍枝子彈復阻修電綫斷絕交通皓日函致鎮道索餉十二萬元限五句鐘答覆當經鎮道邀集紳商籌措許准萬元號日下午五時礮轟韶城商民大恐等語披閱之下殊深疑慮執事手造民國艱苦備嘗一片息事寧人之心早以昭示天下現在雙方解決不難從事磋商昨日電託彭君程萬代達鄙意倘尊處近日如果需餉就近會商龍將軍設法接濟何乃持極端主義致啓內爭素稔執

事治軍嚴明極所欽佩嗣後務望嚴飭所部恪守紀律勿再向商民勒派至損聲威是爲至要元洪馬印等語當卽覆電文曰萬急北京黎大總統鈞鑒奉馬電無任惶悚鈞素性亢爽夙承知遇明光繚繞莫可翳熒然蜚蟲鼓聲亦亂正響積毀銷骨昔賢所鄙人已有言鈞何能嘿謹披辭引端布其始末當項城傲睨一世移鼎盜鐘舉世若暗之日烈鈞奮義其間賴唐公生死至交假以兵權伐牲誓衆祇期遮撥強權伸其夙抱洗華族先民一人橫行之恥盪滌穢瑕宣揚國光苟諸夏清明共和有造則長揖賢彥歌舞湖山豈其有所要求豔如俗吏乃於師旅整集揚旆北出之時忽滇南邊陲疊傳烽警移兵搏擊始獲靖寧旋承唐公之命兼藉陸公之威轉其前旌鼓行東下軍紀明肅將士知方千里間關秋毫不犯由滇至肇城邑千百塵閭萬億風雨泥塗飢疲跋涉從無敢僭蔽室廬私驚草木我父老所嘗遮道攔觀崇獎不置者何來惡聲謂滇軍入韶多方勒索其爲誣讒豈待辯陳且駐韶粵兵精卒數千列礮十餘內外布防刁斗百里滇軍到韶僅及數百衆寡殊形主客異勢謂少數滇軍竟貿然於此行使強權夫誰肯似鈞率主軍進次清遠車路阻絕苦不獲前迭據前軍報告僉稱韶城鎮道實閉門以拒且威持民庶吝其市易致宿養暴露士卒怨誹鈞誠薄德不足以義師之行化格遠近乃重勞將士受茲險艱慚顧中邦鬱陶何極雖然護國之業非圖苟安

實以明政撥亂反治宜有奮圖然羣音振空非能獨響翱翔容與澹然興懷故初抵端州粵中賢彥頗因武力政治猝然解網朽索六馬肢體離解糾紛狼藉民生敝瘡羣以禍水流行切齒怨毒前傷炮灼後慄淵羅雲雷布屯衆口忿集義詞聳逼神鬼爲驚徒以袍澤睠紫江漢瀾瀾黯然傷沮矯首冥移輒復推陳赤心共事提挈師行所經復曲徇要言繞茲北流重自抑損自忖磊落坦平宜獲鑒信猶違茲譖忌夫復何言然唾沫橫飛三軍踴厲顧瞻周道中心悵悵至韶事原委已電陳軍務院遠辱知諭謹貢戇愚烈鈞叩漾特奉聞烈鈞叩宥印

岑都司令致唐梁諸公電

梁任公先生並轉唐少川溫欽甫王亮疇三先生均鑒華密頃接滇軍李總司令協和電文白軍務院轉上海唐少川梁任公溫欽甫王亮疇先生暨粵省旅滬全體諸公鑒滇軍出發以來鏖戰數月馳驅瘴癘千里跋涉始抵粵中旋值和議無成停戰期滿奉軍務院命令與桂粵各軍會師申討而前軍甫抵韶州復聞袁氏殞命黎大總統依法就任國命有託民意攸伸義軍第一目的於茲已達卽令停止進行駐韶以俟後命乃韶州朱鎮守使閉城拒渡布兵設防旣斷交通復絕販賣滇軍露宿絕食計無復之抑憤求情竟被礮擊萬不獲已始施行正當防衛之手段該鎮守使旣肇釁端復棄城而遁滇軍因以商民之請已由張師長

開儒整兵入城暫行維持秩序烈鈞中途聞變防範無由實深負疚尙幸平定迅速未至危及地方以重烈鈞之罪用敢陳其始末以告塵懷至於滇軍行爲地方公論具在朱鎮守使多方架誣以圖脫卸縱能蔽龍督一人之聽豈能沒地方衆口之眞無俟烈鈞置辯且粵中近年以來政治如何軍隊現象如何尤諸公所深知非烈鈞所宜喋喋也烈鈞三年奔走皮骨已空返國以來此念惟在討賊今賊旣自斃私志克伸憂患餘生亦甚願得隙退藏稍事休養惟是滇軍遠來不能不妥籌安頓一俟善後之事粗有端緒卽當解甲歸隱以遂夙懷敢布區區統祈亮察李烈鈞叩漾印等語特代達聞春煊叩有

岑都司令致廣州警察廳電

急廣州警察廳凌廳長鑒茲有署名廣東自治研究社廣州總商會九善堂院公安會救災公所所發箇寢兩電指稱滇軍沿途勒捐商民情事查滇軍由滇出發經桂到肇沿途恪守紀律事實具在衆論可徵此次在韶兩軍因何衝突情形亦已顯著兩軍平日名譽孰優孰劣尤爲人所共知但旣有人指稱前項情事卽不能稍事含糊當經揀派余參謀長惟謙趙參謀濂前往澈查務得實在如果滇軍確有勒捐商民之事自有法繩其後否則軍人名譽所係滇軍亦必不甘是此事無論虛實均當切實究辦今該兩電言之鑿鑿究竟有何憑證

是否親見不得不亟爲查明惟來電混用團體名義並無主名有無假冒情弊希卽迅傳各該團體主任人切實詢取姓名親供切結送部核辦並盼電覆至要岑春煊感印

韶州紳商學界通電

萬急北京黎大總統段國務總理雲南唐撫軍長肇慶岑都司令各省都督各總司令暨各機關各報館鈞鑒袁逆不道敢姦天位滇軍首義遐邇同欽旌旗所指黎庶安堵此次由肇來韶俾嶺表各邑之民獲親軍容壺漿款接幸愉何如乃南韶連鎮守使朱福全聞滇軍將臨卽準備攻守逮滇軍抵韶更多方阻難如緊閉柵門遮斷交通不准滇軍到市杜絕商民與滇軍交易等等使滇軍露宿江岸進退不得至十九日晨光聞帽子峯礮聲及關上礮聲轟然不絕响午而滇軍入城矣下午市面始開照常交易各隊紀律嚴明秋毫無犯滇軍節制於此益信此滇軍到韶實在情形也頃閱報載龍督號電云云展讀之下駭異殊深夫滇軍到時露宿江岸近市猶且不得兩次勒捐竟從何處着手至云函致鎮道勒索一節鎮道當紳商等辯明絕無此舉並無邀集紳商等籌撥之事種種妄誕實屬捏造誣讒紳商等感荷滇軍重義到韶賴托庇護今忽橫被口語雖白璧之難污究鑠金之宜辯事實真象切近者詳恐誑言亂聽真理汨沒用特布達代表區區伏乞垂鑒韶州紳商學界全體公叩感印

岑都司令呈大總統並致國務院電

北京大總統國務院段總理鈞鑒頃據汕頭來電稱肇慶岑都司令鈞鑒報載廣東自治研究社七十二行商會九善堂救災公所公安會暨各團體聯名箇電稱李烈鈞率師過韶勒餉割電開礮轟城各節閱之曷勝駭異查李軍由滇而桂而肇慶三水清遠所過秋毫不犯閭閻又安此次兩軍衝突釁自誰開省韶窳遠懸隔千里無從悉其真相何敢妄置是非箇電所陳概係被人捏造既非真意誓不承認合電陳明廣東自治研究社七十二行總商會九善堂救災公所公安會暨紳商學界同人自汕頭發等語查韶事起後廣州紛紛以自治研究社商會善堂各團體名義通電指稱滇軍勒捐情事曾經煊處電省令其確實證明以便查辦迄未據復茲又自汕來電聲稱前電係人捏造此中情偽當在洞鑒謹電轉陳岑春煊叩篠印

上海廣肇公所來電

肇慶軍務院鑒廣州公團來電列廣東自治研究社等暨全體紳商善界字樣毫無主名以一等印電發行顯係龍子誠都督受濟軍怙惡跋扈各統領脅制冒名擅發况證以吾粵紳商私家電信及東西洋友邦官商報界所得確電皆為蚌由濟軍所開情形反背查濟軍分

子紛雜歷年以來衆怨沸騰不自今始致子誠都督前統龍軍保衛治安成績毀棄以盡此等亂軍龍公殆已失統馭之力請將朱軍懲辦解散以爲不顧大局擅開兵釁者戒除電復廣州自治研究社等請其協力扶持正義勿爲威武所屈以禍粵者禍中國全局外謹特迫切電陳乞鈞院主持嚴辦毋再養癰吾粵幸甚大局幸甚上海廣肇公所伍廷芳唐紹儀陳維翰譚國忠溫宗堯王寵惠等公叩印

唐梁溫王諸公通電

肇慶軍務院岑撫軍副長廣西行營陸都督南寧陳護督廣州香港報界公會均鑒儀等以粵局危急特電大總統其文如下北京黎大總統鈞鑒龍濟光督粵三年假國權爲恩怨縱兵士爲虎狼視生命財產如草芥以刀鋸斧鉞爲兒戲綜計三年之中其傾人家滅人之門寡人之妻孤人之子直無十百千萬之數可言但聞哀哭詛咒之聲不絕袁氏旣倚爲爪牙粵民遂無從呼籲日者義師之起滇黔桂湘皆以討袁爲無二之名惟吾民則以去龍爲切身之實方民軍之起於四方計此賊可殲於一鼓盜亦有道竟假獨立爲護符人望太平又復原心而略迹然桂粵同一獨立治亂之勢懸殊桂則秩序井然人民安樂粵則閭里幾盡邱墟村邑至絕薪米推求其故蓋龍濟光知結不解之怨於民遂集全省之兵以自衛乃

使州縣患匪省城患兵要其督粵三載惟守觀音一山此山而外雖舉廣東全省土地化爲灰土人民化爲蟲沙固非該督所惜也天幸袁殞人慶復蘇粵民茹痛之深本難須臾復忍徒以大總統就職之始不欲遽以一隅爲言且計該督腥聞於天爲大總統燭照所及因是隱忍待後命不意該督知難久安其位又以取銷求媚於中央一面大捕黨人復萌故智近更橫挑戰禍染血韶州以該督三年所造之孽卽此痛懲前非人已不共戴天該督且變本加厲本日忽傳策令竟以巡按賞功該督前此專管軍政殺人已不聞聲若并兼理民政粵人寧有噍類大總統用入行政此爲權輿粵人雖至懦極愚豈同草木用敢迫切電陳務望收回成命並將該督立予罷斥解粵民之倒懸仁德猶偏於一省使貪酷者知儆觀聽實動乎萬方倘蒙賞其知兵師長之席固衆若或多其治績他省不難量移萬一論其取消獨立之功則有勳章諸等具在粵民雖不敢望大總統伐罪以救民大總統亦何忍驅粵民入阱以示德昔者所謂國家用人自有權衡一語本爲專制作威作福之言已違自我民視民聽之義况以該督罪跡昭著敢請派人遍詢婦孺除彼所親但有舉其毫末之功誣罔有刑所不敢避此實千夫所指咸以該督爲寇仇當蒙一線之仁早出粵民於水火大總統以共和爲職當不以民意爲嫌儀等無憑藉可言敢以哀詞上請不勝迫切待命之至唐紹儀梁

啓超溫宗堯王寵惠叩徑

粵國會議員徐傅霖等呈大總統電

北京大總統段總理鈞鑒龍濟光督粵三載與民爲讎苛稅萬端稅政百出厥罪不足勝誅國人皆曰可殺然濟光不特括民以自肥更殺人以爲樂縱厥將士肆毒閭閻劫掠必出於官兵奸淫公行於白晝按門大索擇肥而噬亂黨之號逢人可加死刑之條隨口而定粵民三年以來動足投陷阱舉手觸網羅不知命在何時相將坐以待盡其剝肉刮心而宛轉呼號以斃於淫刑之下者千萬人其破家滅族舉村落財產而付於一炬之中者千萬家怨氣徧於婦孺哭聲滿於道路陰沈黯淡全省無復生人氣今之倖而僅存者皆死骨之餘也帝禍勃興義師奮起濟光獨窮殺黨人以媚獨夫廣輸民膏以供帝費北帝南王狼狽爲奸迨桂兵已薄於肇慶民軍繼起於潮梅義聲所鼓民氣大昌咸以救民首貴於伐罪討龍且急於討袁當此賊已困於垓中計逆巢可覆於旦夕乃大盜多術詭計萬端竟假獨立之美名爲護身之妙訣粵民顧念大局許其來歸釋彼前愆視同一體然紛紜匝月一矢未加於敵人詭祕陰謀慘殺竟現於海珠旣而鑒袁氏之已死懼粵民所不容始則密電取消求媚於政府今復甘爲戎首喋血於韶州灰天下向義之心釀粵省糜爛之局不義如此詎復能容

乃大總統爲其所惑策令褒獎命縮軍巡羣情惶惑全省震驚褒此賊以豐功置粵民於何地推政府之意旣以濟光取消獨立爲有功則今日獨立諸省皆有罪以禍民亂國之濟光爲可獎則反對濟光之粵民皆可誅恐抗力由此滋生和平無可復望或謂濟光擁兵自雄非命令所能去政府鞭長莫及舍羈縻而末由不知數其烏合之衆雖稱萬人語其能戰之兵實無一卒况巢穴所在僅恃險於觀音一山兇鋒所加祇範圍於省城以內大總統雖命彼爲軍民長官各府縣詎復肯受濟光轄治是大局或有融和之望粵省實無統一之機議員等竊念濟光旣有邱山重疊之重罪而無毫髮絲忽之微功粵省旣喪百年蓄萃之英華應留一線未亡之元氣在粵民無婦孺老幼莫不思食其肉而復寢其皮在大總統縱推愛濟光與其視一家哭何如一路哭用敢瀝血呼陳爲民請命務乞大總統懲濟光狼心之不惻憐粵民虎口之餘生速行收回成命并將濟光立予罷斥以安粵者卽以安中國倘大總統優容姑息不肯立罷濟光粵民亦必拚身家性命以與濟光搏惟兵戈一動玉石無分旣陷粵局於戰爭亦失大總統之威信方今民憤已亟誓與濟光偕亡怨毒深中於人心奇變立興於眉睫謹據情上達不勝徬徨之至廣東旅滬國會議員徐傳霖楊永泰鄒魯江瓌盧信李茂之易次乾彭建標黃增耆譚瑞霖黃汝瀛郭寶慈何士果饒芙裳謝良牧等叩東

粵國會議員徐傅霖等來電

肇慶軍務院並轉韶州李總司令惠州陳總司令暨全省各司令各道尹各旅長各團體各報館公鑒龍賊濟光督粵三載以殺人爲兒戲踞粵省爲私產假兵士以奸淫劫掠之特權視人民爲土芥馬牛之不若三年以來吸吾粵之膏血剝牀及膚屠吾粵之人民盈千累萬白骨撐柱千里成墟紅血橫飛萬家同殉以致全省咸成瘡疾遍地惟聞哭聲陰霾黯淡疑非人間羣情倉皇不知死所哀我粵民同是人類何辜於天嬰茲浩劫我父老昆弟負難言之隱痛誓致死於此賊也久矣惟恨力不敵耳帝禍旣興義師奮起濟光獨以殺人抗義之功得公爵郡王之錫人心益憤民軍大張咸思齷其肉而食之以雪三年之奇辱乃濟光鑒時勢之日逼急假獨立爲護符粵民不忍苛求釋厥前愆諸公又過事寬大許其來歸遂致集鐵九州鑄茲大錯濟光則以欺人之計旣售殺人之態復萌獨立之旗方颺竟懼失位而嗾變於海珠袁氏之氣未絕卽密取消而求媚於中央今復橫挑戰釁喋血韶州不避戎首之嫌甘釀魚爛之禍不信方今公理漸明之會有此駭世人妖更不謂吾粵民氣極盛之邦任彼一人橫步夫濟光旣負邱山重疊之罪復蒙粵民格外之恩竟敢翻雲覆雨於今茲詎望洗心革面於日後倘再與優容不事討伐則他日益長狂燄粵民必無噍類政府懸隔南

北未悉粵情策令褒獎命縮軍巡褒寇盜以豐功縱虎狼於粵地羣情惶惑舉國大譁議員等已電達政府聲濟光禍民亂國之罪陳粵民水深火熱之痛請卽收回成命立予罷斥使濟光自知罪戾束身自退不妨示以洪量貸其一死倘仍負隅以自固擁兵以自雄是終自甘於冥頑爲全粵之公敵乞速修我戈矛共張天討縛茲毒龍以洩公憤議員等代表人民飽經憂患謹陳三義以告同胞一曰自今以後永不認濟光爲吾粵長官二曰濟光一日不去粵粵省一日不罷兵三曰惟濟光一人是誅脅從罔治其有助濟光以禍吾民者則必誅之無赦凡茲三義心理從同諸公或身縮兵符或情殷桑梓救民之志旣殷殺賊之責莫貸應思一日縱敵百世之憂一誤已甚其可復再乞速舉一勞永逸之兵奠長治久安之局惡魔公理之戰早勝券之我操生死存亡之交惟諸公之是視時機迫切無任屏營旅滬粵國會議員徐傅霖鄒魯江瓌盧信李茂之易次乾彭建標黃增耆譚瑞霖黃汝瀛郭寶慈何士果饒芙裳謝良牧等叩支

廣東護國軍各司令通電

北京黎大總統鈞鑒段總理各部總長徐州巡閱使雲南唐撫軍長肇慶岑副撫軍長各省將軍巡按使護軍使都督各總司令各師旅長各道尹上海唐少川伍秩庸梁任公溫欽甫

王亮疇諸先生暨各報館均鑒粵人苦苛暴久矣比年以來躋跼於荆天棘地之中呻吟於淫威雪燄之下椎心飲泣無所控訴孰爲爲之而至此極蓋一念吾粵人之苦則龍濟光之罪與之俱深迹其殘酷貪污於大開賭禁躬販鴉片無所顧忌兩年以來全粵無工無商無學之可言徒聞龍氏兄弟及其黨徒所積贓私累數千萬至於誅鋤志士冤殺平民頻年之中以數萬計且復囹圄充盈桁楊相望子黎待盡尤可憫傷迨袁氏叛國我兩粵將士所在奮興亦欲上擁共和下除民賊維時各郡縣紛告獨立龍濟光勢窮力絀乃始僞相附和冀固其位岑都司令過示寬大許其來歸申誠義旅先國家而後地方我兩粵將士及其父老子弟始各拘怒而息願共忘其前愆希其晚蓋乃奸邪成性固有悛心盤踞孤山日修戰備種種陰謀層見疊出捕殺正士日有所聞於我起義各軍尤深嫉視之心有不可逼處之勢而又四遣游探勾連軍匪煽動挑逗無所不爲卽如我滇桂粵聯合軍前奉軍務院命令出師後聞袁氏旣死我大總統依法繼任前方軍隊卽遵率命令停止進行不謂師次韶州龍濟光卽令其所任之鎮守使閉城撤渡種種刁難滇軍露宿城外無所得食苦與商處情詞哀切乃竟悍然不顧開砲亂轟其仇視義軍一致於此凡我將士痛憤同深方今我大總統已正大位國家自可卽安然非去此兇殘蕩滌邪穢則地方人民終無由重見天日積薪厝

火後患方長揆諸我大總統愛民之心寧忍不爲之所擊宇等謹代表全粵軍民泣訴愁苦仰懇我大總統赫然震怒去此荼毒以拔我粵人於水深火熱之中除龍濟光之爪牙鷹犬外事後若有一人不爲稱快以歌頌我大總統之明德則治擊宇等以妄言之罪卽被誅戮亦所甘心若我大總統終以擊宇等之言爲不足聽不予龍濟光以顯懲則擊宇等爲天良所驅爲大義所迫亦惟有致死於賊剖心以謝天下而已迫切陳詞不知所擇伏唯垂察全粵幸甚潮梅總司令莫擎宇廉州都護使隆世儲欽州總司令馮相榮高州總司令車駕龍高雷道尹鄒武雷州司令楊學紳化州司令陳自先旅長陳德春藍揆芳林成登車渭英團長朱瑞華何家瑞李應鈴梅冠英黎柱國潘成秀馮銘錯楊開運胡漢卿周桂森薛治和李居文等謹率潮梅高雷欽廉全體軍民兵士同叩有借印

兩廣護國各軍司令通電

北京黎大總統段國務總理鈞鑒各部總長雲南唐撫軍長上海梁政務委員長唐專使溫王兩副使范谷兩委員各省都督各軍總司令各省（除廣州）將軍巡按使巡閱使各都統副都統各師旅長上海華新報時事新報及各報館均鑒竊滇桂粵聯合軍前奉軍務院命令分道出師恭聞我大總統依法繼承卽經一律遵令停止前進惟滇軍先期出發行次韶

州猝被龍軍開砲轟擊桂粵各軍將士聞報咸深憤激榮新等以大局所關不敢輕動且有聯軍司令主持於上自應靜候解決一再開諭衆忿稍平昨閱龍督號電反誣滇軍在韶勒捐商民鉅萬復利用地方團體名義多方架詞誣蔑軍人名譽關係尤重滇軍被誣影響全體榮新等相距較近諜報時通茲事始末情形未敢默爾而息謹將此中委曲一爲我大總統陳之查滇軍抵肇之初向龍假道出發龍即嚴守要隘增兵設防假托商會善堂發電拒絕而商會等復不任受紛紛來電聲明龍之陰謀一旦發露軍心即已不平都司令爲混爭端曲徇其意勉令滇軍迂道北江逆流上駛此龍督對於義軍疾視之初步也迨滇軍行抵清遠登陸始則托言有匪停止開車繼竟斷絕交通拆去鐵軌使滇軍各部隊前後隔絕羣情驚疑且龍軍沿道扼紮每遇滇軍通過卽作攻勢無故放槍此龍督對於義軍示威之行動也滇軍萬里馳驅備嘗艱險抵韶之日韶州官吏竟將所有船隻拘留彼岸滇軍冒雨露宿苦不可支又復緊閉城門密架巨砲杜絕販賣四布防兵滇軍飢疲無所得食苦求設法復被轟擊種種布置謂非龍之主持誰其信之此又龍督對於義軍實行政擊之毒計也滇軍由滇至肇道經三省屯紮肇慶亦已月餘秋毫無犯道路共知迨抵韶州城閉糧絕救死猶恐不贍尙從何處勒捐商民且龍督對於義軍始終未濟一卒未助一錢肆其奸謀多方

破壞今電中猶敢作滇軍需餉向濟光商取之語喪心蒙面其將誰欺榮新等所部各軍與滇軍同在聯合軍之中同隸一司令之下事同一體餉出一源計自軍興以來艱難支持從未向民間有所徵發滇軍後方接濟如何籌備亦有案牘可稽龍軍入粵以來擄掠姦淫過於盜賊不知軍人名譽爲何物遂漫以勒捐之事歸獄滇軍實爲聯合軍全體所不甘受且滇軍現奉命令謹守原駐地點靜候命令龍督卽利用此時機日夜分遣大隊水陸並進節節近逼包圍滇軍諜報紛來情形日急滇軍間關跋涉以赴國難誠何負於國家而龍督處心積慮必欲舉而殲之以報伊兄觀光抗義敗衄之憤則聯合各軍外迫公義內返天良義不容坐視不救獨念我大總統已正大位載戢干戈榮新等早虔推戴粗知紀律何敢不顧大局逞其私鬥惟是事機迫切旦夕卽發不得不仰懇我大總統立奮乾斷以定大難龍濟光督粵三年蹂躪地方荼毒百姓縱兵焚掠千里爲墟鉤黨冤連百口立盡販煙殖利庇賭收規搜括則皮肉俱空囊橐則賍私鉅萬近仍日修戰備以仇人民日朘民脂以養死士粵人痛心飲泣無所控訴我大總統與民更始首在除其毒螫龍督一日不去則粵民一日不安倘蒙我大總統特發明令卽予罷斥並限卽日去粵以全民命而定軍心粵局幸甚大局幸甚危機四伏大禍當前忍死須臾爲粵請命無任悚切待命之至兩廣護國軍第三軍總

司令兼第三師師長莫榮新第四軍總司令兼廣東第二師師長李耀漢第五軍總司令兼廣西第二師師長譚浩明第六軍總司令兼第四師師長林虎兩廣護國軍第五師師長張習獨立第一混旅旅長程子楷獨立第二旅旅長魏邦平江防副司令周天祿同叩卅印

粵議會通電

火急雲南唐撫軍長貴陽劉都督衡州桂軍行營陸都督南寧陳護督杭州呂都督湖南湯都督滇第一軍行營蔡總司令滇第二軍行營李總司令松坎戴總司令資州羅總司令鑒頃接廣東省議會議長謝已原副議長孟飛議員容伯挺宋以梅陳俊朋李綺庵伍于簪簡經綸林中靈楊吉謝天聰陳巽簡劉佩書譚仲達林樹墉等八十三人函開龍濟光入粵以來縱兵殘民斂財肥己種種罪惡公所稔知毋待贅述請言其叛國大罪之著者自滇中倡義海內風從獨龍氏助逆最力分遣賊兵繞攻滇後志不得逞乃復密遣子姪擾亂地方不惜舉父母之邦悉付糜爛忍心蔑理莫此爲尤大罪一迨勢窮促詭言獨立冀保祿位海珠謀變殲我三良大罪二日言北伐不發一兵惟以剿匪爲名屠戮良善焚殺淫掠慘無人道大罪三義師餉械絕不接濟乃播散流言藉爲口實聚斂民財陰修兵備大罪四袁氏甫死上不秉承軍務院下違反粵人公意擅行取消獨立大罪五假冒各社會團體名義迭發強

姦民意電報誣我粵人淆惑觀聽大罪六軍務院聯軍出發龍氏增兵拒阻居心叵測懷抱敵意大罪七綜此七事匪惟得罪國民實乃背叛民國叛國何罪豈容不問且吾民久陷水深火熱之中日望披髮纓冠之救前此元凶未剪國難方殷軍務院分道出師不暇給用是停辛佇苦忍死須臾今袁氏天亡國本漸定獨粵人憔悴待盡無所控訴揆諸鈞院伐罪弔民之旨豈能棄置不顧用敢代三千萬粵民請命伏望我撫軍副長商同唐撫軍長暨各撫軍從粵人之望正叛逆之刑由軍務院據情申請黎大總統即日將龍濟光褫職懲辦另簡賢督粵人幸甚大局幸甚臨電無任迫切待命之至等語並派代表到肇一再請願事關地方人民代表公意未便遏阻合電轉達並祈卓裁電示以便答復爲盼岑春煊叩東印

岑都司令呈大總統電

北京大總統鈞鑒華密頃接廣東省議會議長謝已原等八十三人請願書又據潮梅總司令莫擎宇廉州都護使隆世儲欽州總司令馮相榮高州總司令車駕龍高雷道尹鄒武雷州司令楊學紳化州司令陳自先旅長陸德春藍揆芳林成登車渭英團長朱瑞華何家瑞李應鈴梅冠英黎柱國潘成秀馮銘錯楊開運胡漢卿周桂森薛治和李居文等來電又據兩廣護國軍第三軍總司令莫榮新第四軍總司令李耀漢第五軍總司令譚浩明第六軍

總司令林虎兩廣護國軍第五師師長張習獨立第一混成旅旅長程子楷獨立第二旅旅長魏邦平獨立第三旅旅長唐紹慧江防副司令周天祿等會呈臚列龍督在粵罪狀僉請轉陳鈞座立予罷斥以全民命而安軍心各等情復經該議員暨各軍司令等先後舉派代表委員或親身到肇一再申請並聲明均經分電逕呈鈞座在案當以該請願書出自人民代表公意未便擅行遏阻允爲另電轉呈外其各軍將士文電均經以軍人不干政治之義反復規導分別駁飭去後惟是龍督在粵實爲衆怨所歸煊與有私交屢進規諷狃於近習未肯聽從以大總統之明煊亦何敢爲諱且粵中獨立而後久成分裂之象龍督號令所及不出廣惠一隅煊旦夕卽去之身不足規畫久遠而唐少川梁任公諸公近自滬上來電反復與煊商處並謂粵人公意力請據情入告調龍離粵春煊內察軍心外覘輿論危機四伏險象環生禍變之來旦夕可慮竊謂保全龍督亦無逾此鈞座權衡至當何待瀆陳惟此身一日未去卽不敢默而不言冒昧上聞伏乞裁察電示祇遵岑春煊叩東印

惠人蘇理平致章祕書長函

行嚴友兄足下逕啓者此次興師討賊其標幟固在護國其歸宿端在衛民苟民力任令摧殘又安見國脈之能調護蓋民爲邦本本固而後邦寧實爲政學不易之公例無古今中外

一也自滇黔首義桂省繼之粵東豪俊聞風興起爰有各路民軍一時迸發以故龍濟光亦不得不宣布獨立以固其地位以緩和民心惟民心之爲物易動而不易靜詎能單純以獨立二字遏其狂潮冀其寧息故兩月以來粵局紛擾至不可究詰全粵精華消失於此兩月內者奚可計量此誠始願所不及料者也他處之損害非所深悉姑置不論弟惠人也則請言惠州惠州於龍氏宣布獨立前民軍湧起爲數達二萬餘人圍城數周與龍軍相持匝月迭起衝突時有勝負其在戰綫內之十數鄉村如饅頭嶺黃塘上下馬庄永湖馬鞍等處約計萬數千戶都凡三萬人壯者什九死於鋒鏑老弱相率填溝壑或轉徙四方其田圃蔬穀盡被蹂躪其居室廬墓類成灰燼靡有子遺之嘆不圖於今見之然此猶就戰綫內之居民言之也其距戰綫稍遠者宜若可以減輕龍禍矣乃自民軍退散後官軍拔隊前來豕突狼犇視全惠之生命財產爲其戰利品今日屠甲村甲村空焉明日屠乙村乙村空焉而丙而丁以至於癸尙不知紀極查現在旣遭其毒螫者如淡水澳頭沙坑洞橫江等處實令人耳不忍聞目不忍覩其兇殘之狀殆非人類所爲天下古今都無此野蠻軍隊凡到一村必實行其所謂五種政策第一則搶劫財物第二姦淫婦女第三焚燒民房第四蹂躪學校第五戕殺教民或同時並舉或以次執行如淡水圩內之謙成大成萬生泰昌公益等店均被飽

掠一空崇雅學校者爲惠州新教育之發祥地惠人稍能知學者皆出其門而該軍一到淡水卽駐紮其中不惜將所有一切校具書籍拉雜摧燒以供炊爨又何姓女塾之女學生大半爲所淫污甚焉者至輪姦斃命其深閨淑媛爲所犯者非羞憤自縊則祕弗敢告人自中產以下之勞働婦人沿途爲所侮弄者更非所論矣如澳頭之利源義合利美隆友生祥豐永泰永源棧等店不但爲其洗劫乃至店伴身穿之長衣手帶之玉鐲口鑲之金牙亦被盡行奪去其婦女之逃匿深山窮谷者乃亦不避險阻跋涉必追至以飽其慾澳頭圩外有田寮鄉者僻處山陬隔絕塵市婦姑數人相處相得有如世外桃源卒亦不免於禍其他抑可知矣如沙坑洞之山塘尾村葉姓被焚去房屋二百三十餘間淫掠如例田心鄉葉許兩姓塘佈鄉廖姓各被焚去房屋五十餘間淫掠亦如例此外橫江墟之遭搶掠姦淫焚燒等禍視以上各地爲尤烈然此猶就惠州附廓首縣惠陽一邑言之其非附廓而距府城更遠者宜若可免龍禍矣乃龍家軍非舉惠人悉數殲旃終不滿志一若惠人爲其九世之仇也者故如博羅河源各縣或全城被焚或四鄉遭劫將所有子女玉帛囊括席卷而集中於龍之爪牙一等男爵惠州督辦李家品之衙署取之盡錙銖用之如泥沙然此猶曰民脂民膏戰勝者當然之權利也若乃外國之教士奉教之教民宜若不在龍之勢力圈中可以告無罪

矣殊不知其仇視之虐殺之淫掠之又如例也據義大利教士調查日前教堂教民已遭龍禍者不下百餘所都凡數千人聞業既繕具清冊報告都司令部蓋龍禍且及於國外而惹起國際問題矣惠之民怵於五種政策之兇淫也懼其族之將無噍類也冀萬死一生忍命須臾以圖將來之報復也故如驚弓之鳥傾家蕩產扶老攜幼相率逃匿港澳舉不敢歸其稍挾有資者可支持一二月乃至三四月其貧弱無具者非立爲餓殍則爲人傭奴耳夫同一獨立也在他省乃所以討賊而在粵則所以作賊在他省乃所以護國而在粵則所以賊國在他省乃所以衛民而在粵則所以屠民天下劘心怵目之事孰有過於此者弟瀕年負笈海外未嘗一度回家省親此次正欲叨吾義師之蔭言告言歸藉遂其積年之念不謂甫到香港而家人既流離此間嗷嗷待哺蓋既蒙五種政策之毒而使我無家可歸矣嗚呼天下可憤可恨之事又孰有過於此者方今天殛元兇黎公繼任一切善後問題自應按據法律以次解決當此之時正宜培養民力鞏固國基萬不許再任摧殘致傷國脈乃惠屬駐紮之龍軍方日肆其所謂五種政策而方興未艾此又豈我護國軍首義諸賢之始願所及也耶弟既痛家人之顛連困頓復憫桑梓之蕩析離居中夜徬徨呼籲無目迫不獲已謹將惠屬糜爛情形撮舉以告希將此情轉陳岑公萬懇岑公迅卽設法拯救惠州數十萬垂絕

之生靈庶地方元氣多保留一分卽全國命脈多培養一分則豈特惠人拜受賜而已耶臨
穎悽切不知所云蘇理平拜手六月十二日

大總統致伍唐兩公電

上海伍秩庸唐少川兩先生鑒頃接粵電謂龍李二軍衝突在卽不勝驚愕溯自政變始生
戰端遽啓海內志士擁護共和擐甲執兵前仆後繼元洪獨居深念悲天憫人欽正氣之猶
存憂薦瘥之未已天相中國化險爲夷周餘子黎白骨重肉方欲與邦人父老休養生息扶
傷恤病俾慶更生微特同爲公僕固當策羣力以救民卽使獨立諸君亦可揭初心以示衆
夫粵省非他固吾國統治之下也辛壬以來受禍最烈商空於肆農輟於原轉徙流離慘不
忍觀今所存者皆鋒刃之餘也或在公等幬覆之中或爲公等比鄰之地縱使戰禍未息猶
當於矢石之下稍保生機方今大局旣平約法國會如願相償國務諸員亦已改組元洪雖
閹凡屬庶政無不可開誠布公互資商榷何嫌何疑相殘相殺若必以一朝之忿輕啓釁端
十日旣所具瞻百口亦難自解全省人民之慘縱難望君子之哀憐個人權利之爭甯能逃
天良之裁判元洪自聞警電憂悸如焚正與芝泉總理籌商務求一適當之策告我粵人尙
望各守駐地靜待後命并希岑伍唐諸公代爲勸諭廉藺寇賈古訓不遠區區此心惟爲人

民請命亦且爲國家惜才也電到乞見覆元洪先印

伍唐兩公覆大總統電

北京大總統鈞鑒先電敬悉悲憫之懷躍然紙上人非木石疇不同情惟龍濟光稔惡已久積怨實深百孔千瘡於焉迸發此次之爭爲龍粵存亡問題非龍李衝突問題觀庸儀等通電廣肇公所通電莫擎宇等通電國會議員省會議員等通電可以概見卽以龍李衝突而論亦由濟光潛施詭計閉城撤渡絕食轟砲務迫李軍入贛以嫁罪李軍李軍深明大義以入贛無名在韶相持致成決裂此中曲直旁觀者清似未可據濟光先入之電遽疑爲個人權利之爭方今肇煥新猷宜崇民意若以全省痛恨之元惡中央執意包容將共和之謂何欲人心之不解體難矣庸儀等素性愚戇有懷必吐以承明問用敢陳瀆臨電不勝屏營之至伍廷芳唐紹儀叩歌

岑都司令呈大總統電

北京大總統鈞鑒華密韶州兩軍衝突後迭電龍督李總司令約束軍隊勿相侵犯嚴守駐紮地點以便妥商解決經於宥電陳明請予派員查辦諒邀鈞鑒頃又接李總司令電稱龍督乘滇軍停止之際連日分派各兵水陸並進圍抄我軍約計向韶州方面進逼者八營向

三水方面截堵七營向黃沙西村各方面散布者四營扼守粵漢廣三各鐵道者八營似此節節逼壓滇軍何以自存一旦再啓釁端烈鈞獲咎滋大請速調處等語參之各方報告證以新聞紀載情形大致相同當經先行電復李總司令暫仍堅持鎮靜免再肇釁去後惟清遠以上電報旋卽不通李總司令消息斷絕現在情形如何無從得實兩粵各軍司令又復文電沓至詞意激昂咸思去龍以紓粵難雖經剴切開導冀安軍心誠恐龍李兩軍一旦接近兵連禍結牽動全局大局何堪設想春煊臨去之身不幸賭茲事變委而去之既所不敢留而坐視心益難安當此心力俱窮進退罔可應如何籌處之處惟有仰懇鈞座迅示辦法俾有率循粵局幸甚春煊幸甚無任悚息待命之至岑春煊叩豔印

岑都司令呈大總統電

北京大總統鈞鑒支電魚奉謹悉豔冬東等電具陳各情現尙未蒙核示未知得邀鈞鑒否近今以來龍督已以戒嚴命令斷絕水陸交通滇軍既陷重圍久無消息又復分兵西上進逼三水連營數里聲勢甚張查三水地方向歸桂軍防戍久與龍軍劃清防地各負保衛之責駐紮該處軍隊亦係該督未獨立時由陸督率領到防現除嚴飭桂軍謹守防地以避衝突外更無他術該督舉動若此似與所稱候令之言不符仍懇鈞座電詢龍督並示辦法無

任翹切岑春煊叩魚印

岑都司令致唐梁二公電

唐少川梁任公兩先生鑒華密韶州兩軍衝突經煊先後竭力調處迭電龍督李司令分飭雙方軍隊各駐原紮地點勿再事攻擊以便妥籌辦法頃據李總司令電稱龍督已派段爾源楊發貴各率兵兩營李文運率兵六營同時向韶州方面出發馬如麟率兵三營向三水王存善率三營向黃沙西村潘鳴圖率一營向虎門出發馬存發三營李次皋三營濟軍二營李福臨二營分投出發扼守廣二粵漢廣九各鐵路似此分兵進逼滇軍何以自存請速辦法烈鈞叩云云又據各方報告情形悉同除仍電覆李總司令轉飭滇軍鎮靜勿動另籌辦法外滇軍千里跋涉以赴國難現在大局解決無所用兵又陷重圍之中進退兩難似不能不爲之所且兵端一開粵局不堪設想兩公關心桑梓敢懇大力維持無任切盼岑春煊叩宥

兩廣護國各軍司令通電

十萬火急北京黎大總統段國務總理雲南唐撫軍長上海海軍李總司令除廣東各省將軍巡按使都督總司令護軍使巡閱使鎮守使肇慶岑都司令鈞鑒頃據滇軍張師長開儒

成參謀長桃急足飛報稱江日拂曉源潭濟軍突然前進砲擊我陣地事出不意我總司令部幾陷於危當經我軍奮力抵禦將濟軍擊退至源潭以南是晚復率大隊來攻三面兜圍勢甚兇猛復被我軍擊退現探廣州濟軍連日北上情形危急迭電都司令均以交通梗阻迄無一覆竊念我滇軍崎嶇萬里無非擁護共和何罪國家濟軍必欲死我而後快務懇公等慨念同袍之義迅賜救援不勝迫切待命等語竊查滇濟兩軍在韶衝突後濟軍當將重兵扼守清遠扣截電報船隻阻滇軍與各軍之交通榮新等情知滇軍已陷絕地萬分危險迭請都司令撥兵往援屢蒙都司令以謹守防地力避衝突靜候中央解決爲言榮新等遵諭不敢妄動隱忍以待乃龍濟光居心狠毒竟乘機急擊滇軍滇軍首舉義旗與榮新等且屬友軍滇軍若遭殲滅勢必轉兵鋒以向我縱使龍濟光罪惡猶有萬一可恕然同一義軍坐視不救同仇之義謂何况龍濟光積惡萬端爲粵人公敵爲民國大毒因人盡得而誅之理既忍無可忍勢又延無可延除伏懇我大總統迅賜英斷立罷龍濟光外榮新等爲民國除大毒爲全粵除公敵爲出友軍於死地爲免我軍於覆亡計不得不擐甲執兵致最後忠告於龍濟光如猶怙勢逞兇亦祇有與之拚命先除巨兇後請治榮新等之罪而已涕泣陳辭伏懇公斷臨電不勝激切惶悚之至兩廣護國第三軍總司令兼第三師師長莫榮新第

四軍總司令兼廣東第二師師長李耀漢第五軍總司令兼廣西第二師師長譚浩明第六軍總司令兼第四師師長林虎第五師師長張習第一獨立旅長程子楷第二獨立旅長魏邦平第三獨立旅長唐紹慧江防副總司令周天祿等同叩佳印

岑都司令呈大總統並致段總理電

北京黎大總統鈞鑒段芝泉先生鑒刻據三水莫總司令電稱茲據李總司令飛足報告云旬日以來龍軍節節進逼我司令部幾幾在彼火綫之下本月三日拂曉突然炮擊我事出不意幾瀕於危幸警衛大隊長張懷信率領我軍當場抵禦將濟軍擊退至源潭以下現料濟軍必再尋仇敵處與肇城電信不通船隻復阻請就近速與撥救以免覆亡等因滇軍如此危急舍以武力調停外別無良法請卽示遵等語查韶州事起煊正慮釁端再啟一面竭力調處一面電請派員查辦乃以秉性鯁直誠不足以格人龍督猜忌橫生竟懷敵意對煊迭電置不一覆且復益兵清遠阻絕交通煊進退維谷計無所出五中焦灼迭電上陳祇以大局方慶和平重以我大總統鈞諭嚴令所部軍隊各駐原地聽候中央解決然已風鶴頻驚軍情憤激茲又傳茲惡耗夫復何言除仍飭各軍毋得妄動外伏懇大總統體察粵情迅籌解決全粵幸甚大局幸甚岑春煊叩陽印

岑都司令呈大總統並致國務院電

火急北京大總統國務院鈞鑒龍濟光罪惡山積路人皆知近復窮凶極惡豕突狼奔一面悉索精銳急擊滇軍一面故爲危詞張皇告急甚至捏造探報私搆陰謀以顛倒黑白擾亂是非冀聳動中央震驚全國居心狠毒蔑以復加凡此各端煊處均有電據當逐一宣佈以杜詭謀春煊退志早決尙何留戀祇以首義之始慷慨誓師號召兩粵將士數萬人若不待粵局大定付託得人遽爾脫身苟圖自利坐令助義諸軍供龍濟光一人之荼毒或竟急而橫決化全粵爲修羅之場何以對天良何以對將士何以對國人用是不度德不量力支撐於財盡兵多之後屹立于驚濤駭浪之中縱使龍濟光百計挑撥遐邇不無誤會而耿耿此心自問坦然初無怵疑慮於其間也今幸我大總統俯從民意將約法國會內閣諸大問題次第解決繼察粵情毅然將龍濟光解職以陸都督繼任對於春煊則又情詞懇摯開誠布公條示善後之方俾有卸肩之地方愛粵局化險爲夷煊亦可釋重負不意滇軍告急之使至自源潭具述龍軍凶暴滇軍危急情形煊部各軍聞茲驚耗騷然不寧欲前往解圍則有違煊命坐觀壁上又誼背同仇憤激之餘至有武力調停之說與佳日通電之事惟兵爲凶機一觸卽發當此大局乘定之秋詎容再啟兵戎之禍滇軍勢處受攻原非好事若煊所

部以武力調停無効進一步而至於衝突則不特不見諒於國人抑且墮龍濟光之術中萬一帝制餘孽從中煽動爲禍之烈有不忍言煊舉此大義反復申論垂涕而道并宣言如不見聽煊卽飄然他去所部軍士體此苦衷凜遵斯旨目前情狀決不至釁自我開惟龍濟光近已喪心病狂日夜尋釁煊維持鎮壓心力俱窮務乞我大總統命龍濟光卽日去任并於陸督未到以前就莫榮新譚浩明兩師長中任簡一員暫行護理俾粵事早定煊得卽日退休養痾耿耿此心天實鑒之臨電不勝迫切待命之至岑春煊叩蒸印

岑都司令呈大總統電

十萬火急北京大總統鈞鑒頃由廣東都督署內人員抄龍督電文兩道其豔電內稱大總統國務院鈞鑒堂密李烈鈞襲取韶州故開戰衅用心極爲叵測仰蒙眷念南服特准調用該員以杼粵難實與粵省紳民同深感激查李軍此次發難驟觀之似僅李烈鈞箇人之野心其實滇桂兩省及岑春煊李根源諸人共同密謀蓄之已久其目的且不僅在廣東一省而在南方之抗爭蓋以滇桂等省僻在一隅非得粵省聯合不足以擴張勢力卽不足以抗拒中央粵省前雖同一獨立惟以濟光迂拙事事以國家爲前提一切不爲彼等利用輕於苟同是以粵省遂爲彼等所惡必爭之地觀其先據西江媒取韶城皆由滇桂兩省軍隊節

節進取近日大局已定彼由桂省東下之兵尙復絡繹於途岑春煊林虎諸人仍於粵省各處大招綠林此其一致進行尤可概見濟光搢拄數月實已力竭筋疲而粵省安危關係全局至鉅其李烈鈞岑春煊諸人勢力之分合復關粵省安危惟有仰仗中央威力迅將李烈鈞一軍調離粵境以分岑李之勢力而息滇桂之詭謀實於統一前途大有裨益謹電密陳伏乞鑒核訓示再滇桂兩軍先後入粵濟光爲保持和平計凡可通融無不委曲遷就得寸進尺盤據西北兩江愈逼愈近距離省城僅百數十里而於我軍前鋒防地僅止數里大有忍無可忍之勢又所招土匪偏布各地一面勾結欽廉高雷潮汕叛將禍機四伏尤爲防不勝防此次李烈鈞如能聽命允就範圍固爲粵省之福否則武力解決亦非得已惟粵兵分力薄待援孔殷前請飭下江西派兵由南雄直赴韶關懇飭李將軍迅卽照辦約會師期以收夾攻之效又潮汕爲粵中膏腴之地久爲莫擊宇佔據並懇飭福建將軍派令守邊軍隊越境來援協力收復剪其爪牙以孤其勢是否有當並候核示振武上將軍龍濟光呈豔印東電內稱大總統國務院鈞鑒堂密岑春煊等大集桂軍進逼三水西南連絡李烈鈞滇軍圖攻省城各等情業經飛電呈報在案現據續報本日岑春煊派兵佔據三水縣署拘留知事收繳游擊隊槍械並據電局抽留各省電報一面遍發檄文聲稱會合李軍尅日水陸大

舉進攻省城地方人民異常駭憤現已飛飭前敵軍隊嚴陣以待竭力抵禦以待中央救援保粵疆以顧大局萬懇飛飭閩贛火速進兵海軍艦隊尅卽南來以奠危局謹電馳陳伏乞訓示振武上將軍龍濟光呈東印各等語查韶州之事迭經電陳龍軍首啓兵端事實具在其時羣情憤激衆論激昂春煊逼處其間出而調處不敢復論曲直但求早弭紛爭故除分電雙方一律停戰妥爲解決外惟有電請鈞座派員查辦以明眞象自謂顧全大局此心可以共見不意調和之果轉以召戎近且斷絕交通大張聲勢水陸並舉分道進攻上取英韶下瞰三水滇軍旣陷絕地肇城亦爲動搖煊處迭電該督迄無答覆正不解其何心今據前電云云且有春煊等欲以滇桂之師謀得粵省擴張勢力反抗中央等語甚至乞援鄰省請兵中央是今日之用兵其處心積慮固非一日特借韶事發難耳夫自首義以來滇桂分兵赴難是否侵略土地無待春煊贅詞我大總統正位之先南中早經恭戴今茲依法繼任天下歸仁滇桂首義之區乃轉目爲反抗且粵省故中國領土也不獨非滇桂兩省所能侵略抑亦非龍督一人所能盤踞該督以此立說亦可謂不善爲詞惟春煊衰病餘生日夜求去信誓旦旦天日鑒茲事變紛乘去留皆罪牽率至此悔限已遲與之斷斷益滋慚慙第就其電文之中如滇軍之次韶州桂軍之駐三水林軍之編練新兵兵凡所指爲罪證者皆項城

未死前事自我大總統受任以來滇軍既停止進行遵令靜駐原地新兵亦停止編練中途分別遣回而三水地方尤遠在該督獨立之先卽已爲桂軍防戍之地現在彼軍進逼刁斗相聞仍飭謹守範圍以免衝突顧全之術至此已窮且粵中獨立之初該督亟於自保擁兵數萬嶠負孤山旣舉全省之地盡棄之而不顧潮汕高雷欽廉諸屬先後獨立以保地方迨至大局稍定遂概目爲叛將軍心積忿久不能平春煊之愚但知大局多方綏輯汔可少安誠不意遂以此故冒勾結之名爲尋衅之地也凡茲種種誠不當多瀆鈞座而慙直成性非吐不快冒干聰聽益切悚惶至於粵局危急悉歸乾斷煊不當復有妄議惟冀衰朽之年得邀我大總統之賜奉身而退以解龍督之疑幸甚幸甚此外尙有密電數通均由該督署抄出大旨相類不復贅陳岑春煊呈微印

大總統致岑都司令電

肇慶岑雲階先生鑒華密微電悉龍督豔東兩電中央早未見信現經我公反覆辨明益證其僞望勿介意特覆黎元洪篠印

岑都司令呈大總統並致國務院電

北京大總統國務院鈞鑒頃由廣東將軍署內人員抄出龍督歌電一通內開大總統國務

院鈞鑒頃探得岑春煊等一電謹照錄呈其文曰汕頭莫總司令廉州隆都護使欽州馮總司令高州車總司令雷州楊司令化州陳司令暨轉所部各旅團長急肇密袁遭天譴大局一變迭電唐劉陳陸四都督蔡戴兩總司令往復籌商意見相同決定方針宣佈於下一不問北方如何軍務院毅然存立必達目的而後止二先以邀求規復舊約法保障共和爲名目俾出師有名以杜外人干涉三決定電致中央聲明規復舊約法開國會四省取消獨立正式內閣成立懲辦禍首軍務院始取消諒北京未必一旦照允我可乘時厚集兵力積極進行四倫北方允我所請則再以禍首諸人治罪爲不滿意爲詞必須由我指名主裁此則必辦不到如此已有兩三月之時間計已攻陷羊城全力攻贛到時力足以規鄂皖再將軍務院另改名稱五天奪龍魄韶關並無防備烈鈞垂手已定惟羊城未破惠未全領急應進行若曠持日久萬一中央被聳贛軍南下烈軍維谷閩軍攻潮莫軍掣肘儻因之無力攻取戰線不能貫通羊城負固大局爲之撼搖桂省添撥馬炮十營現已兼程東下一俟到齊全力出發六乘閩省奉中央令停進之機莫軍速派大軍奪惠庶聯絡肇韶全力進取指日可期滅龍七一俟佔領全粵先將軍事用票發行厚餉械全力攻贛澄海一隅由莫軍酌留數營防堵諒無大礙八俟全贛得手湘閩自不敢正視或傳檄可定全力規鄂直出長沙雖北

方勁旅如馮王張倪諒可抵禦大局自可垂成以上各條實行極進密以告知各宜努力勿稍頹怠秘密勿洩春煊烈鈞榮新聲濤都司令印勘等語查都司令等所定八條匪特圖謀粵贛等省實欲抗衡中央關係全國實非淺鮮謹照錄以聞伏乞鈞核速定方略大局幸甚振武上將軍龍濟光叩歌印等語閱之深爲駭異查李總司令烈鈞被困琶江消息久已斷絕方代表聲濤派遣北上亦早抵京卽莫隆車楊各司令及欽州馮道尹處並未發有肇密碼該督僞造此項電文並將唐劉陸陳各都督蔡戴兩總司令全行牽入捏造種種計劃破壞大局欺罔中央壽張爲幻至此已極韶州之事由該督處心積慮借開兵端尤屬顯而易見煊等一人之身關係尙小惟該督陰謀祕計上關國家前途下關滇黔桂各省在我大總統之明察固無由得逞其奸而該督居心若此實屬兇狠之尤應懇大總統立予澈究褫職嚴懲以杜奸謀而弭禍亂再此電幸經發見此外如尙有該督肆行捏造之件並懇立予宣布以戢奸究之心大局幸甚岑春煊叩蒸印

岑都司令呈大總統並致段總理電

北京大總統鈞鑒段總理鑒堂密刻據少校參謀楊源華鄭柱謀報龍濟光最近作戰情形合電轉呈一龍濟光頒發各軍賞格七條內開奪獲江大寶璧兵艦每艘賞銀一萬五千元

擊沉每艘賞銀一萬元暗殺滇桂軍重要人物每名二千元二派鄭潤琦帶花炮十餘尊由陸赴紫洞又派兵艦及魚雷艇由水道三水轟擊江大寶璧兩艦三分投招募新兵每名月餉二十元能招足一排者即充排長招足一連者即充連長四廣三粵漢各鐵道沿路綫日增兵廣三一路愈逼愈近五捏造電報散布謠言欺蒙中央激動軍士等語查龍濟光偽造各電曾由該督署內人員抄出原文電呈鈞鑒所定賞格前經報紙揭載猶未敢據以爲實惟江大寶璧兩艦迭被龍濟光派人運動現在搜出證據多件足證蓄謀已久其餘募兵增兵各節均係實情龍濟光既奉明令解職即應將軍隊撤回原地靜候交代乃一面以停攻之語欺蔽中央一面增加軍隊着着進行是何居心不言可喻春煊實逼處此防維之術已窮應懇鈞座嚴電詰問迅示辦法無任迫切待命之至岑春煊叩覃印

大總統致岑都司令電

萬急肇慶岑雲階先生鑒蒸覃三電均悉歌電捏造各語識者決難取信覃電所述業經轉達前敵粵事既勞我公苦心支持得保現狀現已令陸督勿留湘遵即赴粵該督物望攸歸又得我公扶持一切定可早就和平奠安南服幸甚黎元洪銑印

陳代督通電

萬急雲南唐撫軍長貴陽劉都督蔡軍行營蔡總司令松坎戴總司令自流井羅總司令上海海軍李總司令唐少川梁任公先生衡州探送陸都督都司令部岑都司令均鑒岑公蒸電本日奉悉因呈大總統國務院電文曰本日接岑西林蒸電謂龍督電呈大總統有唐劉陸陳四督蔡戴兩總司令決同方針變亂大局等事不勝駭異桂省果欲取粵當於粵未獨立之前施其武力何至俟陸都督赴湘及大總統繼任之後作此拙謀况事涉滇黔各省往返籌商之電自必難逃洞鑒乞賜查察以息流言廣西代都督陳炳焜叩元印

唐撫軍長通電

肇慶梁任公唐少川兩先生海軍李總司令肇慶岑都司令貴陽劉都督廣西行營陸都督南寧陳護督杭州呂都督瀘州蔡總司令韶州滇軍李總司令松坎戴總司令資州羅總司令鑒西林轉到龍濟光密致中央各電均敬悉當於效日電呈大總統國務院文曰北京大總統國務院鈞鑒堂密頃岑都司令轉到龍濟光密致鈞座各電飾詞媒孽本不值一噓惟查龍自辛亥革命時陽爲顧全大局以要時譽繼見共和告成遂坐攘重大權位狂悖無恥極意搜括屠戮至萬餘人擁資達數千萬項城明知其罪而利其爲用途使夜郎坐大窮凶極惡此次義師既起大舉攻滇旣遭失敗更勾結滇省南防土匪殘害桑梓不過欲遂其擴

張勢力之野心鞏固其個人權利之私計實不知共和立憲之爲良法否也繼見公理大明人心大憤又挾其辛亥之故智背袁獨立皆凡以爲其私而已綜其反復狡譎營私罔利殘民以逞卽聲罪致討與衆共棄之誰曰非宜惟自元首繼任國務得人方且力謀統一以期息事寧人故堯等力體鈞座至意迭飭滇軍勿得輕率前進靜候中央解決乃龍猶肆其陰狠增加軍隊節節進逼滇軍不得已僅爲正當之防衛現中央既有明令調令辦鑛然陸督未到任前仍以留粵夫龍一日不去卽粵民一日不免於難而大局亦一日不安懇請中央飭龍卽日離粵陸督未到任以前似可由岑春煊暫行署理督軍庶幾救粵民於水火而消釁端於無形也是否乞迅決爲禱雲南督軍唐繼堯叩效印等語特聞并請一致主張期達目的爲禱至協和旣困源潭仍乞西林相機督飭抵擊爲盼繼堯叩印

唐撫軍長來電

肇慶岑都司令鑒蒸電奉悉當於本日電呈中央文曰北京大總統國務院鈞鑒堂密頃由肇慶轉到龍濟光歌日捏造岑春煊等勸電一通閱之不勝駭異竊自項城無祿鈞座繼任卽經切電在粵軍隊停止進行旋接李總司令烈鈞電稱相逼情形仍一再電飭聽候調處勿得輕率啓釁原電歷歷可按乃龍濟光節節進逼竟至滇軍進退兩難猶復捏造電文八

條謂其抗衡中央希圖聳聽實屬冥頑無恥已極幸我大總統總理明見萬重開誠布公不至爲其所惑否則稍有誤會貽誤何堪查捏造文電意圖陷害他人律有明條以堂堂之疆吏爲之尤出意外應請迅飭嚴行查辦以儆效尤而彰國紀雲南督軍唐繼堯叩瑪等語特聞唐繼堯叩養印

岑都司令致唐督軍電

雲南唐督軍鑒效養兩電均敬悉公上中央電兩通發奸摘伏羲正詞嚴立人道正誼之防明是非彰輝之用伏讀一過欽感同深當此大局甫安兇頑未剪得公扶樹正氣百爾具瞻赴義者見而勇爲犯義者憚而不發安危治亂端繫於斯不徒三千萬粵民同聲感泣已也粵人切齒於龍威思剗刃爲快詔禍旣發衆益激昂徒以偃甲之初不欲訴之武力調龍命下軍民鼓舞不謂署理之局坐構危疑奸人轉於其間得爲藏身之隙增兵購械亟圖一逞昨更懸賞購我將領密謀奪我兵艦百計挑釁以啓兵端而衆叛親離士不用命稍知順逆次第來歸櫻城負隅冥頑猶昔滇軍所至壺箠載途苟順人心而剪凶慝摧枯拉朽何待崇朝特慮兵刃旣交地方蒙害投鼠忌器忍此須臾頃幸幹公南來不日抵桂昨已派員迎候以期粵難早紓有軫盡懷復爲覩述後情何若容再續聞岑春煊叩卅印

岑都司令通電

上海唐少川梁任公兩先生海軍李總司令雲南唐督軍廣西行營陸督軍貴陽劉督軍杭州呂督軍南寧陳督軍四川蔡督軍羅護督軍松坎戴省長新街滇軍行營李總司令鑒幹公宥電卅一奉悉粵難已深亟待解決非幹公早日蒞粵無以霽此大紛軍民屬望之殷逾於望歲前者留湘之命已召危疑今茲宛轉呼號幸而得請惟盼星夜蒞粵爲解倒懸如果再涉遲留誠恐糾紛愈甚何以慰三軍雲霓之望出人民水火之中幹公軫念子遺必不忍於愒置諸公關懷大局並懇代電敦促力疾一行俾大難得以早紓衰軀得以早去豈惟有造於粵亦卽加惠於煊至煊臨去之身實逼處此勉爲支柱以迄於今精力俱窮疑謗交集其不敢委身而去者亦恐全局潰裂無以告天下而對幹公若如幹公之言不但非衰庸所堪卽初心何以自白昨接莫公皓電卽經披瀝言之惟諸公共鑒孤懷俾煊有以自處感且不朽岑春煊叩卅一印

隆都護使通電

唐撫軍長貴陽南寧成都杭州長沙各都督各總司令廣西陸都督蔡總司令松坎戴總司令上海伍秩庸梁任公唐少川溫欽甫王亮疇鈕惕生先生肇慶岑都司令李副都參謀李

鎮守使譚總司令三水莫鎮守使魏司令清遠李軍長林總司令張鎮守使汕頭莫總司令
欽州馮總司令高州車總司令鄒道尹均鑒世儲本日致北京電文曰北京黎大總統國務
院鈞鑒本日軍務院蒸電內開探悉粵督龍濟光歌日拍華密一電到京謂岑都司令等有
勘電八條用肇密通致汕頭廉欽高雷化州等處措詞嶮巖栽插無根驟聞駭愕皆裂髮豎
不意白日青天之下有此鴟梟破鏡之聲更不意我堂皇民國有此跋扈將軍青蠅止棘莠
將亂苗赤舌燒城瓶難吐水在岑都司令徙薪曲突將隱何必用文在龍氏含沙噴人患失
無所不至是而可忍人道將亡不平則鳴天良所遣世儲既見蕩湯敢辭越俎謹爲我大總
統縷晰陳之岑都司令履險救國磊落至誠袁退身隱信誓旦旦言猶在耳心豈有他不知
龍氏所造之八條厚集兵力積極進行規取各省再定大局各宜努力祕密勿洩等語此等
誣讒是何居心意者殆謂岑都司令有逾分之冀望歟微論以岑之明決不出此試問我國
四萬萬人之腦筋中以今日已定時局尙有此野蠻之思想乎此種邪說在龍氏自謂可以
落井下石殊不值識者一笑又八條之內文皆淺陋語不經濟左張右羅故意挑動各省惡
感以快其傾陷之私况文詞粗劣與都司令部平日電文絕不相類且都司令平日並無肇
密電本有各電局可查而龍氏必故造此電以陷人者蓋亦有說龍氏自知在任之年對於

粵省實無政績可言對於外藉土籍軍隊過於壓抑對於黨人慘殺過甚一旦獨立恐不見容戀棧既昏反對尤力陽揭義旗之美名隱行踞粵之實事凡護國軍與非濟軍之在粵境者一意推擠不遺餘力今見岑爲護國軍所推戴不啻眼中之釘種種毒計必去之而後已於是有海珠暗殺摧殘桂卿之役於是有韶關閉城拒絕李軍之役當李軍之取道也則偽造輿論反對以電岑氏越日而商會發電辨誣矣及韶軍之開釁也反誣指李軍勒餉以電中央越日而商會登報辨誣矣鐵證具在公論難淆在龍氏以爲推倒義軍必先推倒岑氏不惜以卑劣之手段醜詆舊主以奸險之心肝欺罔中央製造八條經營百計生營兔窟死據羊城性情既絕於天人格已墮於地軍人目爲敗類粵民視作罪魁伏乞大總統赫然震怒立予罷斥治以誤國殃民之罪爲共和祛此污點爲政界樹一良模則民國前途庶期有豸臨電迫切無任悚惶待命之至廣東欽廉鎮守使兼兩廣護國軍第七師師長隆世儲呈刪印等語特電謹聞欽廉都護使兼兩廣護國軍第七師師長隆世儲叩刪印

高雷鎮守使參謀長道尹通電

北京國務院肇慶岑都司令鈞鑒各省督軍省長各總司令各師長暨本省各師令各師長各道尹公鑒肇慶李師長耀漢宥電得悉李師長奉國務院電飭調和粵事龍濟光始則請

赴省設法調停繼則電表歡迎終竟用大礮向之轟擊等情閱之殊令人髮指竊思中央對於龍氏故示優容不加誅戮者亦爲保全吾粵計故下令和平解決岑都司令之力任調和亦仰體中央愛粵之苦心惟以速紓粵禍爲前題不欲過爲己甚乃龍氏前於海珠一役司馬昭之心路人皆見今復怙惡不悛險詐性成違抗命令不受調停並欲借調停時間逞其陰謀直與三千萬粵民爲孤注之一擲其毒甚於蛇蝎其凶過於虎狼察現在情形已無調停之餘地伏望我國務院都司令本伐罪弔民之例伸撻冠披髮之情籲請大總統速將龍氏褫職明正典刑以救粵民以謝天下吾粵之福亦民國之幸也龍等爲民請命涕泣陳詞無任屏營之至兩廣護國軍第六師師長兼高雷鎮守使車駕龍參謀長歐陽幹高雷道尹鄒武叩東印

岑都司令致龍督電

廣州龍都督鑒頃據莫總司令電稱足下重懸賞格奪沉江大寶璧各艦現又派蔡春華密謀襲擊事爲江防由無綫電探知各艦隊異常憤激等語查此項賞格早經各報揭載皆未敢遽以爲信嗣由各艦查獲足下派人煽惑各文件仍飭一律銷燬勿搖軍心現復據報蔡春華竟肆攻擊殊與來電罷兵之旨不符特此奉詢仍希電覆岑春煊刪印

岑都司令致粵紳鄧小池電

廣州多寶大街景福堂鄧小池先生鑒銑電誦悉春煊對於粵事始終力主和平不謂初出調停反遭疾視調和之術至此已窮惟是申誠將士未嘗加遺一矢此心耿耿天日鑒之中央明令既頒深幸大紛可解當經通電布告一切靜聽幹卿都督主持乃昨據江防莫司令迭電報告龍督又懸重賞購奪江大寶璧各艦及各軍將領甚急并派蔡春華密謀襲擊事爲江防由無線電接知各艦異常憤激誠不知是何居心煊當袁氏初亡卽經矢言歸隱兵闕遽起欲去不能牽率至今憤懣交集與公世交夙好相知最深區區之愚必能照察龍督如遵中央命令卽當速寢陰謀撤回軍隊靜候交代我公篤念桑梓敢懇與粵父老一敦勸之粵局倘獲粗安春煊亦可卸責私情公義感禱同深願鑒孤懷時賜教益岑春煊巧印

林總司令來電

萬急肇慶都司令李總司令三水莫總司令西南譚總司令鈞鑒頃接白泥滇軍急報龍軍連日於炭步赤泥五和等處增兵進逼白泥兵單請速救援等語查文日李總司令轉知龍督文電謂已令東省前途軍隊暫駐防地停止進攻今竟進逼白泥不知是何用意除派員確查外謹此奉聞林虎叩寒亥印

林總司令來電

急分送三份肇慶岑都司令李總司令鈞鑒李總司令刪電拜悉白泥附近龍軍近尙陸續增進我軍受逼甚危而龍督連日又派人前來各營希圖煽亂迭經拿獲有據內外交攻忍無可忍今奉刪電謹嚴束所部兩日之內當不致有衝突也古君會商結果若何尙乞電知毋任感盼林虎叩刪戍印

林總司令通電

十萬火急肇慶都司令李都參謀李總司令三水莫總司令譚司令行營譚總司令李軍行營李總司令鈞鑒龍氏陰謀反覆敵視義軍吾曹酷愛和平百端遷就彼乃多方挑釁弄兵韶城事敗之後更捏公電污蟻義聲蒙蔽中央愆戾聞贛何仇何怨弗克相容陸公粵省督軍已見明令方冀彼知自戢粵事可望和平孰期龍氏又向香港某洋行購大批軍械藉詞勦匪增兵炭步赤泥官窰大欖一帶蟻聚鬻來節節進逼凡茲險愎行爲無非和平障礙斯人一日不去地方一日不安陸公既電一時不能到粵仍以維持粵局責之諸公諸公爲地方造福計爲大局救平計義難再事姑息自應振我師旅驅此蝥賊現虎部已扼守范湖蓮塘白泥馮村等處絃張矢急坐置殊難願隨諸公之後一掃稜氛可否再以粵事眞况悉電

中央及各省用昭正義藉慰羣情尊意如何敬候示覆林虎叩巧印

莫譚兩司令致龍督電

廣州龍督辦鑒敬電誦悉兩軍洶洶爲公一人公去則百紛俱解豈但外人生命財產不致損失卽全城生靈百萬無不賴以保全他人知之公亦知之且陸督軍卽日履新公卽瞻戀終於一去尙何徘徊留戀之有茲讀來電云已預備交代欽佩實無涯涘惟是公之左右陰謀百出國人無敢信任且聞我公行動亦多爲所挾持榮新等爲陸督軍部將不得不思患預防公旣對於陸督軍開心見誠則對於榮新等無不推心置腹在此交代期內宜卽戒飭部曲歡迎桂軍入城鎮壓非常以待陸督軍之至乃公不此之務反命馬存發半途邀擊以云預備交代誰其信之如蒙鑒納鄙言敢懇表示誠意俾桂軍振旅入城以資鎮攝然後陸督軍有蒞任之期粵局有平定之望榮新等責任所在自應約束將士謹守紀律尊重我公無敢違犯我公倘不見信未肯推誠相與抑或暫行委託妥員代辦交代身先引去亦所不妨如猶架炮山巔勒兵城下假口外人干涉嗾使紳商拒絕以此預備交代桂軍將士斷無聽陸督軍深入虎穴之理惟有從粵人之望爲陸督軍前驅俾粵局早日解決此理甚明中外必無異說榮新等天職所在亦無容躊躇再計仰承明問再敢直陳唯公裁之並希迅賜

答覆莫榮新譚浩明叩有印

李都參謀致段總司令電

十萬火急佛山段總司令鑒頃奉號電當經肅復計達清覽鄙意尤有陳者粵局之紛紛不定兩軍之兵戎相見其關係皆在子誠一身誠公一去粵局立平滇桂粵諸軍亦可化干戈爲袍澤誠公既奉解職命令去粵不患無名但能當機立斷目前維持之責委託一人代理潔身而去面面俱全源與兄既託腹心對於諸公所部將士又皆故鄉子弟倘蒙推誠相與誓當竭力維持斷不忍令一人失所各將領名位權利尤當力爲保全卽誠公所有在粵在滇一切財產及各將士家屬資財一律擔任保護後此或願留粵或願旋滇均當一力維持不令絲毫損失所言倘不實行敢以誓之天日區區此心定蒙亮察倘此外尙有何種難言之隱亦祈開誠相示無所嫌疑否則游移不決事變環生將深負吾兄調和之苦心源亦不敢多贅矣吾兄熱忱毅力計必有以處此如何之處卽乞火速示覆李根源號二印

李都參謀楊道尹致段總司令電

佛山段總司令鑒號兩電計達粵事糾紛至此已極吾兄出任調和實爲大局之幸但調和之要必從根本解決解決之法非子誠先生去粵別無他途號電直切言之諒蒙鑒納誠以

事機緊切如再虛與委蛇不但調和無望必至立召大變吾兄洞明大局如以鄙言爲然請照號電所陳商請誠公立決但能見聽固屬至幸如尙優游不斷各軍萬難久待卽請兄部勒將士立即宣言與桂軍聯合環請誠公去位以保地方如是則誠公更無瞻戀餘地必能自行引去地方不致糜爛兩軍不致相殘吾兄之功必爲天下所共仰卽濟軍將士亦必爲全粵所敬愛尙有何人可以動搖爲粵計爲兄計爲濟軍將士計均無易此否則一旦潰裂誠公固不難潔身而去各將皆我滇中子弟在粵何以自存源等誼切桑梓義當力任維持故敢開心見誠直言奉達惟高明裁之卓見如何立盼電復李根源楊晉同馬印

段爾源來電

萬火急三份肇慶都司令岑都參謀李楊道尹晉四份三水譚莫李總司令並探送滇軍李總司令均鑒源等不忍見粵東之糜爛素主和平解決以固國本而免軍人自賊爲強鄰笑故屢經電陳意見先後派員代表冀道懇衷效日早派敵軍參謀伍淵躬詣面陳一切詎是晚第二馬軍長已與桂軍衝突交通斷絕號日又因力勸馬軍共表同情不允未果二十二早擬仍派伍參謀前來復爲馬軍阻住致書規諷奈其頑志莫移而俯念時局粵嶠洶洶爲龍一人當機不斷貽患無窮乃未暇派員請示立遣伍參謀長前赴桂軍接洽一面嚴束全

軍將士并懸旗表示歡迎是日午後桂軍中鄧兩旅長同時到佛將各軍隊擇地分駐幸藉福蔭商民無驚秩序依然惟兩軍初合難免不因小故致起衝突應請通令桂軍和衷共濟以示大同但龍早去一日粵卽早安一日雖經委婉勸諷似仍貪戀不決除勸撫濟軍及省城各軍速表同情并明白宣布與滇桂軍隊取同一行動迫龍速退外合將歡迎桂軍聯合一致情形綜陳聰聽其應如何辦理一切手續立乞分別速電飭遵廣東護國第一軍軍長段爾源參謀長伍淵率全體官士同叩二十一印

李都參謀楊道尹致段總司令電

急佛山段總司令大鑒讀二十一電深感佩我公精誠愛國大義凜然一片爲國爲粵之心不獨滇桂各軍同深欽仰卽全粵人民亦當謳歌不置仁人利溥於茲益見源等持誦之餘不禁額手稱慶誠公旣奉中央命令解職又爲全國同聲致討審時度勢萬無瞻戀之餘地潔身引去宇宙誠寬何處不可再樹勛猷乃計不出此必欲犯衆怒而效孤注之一擲彼一身固不足恤乃欲舉數百年精華蒼萃之羊城萬餘衆鄉闔族之子弟而殉之不但無以謝天下更何面目以見故鄉之父老上先人之邱墓乎此源等櫻心之疚而必欲委婉以圖瓦全之苦衷也茲幸得我兄開誠布公與滇桂各軍共聯袍澤同事驅除從此滔天狂瀾障於

一葦轉禍爲福轉危爲安豈獨功在一時抑且利及百世桂軍滇軍本與吾兄同抱此愛國宗旨今吾兄竭誠攜手尤爲一致歡迎現已蒙都司令電飭各軍與吾兄推誠相與和衷共濟一致進行惟事機之來間不容髮吾兄既明白宣佈省城必全體動搖誠公必無力維持秩序來電所云龍早去一日粵卽早安一日實爲不刊之論請卽迅爲籌度刻期勒兵入城促誠公卽日退出安定人心以免遲則生變至與桂軍如何聯絡行動之處卽祈與莫譚兩總司令商酌進行其餘勸撫濟軍去逆効順同扶大局以吾兄威望皆所優爲如各軍尙有懷疑請照號電所陳各辦法剴切宣布源晉二人誓爲擔保立盼卓裁見覆李根源楊晉養印

岑都司令致段總司令電

佛山段總司令鑒二十一電悉執事深明大義與滇桂各軍聯合一致解決粵事愛國愛粵佩慰交深現已轉飭滇桂各軍一體遵照與執事和衷共濟一致進行所有執事所部軍隊卽自明白宣布日起改歸本都司令直接統轄一切進行事宜希卽查照李副都參謀楊道尹晉去電與莫譚各總司令商酌辦理事機迫切不容刻緩早定粵局以慰人心惟執事是賴岑春煊禡印

岑都司令致各總司令電

急三水探送莫總司令譚總司令肇慶李總司令琶江滇軍行營李總司令蘆苞林總司令鑒頃據段總司令爾源參謀長伍淵率全體官士電稱該軍明白宣布與滇桂軍隊取同一行動迫龍速退應請通令各軍和衷共濟等語該總司令深明大義至爲欣慰冀定粵局指顧可期當經電飭該總司令所部軍隊改歸本都司令部直接統轄所有聯合各軍一致進行事宜並飭與各軍總司令迅商辦理去後希卽宣布各軍將士一體知照聯合一致共策進行早定粵局以慰人心是爲至盼岑春煊養印

岑都司令呈大總統並致國務院電

北京大總統國務院段總理鈞鑒昨據報告龍濟光派馬存發軍隊與桂軍衝突後旋據濟軍第一軍總司令段爾源自佛山來電稱粵事已於效日早派參謀長伍淵躬詣面陳一切詎是晚第二軍馬存發已與桂軍衝突交通斷絕號日又因力勸馬軍共表同情不允未果箇日早仍派伍參謀長來復爲馬軍阻止伏念全粵洶洶爲龍一人當機不斷貽患無窮乃未暇派員請示立遣伍參謀長前赴桂軍接洽一面嚴束全軍將士並懸旗歡迎桂軍申鄧兩旅長軍隊擇地分駐幸藉福蔭商民無驚秩序依然惟兩軍初合難免不因小故致起衝

突應請通令桂軍和衷共濟以維大局但龍早去一日粵卽早安一日雖經委婉勸諷似仍貪戀不決除勸馬軍及省城各軍速表同情並明白宣布與滇桂軍隊同一行動迫龍速退外合將歡迎桂軍聯合一致情形綜陳聰聽其應如何辦理一切手續立乞分別速電飭遵等語查段爾源來電各節足見粵中戰事悉出龍濟光一人之意現在所部軍隊旣願歸附與桂軍聯合爲一兩軍可免衝突堪以告紓盡懷惟龍濟光貪酷罪狀早經昭著怨毒旣深軍民皆憤現復衆叛親離已失維持地方之能力經卽電飭段爾源商同莫譚兩總司令勸撫濟軍勿相衝突並飭桂軍推誠相與勿分畛域聯合一致共保地方惟粵患是否能紓全視陸督到任遲早爲定應懇迅電飭令陸督兼程來粵以弭兵禍無任翹切岑春煊叩禡印

岑都司令呈大總統並致國務院電

北京大總統國務院鈞鑒漾日始由汕頭莫師長轉奉大總統眞電同日復准國務院皓電均敬悉鈞座睠懷南服畀陸督粵命下之日軍民歡呼維時陸督早來粵局固已大定所以糾紛至此皆由署理之局推演而生在中央並顧兼籌不能不稍權急緩而粵中水深火熱實有難再緩須臾且上下睽隔之間又適爲奸人藏身之隙故政府用心甚苦而未能盡喻軍民呼籲愈切而未能盡明然使龍濟光果於其間誠心悔禍恪遵命令勿懷異圖撤退濟

軍靜候交代羣疑自息猶可少安乃龍外挑釁端內修戰備增兵購械亟亟不遑民志益疑軍心益憤轉恐甲兵一解變局立生人人自危益難鎮壓前擬請於莫譚兩總司令內簡用一員先行護理卽欲藉以亟慰粵人之望早安各軍之心自愧衰庸於宣德達情既有未盡而防危慮變尤有未周然羣情憤激之餘又益以危疑不安之象防維之力實至此而已窮龍又懸賞謀攻百端挑撥必欲激成戰禍而後已誠不知是何居心自江大室壁各艦據報蔡春華調艦襲擊後莫林各軍又復紛紛各急尙幸段爾源率隊歸附桂軍分駐佛山兩軍聯合之後煊復飭令段爾源安撫濟軍或不至再生衝突本日復據段爾源來肇面稱龍濟光開釁以來迭經敗衄軍心不附仍力迫將士出戰各軍解體龍亦自疑現改雇印度人防守觀音山砲台每名每日薪水七十元恐省城變在旦夕等語似此情形尤爲可駭惟有仰懇鈞座飛飭陸督兼程來粵早日奠定以免他虞無任迫切之至伏祈鑒核示遵岑春煊叩敬印

陸督軍來電

萬火急肇慶岑都司令並轉滇軍李總司令李鎮守使林總司令廣州龍督軍佛山探送譚總司令莫總司令段副總司令汕頭莫總司令廉州隆都護使欽州馮道尹雷州楊司令瓊

州黃鎮守使南寧陳督軍均鑒榮廷奉命爲廣東督軍因病迭辭不獲擬日內由桂林力疾起程赴任惟聞廣州附城一帶各軍時有衝突兄弟鬩牆恐召外侮還望雙方軍隊即日停止戰爭以紓粵難是爲至盼榮廷東叩

岑都司令致陸督軍電

急桂林陸督軍鑒東電敬悉我公軫念子黎力疾赴任出人民於塗炭奠粵局於苞桑全粵軍民同深鼓舞頃已電飭各軍聽候命令並通電各路司令道尹鎮守使一體照地方一切事宜均候我公到任辦理何日啓節懇先電示爲盼岑春煊叩冬印

廣東護國各軍司令致陸督軍電

急永州探送廣西行營陸都督鈞鑒我公督粵萬衆歡騰願率全軍竭誠效命伏懇節鉞速臨早靖氛稜拯粵民於水火奠大局於苞桑無任翹企待命之至都司令部副都參謀李根源第四軍總司令肇陽羅鎮守使李耀漢第六軍總司令兼第四師師長林虎南韶連鎮守使滇軍師長張開儒第一師師長莫擎宇第五師師長張習第六師師長車駕龍第七師師長隆世儲欽廉道尹馮相榮高雷道尹鄒武嶺南道尹王有蘭第二獨立旅旅長魏邦平第三獨立旅旅長唐紹慧江防副司令周天祿叩印

岑都司令呈大總統並致國務院電

急北京大總統國務院鈞鑒華密粵局紛紜久勞盡慮前接陸督軍電將抵桂林卽經派員前往迎候嗣接桂林來電又云宿疾未痊尙資調養當以粵事孔亟迭電敦促星夜來粵早圖奠定頃接覆電已允於日內力疾啓程赴任羣情甚慰粵難獲紓經卽通電各軍一體遵照聽候陸督到任辦理謹先電陳岑春煊叩冬印

黎大總統致岑都司令電

肇慶岑雲階先生華密接冬電知陸督已允於日內啓程赴任粵中紛亂解決有期無任忻慰執事蒞粵日久物望攸歸所有善後事宜仍希與陸督就近籌畫俾歸妥協是所切禱黎元洪印

岑都司令通電

火急伍秩庸唐少川梁任公溫欽甫王亮疇先生並轉廣肇公所雲南唐督軍貴陽劉督軍四川蔡督軍羅護督軍松坎戴省長浙江呂督軍湖南劉督軍南寧陳督軍鑒粵局紛紜久而未定前接陸督軍由湘來電得悉將抵桂林卽經派員前往迎候嗣接桂林來電又因宿疾未痊尙資調養當以粵事孔亟迭電敦促刻日啓程早圖奠定頃接覆電允於日內力疾

啓程赴任粵事有屬民困獲紓業經通電各軍靜候陸督到任命令辦理因關廛念特電奉聞岑春煊叩冬印

浙督軍來電

肇慶岑西林先生鑒冬電敬悉陸督軍力疾蒞任至爲遠慰粵事旣早底定海內同幸戡亂解紛恃公威信幹公如過肇乞達鄙忱并望爲國珍衛至叩呂公望支印

譚莫兩總司令來電

十萬急肇慶岑都司令鈞鑒李總司令蘆苞行營探送林總司令新街行營李總司令陳村探送魏司令周副司令廣州龍督軍河南福軍李總司令汕頭莫總司令高州車司令雷州楊司令瓊州黃總司令廣州隆都護使欽州馮道尹南寧陳督軍鑒自粵難發生遷延時日兵連禍結每念心悸志士仁人呼號婉轉調人政客奔走往還迄無解決之方益見戰爭之烈茲幸陸督軍奉命允來先電前方停戰粵事有解決之期卽全局有昭蘇之望諸公維持大局諒有同情且龍督有俟陸交代之宣言各軍有俟陸調處之函電必能先止戰以俟陸督軍之至浩明等業經嚴飭桂軍駐守原地勿稍衝突應請龍督軍同時嚴飭貴部停止進擊勿再起岫以俟解決而紓粵難各總司令諒亦深表同情也如何仍乞賜覆浩明榮新叩

江印

岑都司令致各軍司令電

火急新街滇軍第二軍行營李總司令林軍行營林總司令佛山莫總司令譚總司令陳村探送魏旅長翟旅長大良周副司令任司令汕頭莫師長石龍徐統領連勝鑒前准陸督軍來電允於日內力疾啓程赴任粵難自此獲紓當經電知各軍一律靜駐原地以待陸督軍之至茲接各軍總司令來電均已嚴飭軍隊駐守原地以俟鮮決惟各軍所部軍隊現駐地點希卽詳晰開示以防衝突而免藉口岑春煊麻印

岑都司令呈大總統並致國務院電

北京黎大總統國務院鈞鑒昨准陸督軍電允力疾赴任當卽電飭各軍一律駐守原地靜候陸督到任并通電宣布去後經具東電陳明茲據譚總司令浩明莫總司令榮新江日通電稱陸督軍奉命允來粵事有解決之期卽全局有昭蘇之望浩明等業經嚴飭桂軍駐守原地勿稍衝突應請龍督同時嚴飭所部停止攻擊勿再起釁以俟解決而紓粵難並接滇軍李總司令烈鈞支電稱陸督顧念危亡力疾赴任粵民得出水火滇軍亦免瀕危軍心大安公私交幸當經飭令各部隊靜駐現地以待陸督軍之至藉白初志而告國人請代電陳

中央各等語粵難自此獲紓堪以上告塵念惟當此陸督未到期間各軍既靜駐候命龍軍亦不宜再行進攻應懇迅由鈞座嚴電飭龍濟光勿再狡謀嚴申約束再各軍現在駐守地點亦經電飭詳電備查以免藉口應候電到再爲轉陳岑春煊叩魚印

岑都司令呈大總統並致國務院電

北京黎大總統國務院鈞鑒國務院沁電支晚始奉粵難發生以來先後嚴飭各軍恪守電示靜候解決兩月於茲陸督受命而赴任無期簡員暫護而迭電未准龍乃從容自固緣隙生心購械增兵懸賞挑釁自蔡春華襲擊寶璧江大各艦馬存發乘勢進兵調艦環攻水陸並舉龍復大張布告通電鄰疆昌言督飭各營獎勵士卒實力剿辦以張撻伐而南北分裂之說三省夾攻之謀文電交馳略無忌憚有廣東公報七月二十六日布告及由電局經過龍濟光寄江西養電可證煊雖迭電請命奉復動至經旬且當此危疑震撼之時生死呼吸之頃仍飭各守防地靜候解決在中央堂陞萬里呼籲既難上聞在各軍鶴守多旬束手誰甘待斃以義憤填胸之師處是非極明之地而乃受侮於惡德昭著之龍氏不見諒於素所倚恃之中央於理何說於情何禁軍心所赴猶是人情我大總統暨段總理久歷戎行洞悉士志設身處地應付安從矧自首義以來將士與同患難一旦委之於敵此心縱可卽安怨

讞所乘豈免共盡下不見諒於將士上不得請於中央衰庸之軀亦已未知死所幸其凶德交會衆叛親離濟軍總司令段爾源率兵來歸統領袁帶陳福祥徐連勝吳良兆林幹材等以次歸附與桂軍將士自行聯合得免衝突分駐佛山龍尙未肯卽休驅市人而使戰段爾源自請往撫以免多所摧殘凡此情形皆經迭電陳明請示辦法者也慨自義師之起與逆黨本不相容死灰尙燃必圖報復然而帝制之戰爲國民爭此人格宜不蒙權利之誣奸人詆謀固無不至顧各將士縱極不肖亦常艱難首義幸獲令名非彼日暮途窮倒行逆施者比何至以身殉利效若所爲前奉明令改調陸督來粵卽派餉械局長曾彥偕焯姪德懋馳往歡迎祇以陸督積勞抱疾遲遲難行疊電敦促惶急日甚今陸督來電允於日內啓程赴任當卽電飭各軍一體遵照靜候陸督到任羣情於以大定共幸粵難可紓亦已具電陳明並經通電宣布至英領事致電未復一節尤乖事實前因李總司令耀漢由龍濟光來電派員邀其入省會商當以龍氏果有誠心平和能早恢復息事寧人固所切望亦遂飭其前往不意行至三山口地方猝被龍軍礮擊該司令當卽折回此事顛末前曾通電在案英總領事據龍飾說誤謂李耀漢帶兵晉省曾來一電詢問當經覆電聲明此後迄無他說原電另電錄呈龍濟光對於此事自知反覆已甚亦有電多方解釋各電具在可以復按茲據稱來

電未覆且招干涉此中情事實難推測軍興以來義師所恃首在紀律從未損及外人毫末干涉果安由而至戢奸除暴事關內政國人有處分之自由非外人所得干預倘不肖者挾外力以自固則責有攸歸杜漸防微端賴執政焯雖愚贛寧不知儆假令此而召侮其謬似不在焯現陸督已允赴任各軍全體歡迎悉駐汎地靜候命令院電所慮已成往事自非龍濟光包藏禍心再圖報復當不至重勞盡慮抑悠謬之見猶有所欲陳者龍濟光凶殘成性粵禍尤深鈞座俯順輿情勉予調職粵人得出水火惟有感激上仁何至自啓危疑轉滋爭擾此則當機之斷或失之當前除惡之心且掩於遺患而龍濟光假借名義搖惑聽聞尤足俯怨中央構煽禍亂卽如該七月二十六日佈告原文內稱本督軍奉大總統策令督軍廣東所有本地方治安本督軍應負完全責任現復因湘省秩序大亂奉國務院蒸電催陸督軍榮廷趕赴長沙履任嚴行管束不准尋湯周軍隊衝突等因是則保衛地方各有應盡之責及本督軍不得已而用兵實爲我粵保全永安之計等語是陸督留湘之命適爲彼用兵之資人民何知豈能徧喻又况捏造文電牽動西南請兵乞援意圖大舉雖不能上惑聰聽實足以大亂軍心卽無懲創之加宜有防維之術前請於陸督部將中任簡一員護理亦冀以昭示政府之意早絕煽亂之資奉大總統電令已交國務院照辦靜候多日旋奉院電則

又與大總統電相違中情益惑失所遵守在院電慮其兵多寬其期限俾以收束用心實爲至仁然彼卽利用收束之期以爲增兵之地爲期愈久召募愈多且窺政府之心遂生挾持之計勝則聲勢愈大障礙胥除因得坐擁兵權覬覦後命敗則終於一去罪豈有加仍得厚歛鉅資逍遙海外甚且用兵之際猶托任命爲名豈尙有交代之心收束之望若慮困獸之鬥故示羈糜則舊將多降新兵不附徒以供其驅迫亦且速其逃亡苟非去所憑依終難爲之安插如或慮非陸督不允交代則譚莫皆陸督親信而任免爲中央特權果使悔禍推誠何至多所藉口且其陰謀百出防不勝防陸督爲粵中軍民所歸卽粵局安危所係昨接陸督密電雖擬力疾東下以定人心仍擬保員暫護以便交換伏念鈞衡所在何敢復有瀆陳惟鯁鯁之愚竊謂爲龍計尤當爲粵局計又當爲陸督計用敢不避謬妄復爲論列狂夫之言聖人擇焉直切陳詞以待罪譴岑春煊叩微印

岑都司令呈大總統並致國務院電

北京大總統國務院鈞鑒粵事久懸多勞塵念自慚德薄能淺惶愧實深前奉院沁電業經於微日將前後辦理苦衷暨准陸督東電允來就職後經通飭各軍停戰駐守現防地點靜候陸督軍接事辦理各詳情披瀝縷陳當蒙鑒察惟春煊當憂患飽歷之餘而粵局承易動

難靜之候果欲仰副盛意紓拯民生永絕禍源確弭戰禍則總總所慮尙有不獲已於言者龍濟光狡悍成性遇事詭譎此次粵難糾紛原始要終莫非其挑釀所致方其始尋釁於赴韶之滇軍妄意或亦能見好於中央竊固權位及見調陸命下計未全售於是移其所以構釁於滇軍者遂且施及桂軍桂軍紀律素明態度尤正龍既啓釁勢難卒忍龍則更有辭以誣蔑陸督阻其速蒞設心之狡布慮之毒言之猶有餘慄當其挑釁伊始大抵廣散流言激動公憤或則布告誓師誣人作匪於是遣其私黨率隊散出每與交綏輒復敗退蓋當衆怨集矢之餘已無士氣軍心之固徵於段爾源等之先後歸附卽爲鐵證而彼乃更諱敗爲讓揚言退守誣人逼迫紛電中央架詞構陷此其狡謀所施蓋已數見不鮮迴溯屢月之粵禍皆出其一手所煽成今者各軍停戰陸督允來倒懸之局宜若可解詎事未數日而前敵警報已竟紛至據稱龍見我軍靜守無所假詞乃仍故態復萌多方挑釁支微魚等夜皆有龍軍散隊多起每一二百人或百數十人不等逼營襲擊幸皆敗退觀音山等處砲台日必響發十餘次佐以小銃聲不絕耳又據段爾源等報告則龍衆不逾三千岌岌待潰遂乃怙惡派兵百餘劫奪廣州中國銀行窖藏銀貨暨紙幣共值百萬私充軍資脅迫愚民驅而備戰近日濫用中央名義煌煌布告妄稱國務院已電贛閩援助全粵可就蕩平欲以此鼓惑軍

心蓄意搆亂至不惜府怨中央挑撥衆憤惟其處心積慮所及尙毫無悔過自斂之誠奸志一日未戢逆謀一日未消則禍患猝發正未有艾粵難之深將伊胡底今欲奠粵局和平之基完確實停戰之效惟有仰懇中央嚴電飭其約束殘部毋得縱容挑釁狡詞自脫或中央慮及遠道疎隔事實難辨卽請特派公正專員臨粵察視俾粵局從此獲以永寧而逆裔無復再張之望則我大總統暨段總理之澤被粵民者實無涯涘而使春煊獲以稍輕責任消弭危疑則尤所盛激刺骨也愚戇之請卽希採擇是幸岑春煊叩陽印

岑都司令呈大總統並致國務院電

北京大總統國務院鈞鑒頃接李總司令烈鈞陽電稱前奉國務院馬電囑令雙方停戰當經遵照停止並具東電呈復旋接等處冬電陸督允卽赴任尤幸兵禍可紓復加飭所部軍隊靜駐現地聽候解決並請代電轉呈在案現奉國務院沁電又由英領轉奉大總統江電反復訓誡悚感尤深惟溯本軍抵韶之時正大總統繼任之日未奉中央明命卽先停止進行自謂擁護中央顧全大局私中耿耿未敢後人况其時繼任問題猶有異說約法國會亦尙虛懸使烈鈞有窮兵之心挾爭權之念乘紛攘之會爲進取之機亦不至見逼於龍進退無地况以客軍孤寄自召兵端卽甘冒不韙之名亦當求自全之術鈞雖愚昧斷不至斯乃

韶城啓釁朱使先逃變出非常無可解免然事起之後遵卽聽候命令維持地方龍復水陸進攻大兵悉集當源潭一役自分已陷絕地幸將士人自爲戰未爲所殲從此報復相尋迄無休息我歸則出我出復歸無非欲令我孤軍疲敝自困然後因利乘便舉而殲旃是以刻刻自危不敢旦夕解甲惟是強敵數倍孤軍勢單自保不遑何敢進取故惟嚴守陣地與之撐持準諸正當防衛之行又處救死不贍之地雖不敢自明曲直計亦當曲荷矜憐凡此艱苦情形迭經電中央或請代電轉達又以交通阻絕信息難通迨聞陸督東下軍心稍定先後派員致電前往歡迎祇冀得白初心早紓戰禍俾此疲敝之卒獲全鋒鏑之餘而憂患餘生亦得自茲退養區區之願已畢於茲現正將軍隊調集以固結束仰副大總統總理保全至意惟我軍退守之後龍軍尙乘勢進迫時時發砲射擊實屬無可爲計此間發電困難誠恐未能上達卽請代電中央轉請訓示無任感盼等語合爲轉陳伏乞鑒核岑春煊叩青印

陸督軍通電

北京國務院參議院衆議院分送各省督軍省長承德歸化張家口甯夏龍華各都統上海唐少川梁任公先生暨各報館均鑒頃接徐州張巡閱使馬電對於榮廷指論各節似於捕風捉影本欲置之不辯誠恐不知此間眞象污巖榮廷者其事尙小因此誤會淆亂天下是

非者關係甚大用將張電逐項辯明通告天下聽候公論文曰徐州張巡閱使鑿馬電冬奉遠承明教愛我良多凡人所居之地位不同持論因之以異謹將來電所言各節爲執事剖白言之廷此次舉義原爲擁護共和毫無權利思想幸天相中國大局底定素願已償加之督師援湘溽暑過征舊疾復發更須息肩養疴冀免纏綿留此身以有待以故約法明令恢復國會宣布召集遂通電天下班師回桂初辭署理督湘之命繼則迭電力辭督粵此豈欲得地者之所爲耶况中央任命督粵出於至誠又非廷所要求苟或赴粵隨時可往又何必排擠子誠且黎大總統繼任原由舉義諸人依據約法所推戴國家統一悉遵命令任賢去不肖中央自有權衡而爲地擇人誰督某省亦自中央聰斷更何有於得地不得地之說尊電所謂廷既失於桂復阻於湘全無事實急於得粵與無得粵之時尤駭聽聞至龍李交鬥原因廷亦略知數月以來不發一言者一因國家已經統一復有賢明之大總統主持於上自有正當之處置一因廷與子誠又屬姻舊略存忠厚不忍置議今執事既以爲言不得不畧爲表白子誠督粵數年有無罪過天下自有公論廷姑不言惟當起義之初海內風從岑西林梁任公等聯袂至肇廷率兩粵義師首推西林爲兩廣護國軍都司令卽子誠亦通電贊成聽候節制迨軍務院成立舉義諸省羣推唐督莫廣爲軍務院長岑公西林兼充軍務

院副長唐公不能蒞院公推西林暫行職權爾時項城尙未退位滇桂粵三省義軍由西林調集襲逆詎李總司令烈鈞率師至韶子誠不惟不稍協助反飭朱鎮守使諸事故與爲難並派隊開炮轟擊西林迭電調停子誠置諸不理於是三省義師全體憤激遂有責問之言子誠不知自悔又密電中央誣捏岑李聯絡滇桂諸省協力圖粵擴張勢力以爲反對中央因此一面請中央調閩贛湘三省派兵來粵夾攻幸中央及諸公明察不爲所動故中央令之去粵有由來矣至謂道路傳言謂廷子實領重兵暗爲李助殊爲荒謬絕倫現廷子代理桂軍第一師長隨廷援湘未離左右天下皆知湘粵相去千里豈真能飛行往來兩地耶此不待識者一噓總之榮廷鋒鏑餘生粗知大義不貪權利不畏強權一切舉動悉準法律正軌悠悠之口本不足輕重辱承遠問布此區區等語特以奉聞陸榮廷冬印

陸督軍通電

都司令部岑都司令並轉滇軍李總司令上海伍秩庸唐少川梁任公溫欽甫王亮疇諸先生海軍李總司令肇慶李鎮守使雲南唐督軍成都蔡督軍羅護督戴省長杭州呂督軍長沙劉督軍南寧陳督軍南京馮督軍均鑒廷魚日致北京大總統國務院電文如下文曰北京大總統段總理鈞鑒華密榮廷一介武夫未嘗學問改革以來惟知以愛國家爲前提所

以中間反對二次革命力劈復辟邪說無非欲維持中央鞏固共和免召瓜分危亡之禍詎民國四年籌安會發生袁氏食言背誓帝制自爲廷以數年私情厚遇迭經密電力諫未蒙採納反遭疑忌一般元勳偉人明拘暗禁誅逐一空朝野洶洶大局阽危朝不保夕項城醉心帝制一意孤行國民反對立加誅譴友邦忠告置若罔聞改元稱帝遂其野心迨滇黔首義不顧糜爛地方迭派重兵南來榮廷何辜袁氏亦派逆軍數萬分駐衡永進逼桂林龍覲光入滇之軍密令盤踞邕色一帶復乘榮廷赴黔宣撫密諭龍濟光調兵躡後是其假途滅虢之計路人皆知桂省危險幾同纍卵父老軍民爲自衛計力求宣布獨立維持秩序榮廷以爲國家興亡匹夫有責用順輿情誓師討逆龍覲光則見機向義龍濟光則負隅反抗廷遂親率勁旅馳赴肇慶廣東省外軍民全體響應龍濟光心怪叵測始僞宣布獨立適岑春煊梁啓超溫宗堯李根源周善培湯叡等聯袂至肇兩粵義師公推岑春煊爲都司令卽龍濟光亦通電極力贊成願聽節制調遣彼時項城雖去帝號仍據總統欲俟遣散義師再爲設法報復起義諸省早燭其奸遵據約法及大總統選舉法聯合宣言袁氏叛國失其總統資格應行恭戴我大總統繼任袁氏仍置不顧迫得組織臨時軍務院以爲對內對外統一機關公推唐督繼堯爲院長唐督未能蒞院由岑春煊兼任副長攝行職權滇桂粵三省義

軍聽岑直接編制調遣討逆取道江西北討項城冀達迭次宣言之目的廷亦率師赴湘會師中原乃龍濟光陽奉陰違藉名出師討逆斂餉增兵牽制三省義軍之後三省全體義軍致有責問之詞近復密電中央誣捏岑李諸人聯絡滇桂各省協力圖粵擴張勢力以爲反抗中央地步故李烈鈞率師至韶州龍督諸事故與爲難一面飭朱鎮守使福全開砲轟擊一面密請中央飭閩贛兩省及海軍三面分路來粵夾擊幸我大總統總理明察其僞不爲所動粵省軍民迭電宣布曲直天下皆知顧榮廷數旬以來對於粵事不置一言者意謂龍氏是非公論在人國家既經統一上有賢明之大總統及國務總理主持自有正當之處置何勞武人再置一詞伏念榮廷鋒鏑餘生以死報國誓師之初專爲擁護共和本無權利思想故大局底定素願已償加之督軍援湘舊疾復發更須息肩養疴留此身以有待迨約法明令恢復國會宣布召集遂通告天下班師回桂嗣奉督湘督粵之命迭電力辭卽本此意不料我大總統依法繼任我總理依法改組之後國家有主尙有不諒榮廷之苦心者遽然通電謂廷欲擴張勢力又謂相機圖擾亟欲得地種種捕風捉影之談不外小人妄度君子耳不思榮廷果爲權利中央經任命督湘詎肯驟然收隊迭促赴粵何不接浙而行此心淡薄天下共鑒邇者迭奉電諭謂粵事危急外人將起干涉榮廷亦國民一份子既以身許國

奚惜微軀坐視不顧但以入湘軍隊尙未回齊榮廷宿疾仍未痊愈且自桂赴粵稍需時日誠恐緩不濟急事機貽誤故東日電呈擬請任命譚浩明先行暫護實欲解目前之急而遏外侮之來以期粵疆早日奠安粵民早日出水火用紓中央南顧之憂此榮廷勉力赴粵之苦心也第時勢至此廷惟有部署就緒力疾東下以慰廛念所有應行請示各件屆時再當電呈區區下忱伏祈垂鑒訓示祇遵陸榮廷呈魚印等語特以奉聞陸榮廷陽印

岑都司令呈大總統並致國務院電

北京大總統國務院鈞鑒前據滇桂各軍總司令電稱遵令停止靜駐原地各情經具魚電轉陳並電令將所部軍隊現駐地點詳晰開呈以憑轉報去後茲接滇軍李總司令烈鈞電稱前方各部隊現駐在流潮岡頭圍大田圍南岡三元岡龍湖之塘角岡石馬黃草浦及鳳凰山之雷公箭一帶現在調集軍隊以圖收束合將現駐地點先行電覆請陳中央又據桂軍莫總司令榮新譚總司令浩明電稱遵查第二第五兩軍現駐石圍塘汎地頭五眼橋秀水鄉村羅村黃竹歧北村西步赤悒璧華花地官窰金針幫等處除仍嚴飭各營謹守現地外謹陳據旅長魏邦屏江防副司令周天祿電稱所率艦隊現在三山口臬海徭岡一帶駐守以防衝突據肇軍旅長翟汪電稱所部各營前奉魚電均已停進現駐大石及石壁等處

敬候陸督到任解決各等語合併彙陳伏祈鑒核再各軍連日電稱龍軍仍不時開砲射擊並乘夜進襲情事已經另電轉陳並祈嚴飭龍軍一體停戰靜候陸督到任勿再狡焉思逞以紓兵禍岑春煊叩蒸印

岑都司令呈大總統並致國務院電

急北京大總統國務院鈞鑒頃接莫總司令榮新譚總司令浩明電稱頃據韋農兩司令鄧旅長報稱自江夜起我軍停戰濟軍每晚黃昏後即派隊分途來犯并施放大砲機關槍轟擊徹夜我軍嚴加抵禦已被傷亡十餘人目下我專防守彼則攻擊無時相持既久殊受其困應請早爲設法以備不虞等情查前奉陸督軍東電都司令冬電當經遵照嚴束所部扼駐原地停止進攻業於江日電請龍督軍同時一律停戰至今尙未接復據報前情士卒既憤衝突堪虞除仍飭令遵電嚴守外應如何對付乞示遵榮新浩明叩齊印等語除電復轉飭各軍駐守停戰聽候轉呈鈞座示遵外謹呈鑒察岑春煊叩蒸印

岑都司令呈大總統並致國務院電

急北京大總統國務院鈞鑒頃接莫總司令榮新據申旅長葆藩報稱我軍仍守原陣地無戰事適連日焚劫附近綏靖炮臺各鄉昨早劫坑口村福昌當舖踞作砲壘昨夜盡焚石圍

塘右旁竹杉欄不知是何居心人民何辜慘遭荼毒龍之罪眞上通於天矣如何俟再詳查報聞等語謹轉呈鑒榮新叩庚印特電轉呈伏祈鑒察岑春煊叩蒸印

岑都司令呈大總統並致國務院電

北京大總統國務院鈞鑒滇桂各軍自本月冬日陸督來電允卽力疾赴任卽於是日以後一律停止靜駐原地聽候解決並經電飭各軍將所部軍隊現駐地點詳晰開呈先後迭電轉呈在案又查桂軍停止後曾於江日通電龍濟光請其轉飭濟軍勿再攻擊不惟置之不復並時時發礮射擊意圖乘勢進攻微魚兩夜冒雨來襲幸桂軍先事預防未能得志始行退却據莫總司令榮新譚總司令浩明暨派往前方諜查周揚亞楊瑞昌等來電報告仍飭嚴密防維謹守勿犯並具齊電轉陳請予飭龍停止攻擊以紓兵禍現在尙未奉覆刻由廣東督署內抄出龍濟光虞電一紙內稱大總統國務院陸軍參謀部鈞鑒華密魚夜敵軍水陸分七路猛攻礮聲極烈水軍圖占車威礮臺右邊山巉陸從西路之芳村花園黃竹歧石圍塘以撲省垣北路之高塘官橋墟以取兵工廠衆至數萬我軍竭力抵禦敵人尤志在奪我礮臺其鋒甚銳時大雨如注冒雨迎擊仰托威福幸得戰勝奪開花礮一尊機關槍二枝步槍數百枝斃敵千計惟敵人前仆後繼猛進不休孤軍撐持備多力分實無把握揆李烈

鈞等用心中央既有限三日悔過退兵答覆嚴令彼輩功在垂成何肯輕去必拚死以爭此最後勝利空言禦侮當用武力萬懇迅飭閩贛兩軍尅日出發以救眉急濟光叩魚等語種種捏詞朦聽深堪詫異龍軍魚夜進撲幸經桂軍嚴防計不得逞桂軍確遵命令敵退不敢追擊乃反誣以進攻且是夜來襲之兵尙有六七十名不願受其迫脅乘機歸附桂軍反誑報奪械若干斃敵千計尤爲誕妄至李總司烈鈞自停兵後卽將所部軍隊設法調集以圖收束雖龍軍屢次礮擊均遵率明令力避衝突亦經迭電陳明魚夜之事又係桂軍被其襲擊李軍方面龍於是夜既未進攻亦無戰事乃電內仍歸罪李軍無非欲達到請兵中央最初之目的其陰謀實未稍變煊自各軍停止卽防龍之狡謀分派諜查前往視察所有電陳狀況自信無一字虛誣且陸督現已啓程粵事立可解決復奉中央嚴令飭令靜駐候命各軍當此時機斷無違令盲進之理龍濟光自兩月以來無日不尋隙挑釁至於飾詞朦聽尤其慣技先後抄出文電不止一端現在陸督將到猶復著著進行一面朦電中央請兵一面大張布告聲稱已奉國務院電開已令贛閩星急出師分道進攻等語似此詭謀其用心何在無待深言陸督指日卽來春煊亦可卸責惟是真象所在誠不忍聽其喪心蒙面欺蒙鈞聽府怨中央用敢一再瀝陳以備鑒核至龍軍進逼日甚究應如何處理仍乞速電示遵岑

春煊叩眞印

岑都司令呈大總統並致國務院電

急北京大總統國務院鈞鑒頃據段爾源送來馬存發油印告示一紙內稱爲出示曉諭事案奉督軍兼省長龍飭開八月六日案准國務院支電悉粵省紛擾中央苦心維持冀以全粵非棄粵也李等悍恃無忌違令進攻迭次勸誡置諸罔聞馴至糜爛地方牽動外交不顧大局罪有攸歸除以武力剷除外別無良法日前已電令閩贛星夜出師分道進攻以救全粵而除巨患院印張督軍支電開廣州卅一兩電敬悉現閩贛兩省師已出發頃誦各電知粵困益急現已速勁旅出發并得李秀山已經出師并電商馮倪兩帥迅調援兵出發知關廬系持先奉聞勳叩各等因合行通飭爲此飭仰該司令即便遵照并轉飭所屬一體遵照切切此飭等因奉此除分飭外合行出示曉諭仰軍民人等一體遵照切切此示等語查粵事糾紛曲直所在當早在鈞座洞鑒之中而中央維持苦心春煊亦夙所感激通令各軍靜候陸督接事解決惟該告示所列各節意在鼓惑軍心再圖煽亂不得不爲錄呈伏祈鑒察岑春煊叩眞印

林總司令來電

萬急肇慶都司令陸督軍鈞鑒職軍自奉命停戰即據守原有地點靜候陸督軍東下解決乃日來龍軍時出攻我并焚擄淫殺所過邱墟殊違背中央及都司令陸督軍顧全大局之苦衷應請電詰龍氏勿逞淫威地方幸甚林虎叩真亥印

岑都司令呈大總統並致國務院電

北京大總統國務院鈞鑒頃接旅長魏邦平江防副司令周天祿庚電稱冬電敬悉遵即駐守原地實行停戰以待陸督之至龍氏欲乘我軍停止暗行進攻現探獲龍氏飭蔡春華添租快捷小輪二十餘艘改裝鋼板安置機關槍十餘架並置敢死隊一百餘人合同兵艦圍襲我艦務將我之寶璧江大等艦轟沉同膺上賞此項租賃輪船並訂賠償條件又查獲龍軍司令金鎔致龍督無綫電云龍督軍鈞鑒山密現本部艦隊業已編成俟各艦隊定期後即行夾攻查保民艦長梅南勝精於海軍請電委兼各艦隊總指揮以專責成而收功效司令金鎔謹叩庚印等語合併錄呈如果龍軍兵艦前來攻擊究應如何對待請迅示等情前來除電飭仍遵冬電駐守停戰外謹電轉呈伏乞鑒核岑春煊叩尤印

岑都司令呈大總統並致國務院電

急北京大總統國務院鈞鑒頃據本部諜查員周揚亞楊瑞昌等真電稱昨晚龍軍槍礮仍

不時向我五眼橋花地前方一帶射擊查龍軍在果子園黃沙敵兵千餘每夜輪流防守每次換班卽向我軍亂擊並聞北路昨晚槍礮聲較猛烈查係龍軍以主力移攻北路滇軍等語謹錄轉呈伏乞鑒核岑春煊叩文印

岑都司令呈大總統並致國務院電

北京大總統國務院鈞鑒大總統庚電國務院青電寒日同奉魚電所陳仰蒙鑒察並蒙嚴飭龍軍加以約束尤深欽感惟自本月冬日以後滇桂各軍一律遵令停戰靜候解決確無進兵之舉雖龍軍多方誘擊各軍堅不爲動卽於微魚兩夜龍軍冒雨進襲幸經先事設防不勝而退桂軍謹駐原地並未加之追擊凡此實在情形迭電轉陳諒邀鈞鑒昨又抄出龍濟光虞電一件反誣各軍進攻種種捏報出人意表當經照錄原電證以事實陳候鑒核鈞座痛心粵難愛護義軍訓誡頻頒慰勉交至各軍將士感戴莫名加以陸督已來龍去在卽若尙違令盲進多所殺傷各軍雖愚必不出此而龍自挫敗之後日圖報復又恐軍心不固未敢進攻乃專用我出則歸我歸則出之計牽掣各軍一面朦電中央張皇聳聽必達到請兵目的而後已且自各軍退守其勢益舒又明知嚴令屢頒各軍不敢擅進乘機挑弄固所優爲卽如鈞電內開龍濟光魚電所稱李等爭此呼吸三數日內必有最劇烈之猛戰只得

激勵將士堅守以待等語純屬虛構危詞以爲魚夜進兵之地用心可謂至狡且查魚夜之事乃彼襲擊桂軍至於李軍方面是夜並無戰事不惟滇軍未嘗攻彼卽彼亦未嘗攻滇軍事實昭然無可掩飾煊自停戰以後卽恐各軍情報或有不實添派多員視察確無一字虛誣若龍之反覆狡詐欺蔽中央亦斷非各軍將士所敢出再魏旅長邦平周副司今天祿所率兵艦因龍調艦進逼經飭設法退回以免衝突頃據電稱所率大小各艦均已退至容奇至李莫譚各軍駐地均經轉陳在案現龍日夜挑釁本擬酌令撤退以免糾紛惟龍方肆其狡謀進逼不已又慮撤退之際彼反乘勢進攻不惟橫被摧殘且恐激成戰事不得不審慎以圖陸督眞日啟程不日卽可入粵應如何分飭退紮擬俟陸督到後卽與妥商辦理除遵示轉電李總司令烈鈞及各軍遵照外謹此電陳伏祈鑒核示遵岑春煊呈刪印

岑都司令致贛督軍電

南昌李督軍鑒卅一電敬悉韶源釁啟全粵洶洶春煊逼處其間出而調處自慚德薄不足感人調和無功防維乏術事變遽起終釀大紛愧誠信之未孚痛危疑之交構私衷耿耿不敢告人我公辱愛之深指誨之切凡所開示切當下懷而廓然至公之心睠懷大局之念循誦再四欽感尤深惟是粵局糾紛造端非一屢欲據陳始末以告盡懷祇以紛攘之中難爲

論列之地欲言復默以迄於今頃幸陸督軍鑒此孤懷已允力疾赴任自接冬日來電軍心於以大安卽自是日以後各軍一律遵令停止攻擊靜候陸督軍到任解決昨又接陸督軍電真日業已啟行計程不日可到關於安插軍隊各節定能籌策安全粵難自此獲紓差足告抒塵注所有近日情事已於另電錄呈尙祈時賜箴言俾資準的不獨春煊私幸卽粵局實利賴之臨穎神馳伏希賜察岑春煊刪印

岑都司令致閩督軍電

萬急福州李督軍鑒江電寒奉敬悉東電所陳荷蒙俞允公誠所逮欽感同深粵局糾紛重勞盡慮尤仰我公睠懷大局加惠鄰疆之雅意循誦之餘益深緬佩追維釁端始起亦嘗力任調停自愧誠信未孚危疑交搆事變參會終召大紛耿耿於懷未能奉白頃幸陸督軍力疾東下軍心大安計自東日以後業已一律停戰靜駐原地聽候解決頃接陸督軍電寒日已抵梧州粵難自此獲紓差可告紓塵注仍冀時賜教益以示周行是尤私衷所熱禱者也臨穎神馳惟希亮察岑春煊刪印

唐督軍通電

貴陽劉督軍廣西行營陸督軍南寧陳督軍重慶戴巡閱使承德羅督軍杭州呂督軍上海

分送唐少川梁任公溫欽甫王亮疇李丞梅諸先生肇慶岑都司令韶州行營李總司令鑒西林齊日抄示呈中央電文粵事內容昭然如揭滇軍到韶本以會師而來而龍以種種陰謀手段節節進逼濟軍本無訓練紀律不值一創龍乃對於中央各省佯示退讓捏造調辭雙方挑釁繼堯痛念時危不忍多事迭飭滇軍將領停止進行靜候和平解決均經電達在案西林宗旨本與此間同意不過因籍隸兩粵凡見粵民水深火熱不忍父老子弟之罹凶災亟思拯救而龍遂多方媒孽致令國家元老心迹無以自明不勝憤恨現幹公既允力疾就職則糾紛之息計當不遠務望兼程到粵澈澄辦理切電聲明庶黑白之辯可明而賢姦之罪亦著也除電呈外特此佈達唐繼堯叩刪印

陸督軍通電

萬火急肇慶岑都司令李鎮守使總司令段副總司令佛山譚總司令莫總司令江門魏旅長送新街李總司令林總司令汕頭莫鎮守使欽州馮道尹廉州隆鎮守使高州軍總司令鄒道尹雷州楊司令瓊州黃鎮守使朱道尹惠州李督辦福軍李統領袁統領胡統巡水陸警察廳長三水陸正司令均鑒粵事危急榮廷迭奉中央電飭力疾兼程赴任現於鹽日行抵梧州部署稍定即赴東接事除分電中央及龍督外特奉聞陸榮廷叩刪印

李總司令來電

肇慶岑都司令鑒國務院青電計達查本軍自遵中央命令停戰以來各軍駐守原地從未輕發一彈前進一步近數日爲收束便利計並將駐在豐順洼潮及鳳皇山兩翼隊伍撤回後方可以查證院電謂本軍仍有進逼省城情形其說果何由而至龍軍不時攻擊滇軍則無人代訴而偏捏報滇軍進逼省城真寃人也愧鈞不仁短於交際真相莫白夫復奚尤現惟有將隊伍交參謀長成桃料理以待陸督軍朱省長之命鈞即日離粵就醫滿天浮雲當可散去也卽懇代陳中央是幸烈鈞叩刪未印

李總司令來電

萬急肇慶都司令部轉北京大總統國務院雲南唐督軍各省督軍省長各報館公鑒民國重新共和再造顧瞻諸夏羣公舳舻盪穢滌瑕起衰振廢引領高盼曷勝馨祝鈞本病夫遭茲時會提兵萬里聊助光明大局底定私願良已現將軍隊分交參謀長成桃中央軍司令張開儒管教以待陸督軍朱省長之命暫解煩憂離韶就醫奔走數年神魂俱瘁息游泉石復我故常謝申別辭逖聽華績李烈鈞篠印

李都參謀轉李總司令致程理堂電

北京總統府程理堂先生鑒頃接李協和兄囑轉尊處一電文如下程理堂先生代呈大總統鈞鑒歌電奉悉感悚莫名我大總統側席旁求薄海望治明揚所逮葑菲無遺攬分循涯其何以報烈鈞自維愚鈍動遭艱危仰荷恩知曲加愛護下逮將士銜戢靡涯惟疲憊之軀危疑交集擬於收束軍隊之後避地就醫稍資調養餘生未泯仍効馳驅瞻望雲天無任懣懣烈鈞叩文印云云特達李根源刪印

李都參謀轉李總司令致內務總長電

萬急北京內務部孫總長鑒頃接李協和兄電開轉孫伯蘭先生鑒頃由岑都司令轉奉微電備承開示感佩無極烈鈞所部軍隊自得陸督軍東來之電即經嚴令停戰靜駐候命而敵軍乘機進迫迄無已時復由岑公指定退紮地點分別撤退以避糾紛烈鈞憂患餘生重遭橫逆久處戰地病益難支亟思避地就醫稍資休息所部軍隊即責成該師長籌畫妥爲管束以待陸督軍之命重承塵念敬以奉聞我公在遠不遺尙冀時賜教言以開塵抱烈鈞叩等因謹達李根源號印

岑都司令呈大總統並致國務院電

北京大總統國務院鈞鑒奉真日大總統令仰見洞察粵隱息事寧人祇領之餘莫名悚感

此間滇桂各軍自本月江日以後即經嚴飭停戰駐守靜候陸督軍到任解決迭經電陳鈞座在案今幸陸督於元日抵梧州日內即允首途臨粵業經商同陸督於銑日電令桂軍譚莫兩總司令即飭所部撤退駐守三眼橋一帶滇軍李總司令烈鈞暨粵軍林總司令虎所部經於同日電令撤退駐守新街一帶以待後命謹電奉聞伏希鑒察岑春煊叩篠印

岑都司令致黃柏兩君電

萬急上海中華新報轉黃克強柏烈武先生鑒篠接兩公致協和虞電當已代轉協和所部軍隊自接陸督軍赴任之電即於本月冬日以後遵令實行停戰雖龍軍百方誘擊均堅守不動求免衝突惟龍進逼無已誠恐再啓糾紛復經商令撤退三十里暫駐新街附近以待後命陸督軍本日已抵肇慶粵難當可獲紓特先奉聞以告塵念岑春煊叩巧印

岑都司令陸督軍會呈大總統並致國務院電

北京大總統國務院鈞鑒焯廷於銑日分電莫譚林李各軍退紮以免龍軍時來襲擊經具電陳諒達鈞覽頃據莫總司令榮新譚總司令浩明篠電稱銑電奉悉榮新等遵飭將現紮石圍塘附近及五眼橋新地頭秀水各鄉村軍隊退紮黃竹岐北村三眼橋鹽步五叉口平洲三山各處地方應請龍督軍轉飭濟軍不可進紮以免兩軍接近易啓衝突爲幸仍盼電

覆等語又據李總司令烈鈞林總司令虎巧電稱銑電敬悉遵卽撤退移紮新街附近之金溪鶴崗蓼崗苜山茅山莊白水塘莊背闕崗龍湖各處謹覆等語謹電轉呈伏乞鑒核再李總司令烈鈞業已通電離營就醫併以上聞岑春煊陸榮廷叩巧印

翟旅長來電

萬急肇慶分送陸督軍岑都司令李師長鈞鑒雷巽已到昨迭奉停戰命令旅長已率所部於寒日回紮陳村惟今早濟軍又由石壁進攻陳村礮聲隆隆商民惶恐應否質問龍督軍及如何對待乞急電示遵旅長翟汪叩巧印

岑都司令呈大總統並致國務院電

北京大總統國務院鈞鑒滇桂各軍遵令退紮各情已具電陳頃據莫總司令榮新等迭電稱據韋司令榮昌申旅長保蕃報告稱我軍自江日奉令停戰靜駐原地龍軍卽時來攻擊現復遵令退紮三眼橋一帶以避攻擊詎我軍甫經撤退龍軍復乘勢派船七艘向我退駐三眼橋附近之三山軍隊開炮攻擊旋又駛來明車拖船數艘載步兵數百登岸向我射擊士兵被傷十餘名又據肇軍旅長稱迭奉命令已率所部於寒日回紮陳村惟今早濟軍又由石壁進攻陳村礮聲隆隆商民惶恐各等語查前此各軍遵令靜紮原地龍軍卽乘勢襲

擊相處較近尙可嫁詞於人現在各軍遵飭一律撤退龍仍節節進攻是非曲直更屬顯然現陸督軍已抵肇慶除將此事商請陸督軍主持外應否懇由鈞座嚴電飭龍速照眞日命令趕爲交代俾陸督軍早日接收以遏狡謀而杜禍亂伏乞裁奪施行岑春煊叩號印

岑都司令呈大總統並致國務院電

北京大總統國務院鈞鑒大總統篠電號奉謹悉蒙飭轉知各軍速與陸督接洽一節遵查李總司令烈鈞前接陸督軍東來之電卽經電覆聲稱已飭新部軍隊靜聽陸督命令莫譚兩軍亦經由煊飭令聽命陸督遵率辦理現在陸督抵肇所有一切事宜復經電飭各軍秉承陸督命令除遵電轉知外合電陳明岑春煊叩馬印

岑都司令呈大總統並致國務院電

北京大總統國務院鈞鑒頃據滇軍參謀長成桃芻電稱本軍遵電退駐新街附近一帶地方業將高塘江村一帶退出殊龍軍不守停戰之令卽乘勢進佔高塘江村一帶復向本軍施行猛烈之射擊現旣奉有中央嚴令自應確實遵守無論如何進迫惟有設法退避以免衝突惟陸督軍現已蒞粵龍亦應服從命令卽日交代何得違令進迫日尋干戈應懇一面代爲轉陳中央一面催速陸督軍卽日接任以全危局桃因本軍總司令離營就醫所有前

方軍隊謹當嚴行管教以待命令等語查李總司令烈鈞現在因病就醫而龍又進逼不已除就近商請陸督軍統爲主持並飭知該軍成參謀長靜聽陸督軍命令辦理外合爲轉陳伏祈鑒核示遵岑春煊叩馬印

岑都司令呈大總統並致國務院電

火急北京大總統國務院鈞鑒頃接滇軍旅長朱培德箇電稱我軍奉令退軍龍軍追擊不已現距我祇數百密今早復向茅山庄白水塘庄中間高地攻擊發砲百六十餘發我兵士被破彈升致死三人傷六人似此逞狡究應如何應對再龍軍經過高塘圩江村大同圩等處焚淫劫擄慘不可言村民扶老攜幼紛來哭訴求救務懇速電中央嚴令濟軍勿得再事橫暴旅長愚見非令龍遵大總統明令速行交卸粵事恐無太平之望也等語特電轉呈伏乞鑒察岑春煊叩養印

成參謀長來電

萬急肇慶分送岑都司令陸督軍鑒枕以不才忝承李軍長委任管教軍隊靜聽都司令督軍之命誼不敢辭當將遵命退紮並龍軍追襲情形於卅電陳明兩三日來龍軍仍節節進逼不已昨日午間更增加軍隊進佔白水塘河浦葉邊一帶村由森林向滇軍攻擊火力甚

熾雖晚間稍息今早復繼續攻擊現猶聞槍砲聲隆隆除飭各軍嚴守防地外理合電陳成桃叩敬印

花地沙螺堡局紳來電

肇慶岑都司令陸督軍北京大總統國務院參眾議院廣州朱省長九大善堂上海廣肇公所香港東華醫院華商總會報界公會鑒昨桂軍由花地退回後濟軍大隊陸續進紮一見村中老少亂槍轟擊蠶擁入屋銀物柴米盡被搜掠婦女悉被強奸並稱粵人嫉視濟軍定要殺盡乃止鄉民死裏逃生流離失所紳等避亂在外聞報痛哭控訴無門伏思兩方劇戰鄉民救死不暇乃竟仇視亂殺淫掠安有天日伏乞政府派員秉公查辦分別撫卹以平冤憤不勝哀痛迫切之至花地四十八鄉沙螺堡局紳郭福康霍廷醒羅寶書李國安等叩

廣東紳商學界來電

北京大總統國務院參眾議院肇慶岑都司令陸督軍廣州朱省長鑒前月馬日段爾源率眾歡迎桂軍進駐佛山譚莫兩總司令紀律嚴明地方安堵鷄犬無驚昨陸督蒞粵卽飭各軍一律停戰退守三眼橋佛山等處詎龍軍忽有太隊進紮芳村花地五眼橋高塘一帶所到焚殺淫掠乘機搶劫各處當店慘無人道尤復日夕攻擊砲聲隆隆以致水陸不通柴米缺

乏商人奔告深恐濟軍進攻各地至遭蹂躪爲此冒死哀告伏乞電飭龍軍刻日停戰收束軍隊退回省河任准省佛船渡及廣三鐵路照常交通以免戰禍而維民食迫切待命廣東紳商學界梁暢南陸維詢陸鴻圖潘正忠陸頌堯甘銘源陳禮卿等叩

秀水團保局紳來電

肇慶岑都司令陸督軍北京大總統國務院參眾議院鈞鑒敝鄉久居戰線烽火頻驚不圖災禍重重廿四日濟軍乘桂軍退回三眼橋遽率隊前來亂將鄉民轟擊大罵鄉民煮粥烹茶接待桂軍明係庇匪竟將閭鄉財物搶掠淨盡少年婦女不甘污辱亦被轟斃慘無人道現閭鄉男女悲憤填胸願與俱死乞速查明嚴辦以雪奇冤沾恩之至秀水三十三鄉團保局紳梁國材鄧沛霖等叩

岑都司令通電

萬急北京大總統參眾兩院國務院鈞鑒南京馮督軍江西李督軍雲南唐督軍任省長貴陽劉督軍行營陸督軍廣西陳督軍四川羅護督軍蔡督軍戴省長劉總司令浙江呂督軍湖南譚兼督軍上海唐少川梁任公溫欽甫王亮疇李丞梅諸先生鑒頃奉秀公巧銑兩電莫公箇電周鎔兩公巧電睽懷粵局力予維持正誼所昭公理不泯匪獨私衷感紉大局受

賜實多自龍軍搆釁以來春煊逼處其間調息既愧無功防維亦苦乏術不得已力陳險狀請杜危機陸督未到之先暫予簡員護理一再呼籲仍無術得蒙采納龍乃從容自固緣隙生心一面大舉興兵一面飾詞聳聽倡南北分裂之說進閩贛夾攻之謀冀以撲滅義軍推翻全局文電具在詭計昭然中央不察以持重而幾中奸謀帝孽乘機藉干涉而陰圖報復詭詞橫肆聲勢大張是非喧淆賢奸倒置前途顧念竊所痛心嗣幸陸督軍力疾東來軍心於以漸定故自本月冬日以後各軍卽已一律停戰駐守原地靜候解決乃龍益乘勢進逼必欲激起大紛以求遂迎拒之狡謀達請兵之目的因復商同陸督軍將滇桂各軍飭令撤退以避糾紛惟是我退彼進迄無已時現已商請陸督軍爲之主持並查照莫公迭電意旨電知滇軍並通飭各軍將士悉聽陸督軍命令辦理協和躬違艱危久居戰地尤苦病勢不支茲已通電離粵就醫將所部軍隊交成參謀枕師長開儒方師長聲濤等管理以俟後命煊俟陸督軍受任粵事獲安卽當引身而退以謝塵鞅惟查大總統眞日命令一面飭龍交代一面飭李休兵辭義極爲嚴正無復有奸人藏身之隙抑亦非片面利用之資頃滇桂各軍悉經撤退協和就醫去粵似足以告天下陸督軍現已抵粵而龍尙日夜出兵肆行攻擊究其交代當在何時明令所頒責必有在中央威令所寄固將以此爲衡甚願其行施於義

軍者毋遽阻於凶慝非特軍心戢服民困可紓而政府大公之心亦可與國人以共見追維粵難既起備勞諸公塵念究其糾紛至此皆春煊涼德上無以取信政府下無以感格凶頑然其間曲直是非尙可徵諸三千萬粵民之口諸公維持大局用敢覲縷以陳所以圖利國家施及粵局翳惟諸公是賴固非春煊一人所敢引爲私幸者也敬布區區唯希裁察岑春煊叩敬印

唐督軍來電

肇慶岑都司令鑒敬電備悉我公對於粵事維持既具苦心持論尤極公允敬聆之下何勝欽佩今協和已遵令停戰幹卿亦已蒞粵而龍濟光尙日夜進兵肆行攻擊誠不知是何居心想政府接公電後必有辦法堯亦應本尊旨電請中央力予主持俾陸龍得以早日交代解此糾紛卽爲三千萬粵民之幸也繼堯者印

岑都司令致贛督軍電

急南昌李督軍鑒前奉卅一電及微電當具寒刪兩電奉復計達清覽頃復接讀巧電蓋慮周至開示詳明而維持大局之公與加惠鄰疆之盛意不獨私衷竊感粵人食賜尤多溯自本月冬日接到陸督軍東來之電各軍卽於是日以後一律停戰靜駐原地聽候解決而龍

軍乘勢攻擊必欲再起戰端因復電商陸督暨李協和總司令將西路駐紮石圍塘五眼橋新地頭秀水郭村等處軍隊飭令退紮三眼橋一帶北路駐紮江村高塘等處軍隊退紮新街一帶以避衝突曾經通電奉達乃各軍撤退之後龍軍復節進佔追蹤襲擊迄無已時而五眼橋等處地方桂軍退出之後慘被龍軍焚劫居民紛紛遷入桂軍防地以求保衛流離瑣尾尤不忍聞幸陸督軍已抵肇慶經請一力主持並飭各軍悉聽陸督命令辦理昨復接朱省長電敬日赴粵受任粵事有屬煊亦可釋仔肩李協和總司令橫被危疑久居戰地近以病勢不支已於篠日通電離粵就醫並將所部軍責成各師長管理以聽陸督軍之命自今而後粵民之倒懸是否立解中央之威令是否能行惟視龍交代遲速有無要挾爲斷以我公之公忠謀國力持大體用敢布其區區卽希亮察岑春煊有印

岑都司令致陳瀾生長電

急北京財政部陳瀾生先生並轉旅京廣東公會國會議員諸公同鑒養電敬悉粵難久延備勞盡慮證清無術疚負滋深惟自本月冬日接陸督軍力疾東下之電各軍卽於是日以後一律停戰靜駐原地聽候解決乃龍軍乘勢攻擊日尋釁端時值陸督抵梧復經電商陸督暨李總司令烈鈞將滇桂各軍由原駐地點退出二三十里駐紮三眼橋新街一帶龍仍

追蹤進逼此退彼進迄無已時幸陸督已抵肇慶當經商請陸督爲之主持李總司令烈鈞久居戰地病勢不支經通電離粵就醫所部軍隊責成各師長管理聽候陸督命令辦理煊俟陸督受任粵事有屬即可引身而退藉卸仔肩因關廬念并以奉聞岑春煊有印

楊廳長致梁任公電

上海梁任公先生鑒敬電悉遵卽轉呈西林武鳴在遠不遺極感盛意武鳴抵肇後奉國務院簡電暫勿進省由朱先入取印轉交待龍部悉退始前往朱廿三抵省廿五通電就省長職督印能否取來尙無下文龍養電則責陸先行籌還墊餉三百萬隱以安爲接任交換條件連日省城復大招新兵旗人爲其復辟說所惑應者猶多白雲觀音兩山之架築砲壘亦如故審其所爲帖然受代恐終不可期滇桂兩軍自篠日陸續退新街三眼橋龍軍卽承勢進逼原駐地悉爲佔領淫劫燒殺村落爲墟以高塘江村花地石圍塘各鄉爲尤甚人民痛哭攀留不讓滇桂軍行爲恪遵中央飭退命令起見遂暫置之隨軍遷避者絡繹於道流離失所慘不忍聞現駐地點距省已三十里以上桂軍方面後阻大河然國院來電謂寬留龍兵出路仍飭再退是棄民也龍氏敢於貪戀不捨皆由中央過於優容倘不假詞色嚴令立限交代或可稍戢而龍兵退留之人數及捲去之軍械尤宜嚴加限制否則粵中積存必將

一空養此大癰爲患無已我公關懷桑梓務祈主持電請中央於龍去之際責成朱省長薩巡閱使嚴加檢閱至爲厚幸楊永泰豔印

陸督軍呈大總統並致國務院各部電

萬火急北京大總統鈞鑒國務院段總理各部總長均鑒院卅一賡密電奉悉電龍剋期交代從速啓行曾否限定日期抑或由廷定期接任呈請政府轉飭龍代督遵辦請明白電復榮廷力疾到粵已旬有九日乃奉命急如星火而視事邈若山河中央威信既有損傷質廷初衷亦難自解且廣西督篆早已交卸薪餉將罄無從籌措如再延宕恐將無術維持此種苦心萬希諒鑒至滇桂各軍向歸岑都司令節制調遣經廷商准飭令前線軍隊一律撤退北路滇軍已由新街退後經廷派出親軍梯團長李祥祿等率隊前往接防曾奉總統國務院覆電允准卽龍代督復電亦無異議西路莫譚兩軍亦經廷商准岑都司令飭令退至佛山旬餘以來並無衝突之事院電令各軍儘九月十五以前一律撤退離省二百里之地駐紮俾龍部得以安心安然交卸及早離城滇桂各軍將來終須去粵何不早撤免滋猜疑等語查都司令部正在籌辦收束昨已備文將全部軍隊移交廷處廷以未經接印未便收受現正在籌商中各軍究應退駐何處請另電知岑都司令照辦廷未視事未便轉飭惟榮廷

到肇以來觀察粵中地方民情頗悉真象對於撤退各軍離省二百里之地尙有疑問何則粵省數年以來萑苻遍地起義以後西北兩江賴有滇桂各軍鎮懾秩序不至擾亂粵人有口皆碑若令退出二百里之遠地方未免空虛倘土匪乘機劫掠試問何人負責此其一北路滇軍退後由廷派親軍馳赴前綫接防又經龍代督覆電同意廷係奉命接事之員派兵駐紮居中調停卽免衝突乃竟未蒙信任是何緣故此其二西路桂軍退出地點均經濟軍進佔焚掠居民粵人共見商民曾經通電呼冤卽龍代督在告戒軍人令中亦復自行承認佛山一鎮人口商務之繁盛爲吾國市鎮之冠一般潰兵土匪久欲乘間劫掠該處商民前聞桂軍移退紛紛來營要求勿令退兵藉保治安廷經據情電陳並請飭朱省長派員查勘在案倘飭各軍退出由廷派隨來親軍前往接防並請電飭薩巡閱使朱省長派員監視否則恐遭損失非惟政府有所不忍卽榮廷亦恐無以對粵人此其三查龍代督兵力只及省城一隅省外粵軍及民軍均與龍代督勢不兩立如慮濟軍退出有人邀擊勢必並將粵軍及民軍一律撤退而後可姑勿論廷未接印未能飭退就令政府強迫爲之試問離省二百里地方責令何人保衛此其四總之榮廷此次迭奉嚴令力疾東下區區苦心無非仰體政府保全粵民之盛意對於龍代督誼屬姻舊諸事委曲求全但求得一和平完善辦法早出

粵民於水火紓中央南顧之憂無不惟命是聽如慮龍代督離粵之時各軍或有誤會衝突應請中央指定濟軍退路明令該處軍隊暫行移開駐紮俾其通過似較妥洽榮廷爲國爲民毫無意見目擊淪胥不敢不告是否有當仍懇核奪立候示遵陸榮廷呈叩冬印

李總司令致國務總理電

北京國務院段總理鈞鑒東電奉悉烈鈞猥以孱軀頻遭憂患無補家國有負師門鈞座愛護交深慰勉備至循誦再四感愧莫名抵肇後病益難支岑陸諸公勸令小憩因於去城十數里外山寺借居稍資休養一俟病體粗愈可效馳驅卽當遵命入京晉謁鈞顏面申悃愾所部軍隊除責成師長張開儒方聲濤從嚴管教外現已商請岑公代爲移交陸督軍管轄並陳李烈鈞叩支代印

岑都司令呈大總統並致國務院電

萬急北京大總統國務院鈞鑒李總司令烈鈞離營就醫現已抵肇所部滇軍兩師經責成第二師師長張開儒第四師師長方聲濤管束訓練並由煊咨交陸督軍管轄惟該軍入粵後迭准雲南唐督軍來電以滇省首義之初龍濟光助逆最力陰遣子姪回滇煽動土民在南防一帶起事與龍觀光之兵內外相應滇邊大震該軍勘定匪亂保境有功而龍觀光率

兵攻滇之際該軍禦之於皈朝剝隘等處鏖戰數日夜龍始敗退保全滇境卽以保障共和民國不亡帝制燬滅是役所關甚大該軍將士功勳卓著萬難解散而滇省用兵以來兵多餉絀又難撥濟再四請由春煊商諸陸督陳請中央善爲保存妥籌安插以勵士卒又查該軍兩師皆滇中精銳訓練有素紀律嚴明入粵以來秋毫無犯所至之處人民敬愛地方恃以爲安凡此情形皆可考詢且欠餉累月軍無怨言似此深明大義具有節制之師實爲國中所罕見又况間關萬里以赴國難險阻瘴癘屢遘艱危現在遵率明令隱忍撤退鈞座體恤將士愛護義師應懇俯念疲敝之餘准由陸督軍妥爲編置訓練以備國防再該軍八月以前積欠餉項業經奉准由部籌撥其自九月份起兩師薪餉應由何處給發並懇迅賜核定示遵至煊所部軍隊並經全數備文咨交陸督軍管轄矣合併附陳岑春煊叩眞印

廣東紳商學界通電

肇慶岑都司令廣東陸督軍行營上海唐少川伍秩庸梁任公先生北京大總統國務院參謀陸軍財政部鈞鑒頃閱報載龍署督致中央華密歌電一通跋扈自雄野心勃勃侵蝕軍餉肆意要求粵人聞之髮指眦裂謹就其所陳各節痛斥如下原電一謂濟軍二萬餘人均鄉里子弟患難相依斷難解散擬酌編兩師餘資遣散回藉等語查龍督癸丑入粵時僅得

濟軍六營嗣陸續回滇招募總計不過七八千人現除逃散及傷斃及段爾源所部投降外龍軍之隸滇籍者僅得五千餘名乃既擬編兩師又須資遣回籍非藉端侵蝕而何二謂國步方艱西南多故非有大枝軍隊不足以隱戢戎心維持大局濟軍強武善戰懇團結精練以備緩急等語此次西南各省起義全爲力爭共和故南軍首先推戴今大總統正式繼任竭誠翊贊自無待言所稱西南多故欲藉軍力以戢戎心顯係技詞聳聽龍督自與滇桂兩軍宣戰北路濟軍由韶關敗退石井西路濟軍由獅子竇敗退石圍塘奔北百餘里死亡數千人詎爲善戰又將誰欺三謂本軍移防餉項由中央指定的款或鹽務項下劃撥等語龍督蒞粵以來藉口擴張軍隊防制黨人實則缺額蝕餉每月報銷多被財政部指駁有案可查項城有意羈縻曲予遷就任其所爲今復要求的款劃撥何數年中飽慾壑尙未填滿耶四謂辦礦區域必擇兩廣扼要地點屯駐濟軍指定區內其他軍隊卽飭離防等語兩廣地方應由兩省地方官擔負治理責任且扼要地點係軍事關係非礦務關係至祇任該軍屯駐並令軍隊離防是人方力謀統一彼已實行割據五謂濟軍既編兩師當比照軍署規則等語是該軍無論屯粵屯桂兩省已多一督軍矣中央或可曲從人民斷難承認六謂本軍直接受陸軍部指揮本省官不得任意調撥等語明係擁兵自衛盤踞地方兩廣人民何賴

有此軍隊乎龍督現辦廣西賀縣煤礦務所駐濟軍恃勢橫行附近地方屢被荼毒甚至妄用軍法處決平民粵省之南海上淇村番愚石洲村惠州三多祝前被濟軍姦淫焚搶所過爲墟最近本月七日在附城花地後戰罷強搶福昌押店損失至二十餘萬均已騰載中外報章若仍任其屯駐一方恐該處商民無噍類矣龍末復稱既慮軍譁又兼債欠眼前非三百餘萬不能遷移等語則是明知中央急切無此鉅款而新任陸督軍已遵令由桂東下藉此爲挾制抵拒之謀司馬之心路人皆見以上所陳如有虛罔甘受妄言之罪伏乞俯念粵禍日亟萬難再被推殘電飭龍署督迅速交代收束軍隊刻日離境以解倒懸臨電屏營惟祈矜鑒廣東紳商學界陸乃棠陳維藩張國六李殿元劉錦恩李梓廷譚景山馬汝驥潘桂榮胡士輝何崇緩黃應時等叩

廣東公民張國光等通電

肇慶岑都司令陸督軍北京大總統國務院參謀部陸軍部參衆議院上海唐少川伍秩庸王亮疇溫欽甫諸公各報館鑒龍署督治軍惟一宗旨在容縱兵士籠絡將官以故將領仰承兵士鼻息互相驕縱不聽指揮不肯操練所到淫掠莫敢約束理有固然癸丑入粵濟軍二千號稱一萬陸續招募亦僅數千續稱二萬分布駐紮毫無軍紀吞食鉅餉惟龍自知遍

地開賭到處姦淫龍亦不問其在平日搶掠鄉鎮圍攻土匪尙可自雄若遇紀律之師無不立敗源潭之役粵軍八千敗走百里僅餘二千是其明證今全省兵力聚於粵垣且新招濟軍十五營連警衛軍總計不過二萬人滇藉濟軍實存無幾派員密查事實立見計龍署督在任三年侵蝕凡二千萬欺國害民久應嚴懲况此等生番軍隊無補國防徒滋荼毒尤應淘汰乃報載中央竟有允其酌留五千移瓊州之說果有是議無論粵人死不承認國家方面亦太白損威信騰笑列邦民等愚蒙百思莫解因思京師遙隔此中情事想有未知用亟臚陳以供考核如有欺飾甘當軍法若明知其非猶甘隱忍則國將不國吾民真無死所矣臨電痛哭不知所云廣東全省公民張國光陳渭川劉錦華高俊廷周炳耀莫鳳岐胡澤霖何浩源李殿魁楊秉璋等全體叩寢

高雷鎮道等來電

北京大總統國務院參衆兩院肇慶岑都司令陸督軍上海唐少川梁任公伍秩庸溫欽甫王亮疇諸先生各省督軍省長各省議會各都統司令師旅長鎮守使道尹報界鈞鑒頃聞龍濟光要求收拾殘部五千移駐瓊島龍氏則復請移駐高州軍民間耗憂憤異常濟軍禍粵早受各界指攻現奉命令解職正全粵待蘇之時高民何辜徒遭餘毒各界已誓死不公

認駕龍等所部益形髮指迫得瀝陳乞毋再准龍氏所請以拯四百萬民命臨電無任屏營待命之至兩廣護國軍第六師師長兼高雷鎮守使車駕龍高雷道尹鄒武暨各旅團營長縣知事等同叩敬印

高雷欽廉瓊崖紳商通電

肇慶岑都司令陸督軍北京大總統國務院參眾議院各報館公鑒龍濟光禍粵四年粵民切齒痛心幸我大總統令其去職以陸督軍繼任人民如去虎口而歸慈母近閱報載中央有許龍率殘部五千移駐瓊州之說不勝駭異龍濟光所部淫掠人所共知數年以來外江壯士凶橫無復人理人民避之若魔鬼畏之若毒螫撫膺飲泣無可指告今彼當敗亡之餘正宜乘機絕其根孽永除民患若聽其收拾餘燼移駐瓊州勢必死灰復燃凶噬益甚區區島民寧復有幸伏念我大總統德被溥海化洽遐邇瓊雖孤島同是國民龍氏凶橫既不容於大陸何以獨棄此地委於彼手若所傳果確吾民有死不承利害切膚言不及擇謹電籲聞伏祈鑒察高雷欽廉瓊崖紳商曾慶雲邱善祥黃錫康顧瑞圖等叩

高州紳商學界通電

肇慶岑都司令陸督軍北京大總統國務院參眾兩院廣東同鄉官鈞鑒龍濟光治軍無狀

禍粵有年近當解職冀出水火忽聞龍請調駐高州仍欲負固一隅禍高卽以禍粵謹呼籲以聞乞却所請民命幸甚高州團局朱元昌商會楊彥涵學界吳志飭暨閩郡紳民同叩

高雷鎮道來電

肇慶岑都司令陸督軍李都參謀楊廳長鈞鑒敬電計達龍氏請調駐高計不過控制雷廉以窺兩粵在粵桂則復種禍根在高瓊則先遭兇燬鈞處統籌兩局固當早遏亂萌力拯元元寧忍歧視高土總之龍氏在粵則粵亂未已除由本屬誓死抵拒外萬乞鈞處電請大總統迅行制止免禍全粵幸甚車駕龍鄒武叩徑印

各屬商會來電

肇慶岑都司令並探呈陸督軍鈞鑒傳聞濟軍五千將移瓊島商民驚惶萬狀瓊爲窮荒孤島商無貯貨之倉民乏經宿之糧外海內黎耕種之地米糧仰給外埠水土原多瘴癘瀕海洋商衆多人民稠密殊難插足軍隊過處最易滋事致礙商場且黎苗雜居尤忌軍人繁聚倘有誤會聯峒蠶起禍勢蔓延必難收拾前清同治間有散軍客民移殖來瓊惹起黎患十餘年經鄭鎮軍馮宮保先後剿撫費餉數十萬全土多遭疫亡瓊民迄今猶有餘痛前車可鑒衆情大恐務懇另擇善地移駐免致驚擾商民徒滋隱患非但瓊屬之幸亦大局之幸除

分電北京大總統國務院參眾兩院廣州朱省長外謹電縷陳仰祈亮鑒瓊州全屬商會暨南廣潮高建眾商全體叩

岑都司令與九善堂代表之談話

楊永泰筆記

昨八號廣州九善堂院代表陳香鄰左懽若李芝畦董事區斌貽爲省垣戰事到肇慶謁見兩方談話筆記如下

西林接見代表寒暄既畢旋問代表來意代表等謂現在省城情形日益危急人民非常恐慌此來特懇請停戰西林曰此間自始至終並無欲開戰之決心兩月以來屢戰屢停屢停屢戰中間停而復戰皆屬萬不得已我以臨去之身尤不忍見干戈之慘惟日盼陸督軍來早安粵局日催數電並派餉械局長曾彥及舍姪德懋前往勸駕自初一日接陸督允來粵之電經飭前路各將領無論如何應卽一律停戰待命初三日各將領覆電已一一遵辦其尙有小衝突者則龍軍猶時乘機襲擊耳諸君懇請停戰今不待懇請戰已早停竊謂諸君如此熱心不如往省城請龍去職禍根皆在龍龍去則百紛立解不此之務乃來此請停戰豈諸君亦疑戰禍開自此方耶諸代表曰否否龍氏方面亦已有所要求矣

西林繼曰此次戰禍之開始終由龍氏挑釀逼成諸君想亦有所聞惟所經層累曲折外間

或不盡知今諸君來此甚佳我略爲述明此中原委龍氏在粵罪惡盡人皆知諸君皆粵人身受其害更無待贅述綜其三年治績祇做殺人扒錢兩件事殺人二萬餘積產至一二千萬其兵隊之奸淫劫掠猶其小焉者果有良政府在上此等人早當置之典刑苟有強毅不撓之人民亦應早爲抵拒勿令猖獗至此自雲貴軍興廣西響應龍氏逼於趨勢假託獨立以全位祿我新自海外歸來各方面多來述明龍之僞獨立紛請以兵力去龍爲民除害我以袁氏未亡宜先國家之急而後地方且存與人爲善之心尙冀其迷途知返乃彼自獨立後未出一兵未助一餉未解一彈海珠之變龍實暗主之戕殺要人本部都參謀梁任公副都參謀李印泉往省晤龍調處粵事龍僞表歡迎陰嗾其部將胡令宣座出惡聲且擬伏門外狙害嗣引由後門避出乃免張前巡按使偕往調停在都督府中亦爲趙越手鎗威嚇逼之離省此皆龍之部將龍氏應負責任我猶隱忍優容不欲遽與決裂者蓋因先急國難擬俟大局稍定政府成立再請求中央爲適當之處分不忍輕動干戈以驚我邦人父老寧蒙養奸之譏而不辭無非爲大局計爲地方計也滇桂粵旣組織聯合軍同是一家何分彼此李軍間關出師由粵出贛本無所謂假道而龍一聞李軍到肇卽託張堅伯密電勸阻無效旋假託各界名義電拒經過一面調重兵於西南獅子竇一帶以示威我當時力勸李協和

委曲求全改道琶江前往非畏龍也爲顧全地方耳龍初駐兵韶州不過兩營及知李將赴韶北江方面龍卽加派六營以待李至李軍旣到龍陰令朱福全閉城絕道以困李軍並開礮轟擊我聞耗惶急力爲調停李已遵辦而龍急調重兵於源潭新街方面斷絕李軍與肇慶之聯絡線日事挑戰務欲困彼絕地聚而殲之李軍爲自衛計於是有源潭之役蓋自六月六日袁氏自殞九日龍卽取消獨立取悅中央自以爲奧援已得李軍若可殲除地位從此可固不料李軍師直爲壯韶州源潭兩役龍均自取覆敗此皆北路挑戰之實情外間已知無待贅述者北路戰事方殷是時中央適有調陸幹卿督粵之命龍聞陸督粵知己位終不可保處心益險遂轉其對待李軍之手段以對待桂軍而西路之戰爭亦起矣

西路之戰在不明內情者以爲中央旣任命陸督軍來粵何不稍忍須臾靜待解決奚爲亟亟以兵力去龍此誠未知此次用兵之內蘊及龍氏之深意者也陸之來粵非龍所願而又

不便明拒函電紛馳皆謂陸來卽交代一面用其平慣最陰險之手段與桂軍挑戰彼因知陸督生平高尚純潔稍涉權位之嫌卽避之若浼莫譚兩師長駐兵三水爲陸之部下龍設法與之決裂以爲卽可牽桂軍入於旋渦則陸自避嫌不便來粵一面勾結張勳倪嗣冲信使往來絡繹於道嗾使張勳通電詆陸謂其急於得粵取龍而代並誣陸子裕光率兵助李

軍奪韶以種種莫須有之詞最難堪之語誣蔑陸督必令其灰心而後止陸督駁斥張勳之通電此間已印刷傳觀諸君取閱當可瞭然至其挑釁桂軍則懸賞購求桂軍司令官派人運動莫總司令所轄之戰艦此間搜得其蓋印簽名之委任狀可爲鐵證龍又嗾使馬存發乘勢與莫軍決裂當段爾源未降附時有電來接洽亦謂無法阻止馬軍已與桂軍開戰等語段當時係龍之部將且在戰地亦不爲龍隱飾則戰端誰開不待判而自明當西路情形緊急危機一髮之時我籌維再四若各路軍隊同時加入戰爭則省城必遭糜爛殊非我數月艱苦保全粵局之初心因迭電陸督兼程來粵解此大紛乃陸督受種種激刺意念灰冷願回桂養疴不問世事不得已我又電請中央就陸督在粵部將譚莫二人中任簡一人護理先辦交代以待陸督之至免龍氏藉口盤據中央對粵情形隔膜又不得請各將領既洞燭龍氏明暗迎拒陸督之陰謀咸謂陸來不來遲來早來終須一戰始可望龍就範龍就範而後陸可到任今李軍孤立已陷重圍同屬義師亦義難坐視馬存發亟亟挑戰尤無束手待斃之理羣情憤迫昔猶可以大敵未滅討袁先於去龍爲解今則已無可借之辭亦無轉圜之道其尤足激動衆憤者則龍氏密電中央恣意誣毀謂廣東戰爭乃滇黔桂粵之大聯合爲南北分割根據之計劃務以挑動惡感我前已通電力斥其非推龍氏用心不惜將南

方起義諸人一網打盡以成全一己權位一面又暗結張倪陰通血脈播亂是非廣植聲援淺視之似祇爲廣東一隅之戰鬥而其内幕則欲將大局推翻其罪尤不可恕各軍忍無可忍環請申討我昔已受養奸遺患之責言至是豈能再爲鎮壓耶

前月各路戰爭又見龍軍無用率多敗亡若龍戰勝則陸督更不便來來亦必被暗拒粵局將永無解決之期中央方因龍多兵不易收拾如有戰勝之證明彼將坐擁兵權覬覦後命此卽其所以亟亟求戰之用心今龍已戰敗又以節節進逼爭攘權利諸罪名厚誣各軍而自諱潰敗爲退讓資爲簧惑中央乞援鄰省之根據不知退讓與潰敗絕對不同今龍氏縮短戰線乃因其軍心渙散力不能支與自行退讓靜候交代之意不可朦混爲一彼旣潰敗不支此方自當進佔陣地原屬戰略上所必要旋出旋歸糾纏不清地方之糜爛亦必愈甚遠方不察祇見龍兵之退或以爲退讓或以爲此間逼之太甚將疑曲在此不在彼一反一正或勝或敗龍氏皆得乘機利用以售其奸其立心之險布慮之周實所罕見至謂進兵爲爭攘權利更無辯論之價值誰爭權利與誰人相爭尤不可不問明袁倒我退我已早有宣言所以尙滯此間者全因廣東問題未解決耳中央任命陸督軍原出於各方面之請求認爲至當奉簡之後各將領通電遣使迭表歡迎多方勸駕望陸來如望歲苟有萌督粵之念

者是非與龍爭乃與陸爭人縱至愚安至於是如謂我與陸爭更屬笑話我生平行事磊磊落落此心坦然不惟可以自信抑亦可以共信至李譚莫諸君之應戰皆屬萬不得已無可逃避前已言之諸君細思尙得謂有一毫權利思想參雜其間耶平心而論龍氏逋毒粵海創鉅痛深苟非各軍將領仗義執言龍氏能否使去陸督能否到任皆不可知若轉蒙爭權之嫌直是是非不明非特數人毀譽所關乃人心世道之憂也總之能使龍早日退粵局早一日安是根本解決法今戰爭雖停然使龍仍執迷不悟或陸到仍多方阻拒不肯交代則廣東眞爲龍所糜爛矣想諸君當亦必以爲然言畢諸代表唯唯各肅然退



兩廣都司令部考實目錄

第五編 雜件

岑都司令呈大總統電 一二

岑都司令呈大總統並致段總理電

岑都司令呈大總統電

岑都司令呈大總統並致段總理電 一二

岑都司令呈大總統並致國務院電

岑都司令致段總理電

劉都督電

岑都司令覆劉都督電

蔡總司令來電 一二

岑都司令致蔡總司令電 一二

李都參謀致蔡總司令電

熊司令來電

劉淵亭先生電

岑都司令致陸都督電

岑都司令致孫中山先生電

岑都司令覆趙樾村先生電

趙樾村先生來電

章祕書長致趙樾村先生電

岑都司令致黃總司令電

唁梁都參謀公電

岑都司令致章太炎先生電

岑都司令致黃克強先生電

李都參謀林總司令趙祕書曾局長致黃克強先生電

岑都司令致吳稚暉先生電

岑都司令致山東張將軍電

岑都司令致劉艮生先生電

岑都司令致湯濟武先生電

岑都司令致唐少川先生電 一二

岑都司令致張鎔西先生電

岑都司令致孫伯蘭先生電

岑都司令致國會電

岑都司令致范總長電

岑都司令致謝次長電

岑都司令致殷次長電

岑都司令李都參謀李總司令致唐少川先生電

章太炎致大總統電

岑都司令對於日本國民新聞記者東幸治之談話

林 攝筆記

兩廣都司令部考實

第五編 雜件

岑都司令呈大總統電

北京大總統鈞鑒洽效卅先四電江日同奉循誦再四歡悚交并竊自我大總統踐職以來海內喁喁望治庶幾國是早定人心早安用敢貢其愚忱乃荷虛懷采納此皆我大總統俯從民望斷自淵衷煊等芻蕘之言豈足爲壞流之助重以謙尊下逮矜寵逾恆煊何人斯而克堪此盛承眷注彌切瞻依惟是大局甫平內訌又告怵去留之皆罪懼瞻對之無期衰病日加寢食俱廢伏冀我大總統矜茲南服早定大禁俾得以垂老之年重入國門一瞻光霽然後伏處畎畝長爲幸民泉石餘齡皆拜公賜雲天瞻望無任馳惶章君士釗已屬北上面陳一切並具宥電陳明李君根源因此間軍事亟待收束暫留助理一俟部署稍定卽當遵命入覲併陳岑春煊印支印

岑都司令呈大總統電

北京大總統鈞鑒麻電青奉謹悉猥以衰庸過蒙矜寵徵招屢逮慚感交深祇以國難甫平

粵變繼起卸肩無地牽率至今仰瞻德暉彌增翹切重承敦促曷敢遲回惟是日處憂危復乏素養咯血舊疾近復發生延醫調治恐需時日遠勞使命萬不敢承唯冀李君到時賤軀亦就痊可即當偕同北上親承明誨一伸悃忱近因事變環生善後諸未就理所盼粵省早定得以次第澄清軍院成立以來滇桂各軍統歸管轄一切軍費所出悉由多方借撥勉爲支持雖在艱窘之中公私一無所取現在從事收束亟待分別籌還茲蒙軫念艱難首垂明問除將各處借撥款目積欠餉糈及後此編遣各費統爲概計另電具陳外可否仰懇鈞座迅速飭發若干濟急俟後一併開報俾得趕爲料理早日歲事春煊藉釋重負亦得刻期首塗其餘未盡事宜自可遵示遴員接辦並將編練之事責成各軍將領認真辦理以副廬懷李君根源遵命隨同入覲合併陳明伏乞鑒察春煊叩青印

岑都司令呈大總統並致段總理電

北京大總統國務總理鈞鑒顧問李君開侁有日抵肇傳述溫命並奉賜書聆誦之餘莫名欣感李顧問急於返命感晚先行啓程煊俟陸督來後即當料理北上統由李顧問面陳謹先電聞岑春煊叩勸印

岑都司令呈大總統電

北京大總統鈞鑒嘯日接滬上鈕永建電稱山東民軍吳大洲與張懷芝爭執建因大總統電飭派員勸解茲請前九江鎮守使耿毅前往妥爲商勸並辦理善後已電大總統仍請鈞處再電中央以昭鄭重等因謹代電陳岑春煊叩嘯印

岑都司令呈大總統並致段總理電

北京黎大總統段總理鈞鑒據滬軍事代表鈕永建電稱耿毅爲辦理善後事赴京謁見黎大總統段總理乞轉陳等語查耿毅爲擁護共和最力之人前此赴魯調停曾具嘯電轉陳鈞座此次赴京有陳述合爲代陳並懇於入謁時賜以接見爲叩岑春煊叩禱印

岑都司令呈大總統並致段總理電

北京大總統鈞鑒段芝泉先生鑒國會議員楊君永泰殷君汝驪歐陽君振聲現由滬北上晉謁鈞座陳述一切楊君永泰本在肇綜理財政昨甫因事赴滬此間一切情形已囑詳陳鈞聽謹電陳明岑春煊叩感印

岑都司令呈大總統並致國務院電

北京大總統國務院鈞鑒本部副都參謀李根源現奉令任爲陝西省長仰見鈞座拔擢人才孳孳求治至意欽感同深惟查該副都參謀前奉電召入京當因善後事繁暫請留肇襄

助迭電陳明在案現在善後一切尙未就緒可否仍予暫留以資熟手一俟部署稍定再行入京謁見仍乞示遵岑春煊叩蒸印

岑都司令致段總理電

北京段芝泉先生鑒虞電敬悉矜飾爲慚春煊衰病之軀豈足上裨新治顧念屢蒙徵召義當力疾一行我公翼平展衡手定國是民受其賜豈惟春煊一人猥荷眷存豈任感謝一俟賤疾粗愈卽當料量首途敬領教言以伸積悃周君善培暨方高兩代表已蒙接見尤深欣慰卽祈指示一切俾有率循無任企禱岑春煊叩青印

劉都督電

肇慶岑西林先生鑒賜電奉悉我公風義炳耀寰區海外返歸羣情喁向當絕續存亡之日正積極進行之時幸藉指揮早期底定乃尊而彌下讓而勿居仰挹謙光曷勝欽佩世以庸才參列戎行雖有志以報國實無才以濟變尙冀驅策時示蓋籌俾有遵循庶無隕越劉顯世叩青印

岑都司令覆劉都督電

貴陽劉都督鑒青電敬悉獨夫盜國賴滇黔同袍仗義討賊精誠所感桂粵從風春煊始得

自海外歸來生入里門實公之賜大功不居反相推許承茲厚愛慚與感俱惟當國難之初敢忘同仇之義惓懷國事期竭吾才戮力中原勉隨公後慶父未去隱憂猶多倘有良謨願安承教岑春煊芻印

蔡總司令來電

肇慶岑西林先生鑒台從內渡望風引領芟夷國難端賴老成望紓籌策俾有矜式以後進行如何尙乞時賜教言蔡鏗叩陽印

蔡總司令來電

肇慶岑西林先生鑒勸電敬悉西南義師幸承提挈正如臨淮視師旌旗變色繼此師行有功樞機千里折衝制勝尤仗老成伏乞時惠教言以匡不逮蔡鏗叩元印

岑都司令致蔡總司令電

四川行營蔡軍總司令鑒元電敬悉大盜移國滇首倡義振臂一呼萬方喁向奸雄奪魄共和一綫之望煊與國民皆拜公賜自慚衰朽無能爲役惟既隨鞭鐙敢惜駑駘願遣餘生以備驅策現在滇軍陸續到肇粵桂軍亦經着手調集準備出發所有軍情容另電聞尙希不時賜教岑春煊有印

岑都司令致蔡總司令電

四川行營蔡總司令鑒青電敬悉訐謫定命欽服同深惟國難甫平國是未定我公進退實繫安危與煊衰朽之軀分當引退者殊科然自煊言之則近於阿私亦惟公以大局爲心以斯民爲念而必求其是爾引領西望不盡依依岑春煊叩感印

李都參謀致蔡總司令電

四川蔡軍行營蔡總司令鑒讀公青日通電所論善後方法誠屬救國要圖名言至論莫名欽佩惟大局似定而未定時事愈演而愈奇我公旣爲旋轉民國之人詎宜辭鞏固共和之任所望左提右挈戮力同心復約法於死灰措神州於磐石然後尋遂初之賦大局幸甚源奔走頻年一無補濟親喪未葬負罪終天惟以殘局未收求歸不得中懷荼剝無可舉似引領西望不盡欲言公處與此間通電甚稀盼時賜教爲幸李根源叩感印

熊司令來電

肇慶岑西林先生麾下克武違教一稔於茲每懷鴻儀時縈寤寐我公德高望重宏此遠謨建民國再造之奇勛破老黠方酣之帝夢義聲所播薄海心驚大纛甫懸神姦膽落此後會師北伐直搗燕雲老手斲輪早謀奠定執鞭附驥願効前驅謹肅電文先此馳賀護國招討

軍司令熊克武叩簡印

劉淵亭先生電

肇慶岑都司令梁都參謀鈞鑒以位讓賢古今通義侮弄神器天下難容茲幸公等反旆鄉邦匡扶祖國剷除專制恢復共和兵戈所指薄海同欽永福老邁尙切同仇負弩先驅實所甘願謹摠忱悃並以申賀劉永福叩感印

岑都司令致陸都督電

梧州陸都督鑒張君耀曾經唐督邀請回滇商榷大計亟欲先承大教作爲張本到梧請謁乞賜接洽張君極爲滇人仰重到滇必有主張公如有轉達唐督之語請悉告之又關於敵處計畫及近來一切情形另派楊君永泰前來報告請賜接洽岑春煊叩眞印

岑都司令致孫中山先生電

上海孫中山先生鑒辱電苦心至論感服逾恆公爲手造民國之人力主大公無我之論身爲砥柱誰敢差池煊迂拙無能本不足與聞天下事今以鄉里舊游強相督勉敢不躬親討賊以遂夙願頃承教言並勸慰同人一致融和此豈僅粵省一隅之幸百年帶礪實利賴之龍督處煊將原電轉達已得覆感謝仁言利溥於斯可徵願共努力無限神馳岑春煊叩洽

印

岑都司令覆趙樾村先生電

雲南都督府轉趙樾村先生鑒奉讀賜電敬佩良規煊垂老之年未能進德非我老友孰爲匡救道體平復卽乞命駕印泉相依如左右手惓惓師門同茲蘊結啓行有日望先電知如蒙惠臨並懇代約小圃前來未識小圃尙能記憶當日成約否也岑春煊叩艷

趙樾村先生來電

肇慶岑西林先生鑒公歸救國聞而歡舞藩病甫瘥尙艱跋涉緩當就道藉慰注存若云贊治衰老才盡實不堪矣粵必廣攬人材宏然無拘新舊印泉沈毅可規遠大望倚畀之趙藩叩督代印

章祕書長致趙樾村先生電

雲南都督府轉趙樾村先生鑒昨冬返滬獲讀手教並承頒賜墨寶務寵逾恆末學後生當之滋愧邇者神姦竊國人道蕩然殺賊明恥惟我滇士非有耆儒碩彥厲行精神教育詎克臻茲瞻望山斗曷禁神往西林治軍百粵篤念舊遊已聞折柬相邀並承快諾斯人旣出大老來歸小子狂愚有途親炙釗與印泉手足相依均不勝鼓舞待教之至章士釗叩卅印

岑都司令致黃總司令電

雲南局探送第四軍行營黃總司令鑒卅電誦悉承服義問每切欽遲頃者大旆南旋移師西指星明井絡電掃撓槍引領賢勞無任企禱師行所至時惠好音岑春煊眞印

唁梁都參謀公電

上海梁任公先生鑒公丁大故哀痛同深經春煊派員代表同人馳唁并勸稍節哀思出持大計方謂區區微意諒獲鑒原乃奉電再以解職終制爲言同人聞耗嗒然若喪在公至孝純篤三年廬墓情烏可已惟大局未定擘畫籌維非異人任我公不出如蒼生何謹再電懇俯念時局權宜留職共克有終至慮絜銜文電於禮不便同人等亦不相強一俟大局稍定卽率兵迎護歸葬俾慰先靈而遂孝思臨電不勝切禱之至岑春煊陸榮廷龍濟光陳炳焜李烈鈞李根源譚浩明莫榮新李耀漢林虎銑印

岑都司令致章太炎先生電

北京章太炎先生鑒辱電迄未奉到見報始知空谷足音得之狂喜方令奸宄已歇隋氣猶存謀國佈猷端資碩彥先生有何偉略望卽隨時發抒煊尤有慨然者一別三年天地異色君幽北地僕走南荒國家大事抑且不言友朋之樂於焉掃地此次南服興師志存光復而

煊之私愿尤在獲返故居與公尺素相通亦首道加餐相憶煊俟此間部署稍定卽返滬卜居公何日南來定當洗盞以待滄桑萬變靈光尙存煊惟預期與公一夕談爲至快耳岑春煊李根源章士釗叩敬印

岑都司令致黃克強先生電

上海中華新報轉黃克強先生鑒閱報藉審台從東旋國人欣望聞之大慰黃坡繼任約法重新瞻念前途尙云佳象惟大難方去來日正長自愧衰庸旦夕將隱期於滬上一圖良覲臨電翹企不盡所懷岑春煊叩寒印

李都參謀林總司令趙祕書曾局長致黃克強先生電

上海中華新報黃克強先生鑒聞公返國滬人歡迎嶺海阻長唯增翹切望因風便時惠德音李根源林虎趙正平曾彥叩寒印

岑都司令致吳稚暉先生電

上海鈕惕生先生轉吳稚暉先生鑒聞公自英倫遄歸不勝欣慰懇屈駕赴肇一遊藉聆教益蒙允卽乞電示爲盼岑春煊叩艷印

岑都司令致山東張將軍電

濟南張將軍鑒篠電敬悉救國偉謀至爲傾仰方今政見相持道路喜言南北得公老成提挈足以撥雲霧而見青天語曰一言興邦卽係於此望風懷想不盡依馳岑春煊養叩

岑都司令致劉良生先生電

長沙都督府轉劉良生先生鑒元電敬悉辱承明教惓念舊交追憶前歡依稀在目所論各事慮遠憂深曷勝佩服黎大總統現旣正位內閣國會問題爲輿論所逼亦將解決善後各事春煊與各省都督現正往復電商惟大難剪平建設未易我公老成碩望國家大計必思之審詳倘有良謨願安承教岑春煊篠印

岑都司令致湯濟武先生電

北京總統府轉湯濟武先生鑒迭由九峯來電轉述尊旨訂謨定命所造實多煊衰病侵尋日夜求去祇以部署未定不敢遽行已屬行嚴入京爲達一切仍冀有以教之岑春煊艷印

岑都司令致唐少川先生電

上海唐少川先生鑒聞內閣改組未經國會同意據法理言固爲不可就事實論國會將開先立臨時內閣亦屬權宜且公總長外交尤愜中外人望爲大局計萬望同濟艱難北上就職岑春煊叩魚印

岑都司令致唐少川先生電

上海唐少川先生鑒昨得暢卿來電具述尊指辱愛之厚非所敢承然竊謂我公出處中外具瞻斯人不出必無以答羣望鎔西頃有電來亦視公爲進止已本此意促其一行吾道艱難明知不可終冀我公一出庶幾國尙可爲區區之懷唯公鑒之岑春煊叩元印

岑都司令致張鎔西先生電

雲南都督府轉張鎔西先生鑒蒸電誦悉內閣新立中外屬望惟在公與少川二三君子之身我公不出關係甚大九峯諸君屢電囑代促兩公就職詞意尤切少川先生來電乃欲以此取決於煊過辱厚愛煊何敢承頃已迭電敦促諒察鄙意仍望台從勉爲一行吾道雖不盡行大局要難恕置惟公察之岑春煊元印

岑都司令致孫伯蘭先生電

上海中華新報轉孫伯蘭先生鑒承服休問於茲有年瞻對無緣欽遲曷極此者內閣改組公長教育閱才碩望中外具瞻方有賢者在位之思又聞斯人不出之嘆諸公出處大局所關審視迴翔誠非得已然竊謂方今絕續之會吾道消長之機公能勉爲一行收效必大小川鎔西兩公亦經電達此意區區之愚尙希賜答岑春煊刪印

岑都司令致國會電

北京參議院衆議院鑒共和再造國會重開慶幸之餘欣慨交集惟大局甫奠洪纖萬端伏願宏濟艱難恢張法治國會之尊嚴長在斯共和之日月長新民國前途於茲永賴敬以爲祝無任翹瞻惟希鑒察岑春煊叩元印

岑都司令致范總長電

北京教育部范總長鑒德教凌夷於今爲烈起衰救敝微公誰歸引領新猷良深額慶岑春煊寒印

岑都司令致謝次長電

北京內務次長謝鏡虛先生鑒萌俗蘇滋綱紀頹壞公早資民望志切澄清今與伯公同任內政起衰救敝庶幾復睹治平聞命之餘豈勝額慶敬電申賀佇惠德音岑春煊李根源寒印

岑都司令致殷次長電

北京財政部殷次長鑒頃睹電令公副度支民望咸歸爲大局幸敬電申賀不盡頌私岑春煊魚印

岑都司令李都參謀李總司令致唐少川先生電

上海唐少川先生鑒頃得京電兩院對於閣員同意已全體通過而國會政府一致盼望我公就職情尤殷摯萬望軫念時艱勉徇衆望刻日命駕北上以匡大局而慰羣情無任切盼行期并乞電示岑春煊李烈鈞李根源青印

章太炎致大總統電

北京大總統鑒前行嚴抵滬備述盛意兼承隆貺甚爲感荷炳麟以西林見招到肇已經旬日見其軍容整飭士民謳頌頗爲動容西林稍事料簡行即返桂炳麟以僑友表示歡迎亦擬買舟西邁漫游南洋歸期約在三四月後也北望勳雲無任結念謹馳數語用候崇福章炳麟魚

岑都司令對於日本國民新聞記者東幸治之談話

林 攝筆記

余生平抱負頗大惜未有一事能達到圓滿之目的誠憾事也余現在精神減耗之原因卽余數十年來所受不滿意之政治生涯所致此余之所以俟大局少定願歸田里俾得逍遙於事外也余少時身體頗壯平時不喜乘坐車船常獨行數十百里不以爲疲卽如庚子之變余適任甘肅藩司觀察當時情形知北京之必將糜爛也乃請諸當道願率十營馬隊馳

往北京護衛兩宮當時甘督爲魏光燾拒而不納固請之而以無款對幸余查悉庫內尙存有閒款百三十餘萬卽指明將此款撥作勤王經費彼旣辭窮而故推委謂北京有榮祿之武衛軍及董福祥輩在他二人所有之兵力已足以維持北京而勤王事矣今卽率此少數馬兵恐亦徒勞無益也余謂榮董輩兵雖多恐只知衛己且人各有志不可以強如總督不爲奏聞余當自行奏請請總督卽行奏參可也隨率馬隊兩旗星夜赴京此時余所帶之馬隊則隨行於後先率親騎三十名兼程而進經草地至北京計日僅二十八日也查平時行旅由甘肅到北京須六十餘日可知余此行之迅速矣抵京後天津已陷所謂榮祿之武衛軍暨董福祥輩在京毫無設備余覩此情形悲憤交集卽入宮面奏當時太后深以余言爲奇異蓋深信榮祿等已布置妥協誠不知疎忽乃爾也隨卽命余擔任北京守備事由督辦軍務處傳太后旨命余在京城外相地挖濠紮營余卽就東便門外挖紮地營旋卽聞通州失守復命余赴察哈爾招集新兵迨抵昌平聞太后已有出京消息余卽向岔道迎駕而太后皇上之駕果臨矣此時余之馬隊僅到一旗只百二十名當太后離京之第一日途中毫無准備服食頗艱迨余接駕後始獲少安惟途中頗受各軍潰兵刦掠之苦卽爲太后所備之食品亦被彼等強奪而去無已乃以八十名兵護衛兩宮以二十名兵保護慶親王及其

眷屬而自率二十名前行連日手刃潰兵三十餘人經二日後始得安靜行三日始至懷來縣軍機大臣剛毅王文韶等亦先後追至余此時卽主張與各國議和故有命慶親王李鴻章在北京與各國開議之舉行至大同董福祥始至榮祿則兩宮到陝西後伊方至也行至山西省余卽升任陝西巡撫此年山陝大旱兩宮駕到米食爲艱余電兩湖設法運米接濟兼辦賑撫後因洋兵擬入山西固關監視辦理教案事余乃調任山西巡撫阻止洋兵磋商教案教案甫結四川拳匪又起余又升任四川總督不數月而拳匪平廣西土匪蠶起余又調任兩廣總督辦理廣西軍務土匪甫平余卽大病病未愈復調任雲貴總督余交卸兩廣總督卽赴滬就醫在滬又調四川總督余病愈卽赴任道經湖北京漢鐵路入京甚便余卽電奏請入京面奏要政蓋余之意以爲在外雖千辛萬苦整頓僅及一隅而中央政本不清亦屬徒勞斯時慶親王當國賄賂公行朝政敗壞於是面參慶親王及朝臣之不職者並請實行新政極力改革兩宮知余之忠直卽留任中央命掌郵傳部尙書余卽主張大興全國路政務使交通便利乃慶親王及其黨羽恐余必參與要政設法排擠嗾使兩廣總督周馥奏報廣東欽廉一帶土匪又起朝旨復命爲兩廣總督余因是知清廷宵小用事必至危亡遂決意引退居滬數年絕不預聞政治矣民國成立袁世凱俾余經略福建全省事宜余此

時欲將福建整理就緒再推而及之他省不料袁無誠意隨事掣肘余已窺知袁之奸謀擬以兩師兵力坐鎮武漢以伺其隙故先就辦理粵漢鐵路之事至宋教仁被刺大借款成立余益憤袁之橫暴故有癸丑二次革命之舉余平生圖謀國事而最勞我之心血者在山西廣東任內現在精神遠不如前矣猶幸袁氏已死黎公繼任立憲政治必能見之實行恢復國會組織責任內閣爲期當已不遠但目前最困難者實在財政必將財政一端先行整理而後一切政治始可推行至於政治良否必以人心良否爲基礎袁世凱在位數年專以利祿富貴奔走天下人心敗壞已極故現在改良政治又必須改良人心改良人心必須由厲行教育着手但余老矣惟有望之後來之人勉力爲之而已至余當袁死之次一日即經通電辭職惟軍隊尙須安插軍務院尙無歸宿唐陸各都督屢次來電囑余暫留故不能不暫行在此料理一俟諸事就緒即當踐我誓言作一自由之國民以終老矣

兩廣都司令部考實目錄

第六編 職員錄

一 兩廣都司令部職員表

甲 兩廣都司令部所轄各部廳局處職員表

(一) 參謀部職員表

(附) 編纂處

(二) 秘書廳職員表

(附) 收發處

(附) 管電處

(附) 電報處

(三) 參議廳職員表

(四) 外交局職員表

(五) 財政廳職員表

(六) 餉械局職員表

(七) 副官處職員表

(附) 庶務處

乙 兩廣都司令部直轄海陸各軍職員表

(一) 第一師職員表

(二) 第二師職員表

(三) 第三師職員表

(四) 第四師職員表

(五) 第五師職員表

(六) 第六師職員表

(七) 第七師職員表

(八) 獨立各旅職員表

(九) 將校團職員表

(十) 飛機隊職員表

(十一) 警衛軍職員表

(十二) 海軍各艦職員表

兩廣都司令部考實 第六編 職員錄 目錄

兩廣都司令部考實

第六編 職員錄

一 兩廣都司令部職員表

都 司 令 岑春煊 雲階 廣西西林

甲 兩廣都司令部所轄部廳局處職員表

(一) 參謀部職員表

部內人員有已改任他職者仍據原表列入以備參考餘做此附編纂處

職	別	姓名	別號	籍	貫	經	歷
都 參 謀		梁啟超	任公	廣東新會		前司法部總長幣制局總裁	
副 都 參 謀		李根源	印泉	雲南騰越		日本陸軍士官學校步科畢業前雲南陸軍第二師長滇西總司令	
駐滬軍事代表		鈕永建	惕生	江蘇上海		湖南武備學堂畢業前南京參謀部次長	
出師計畫主任		蔣方震	百里	浙江杭州		日本陸軍士官學校步科畢業前總統府軍事參議	
出師計畫主任		林 攝	贊侯	浙江瑞安		日本陸軍士官學校工科畢業前陸軍部軍衡司司長	
編制兼謀查主任		趙正平	厚生	江蘇太倉		浙江武備學堂畢業前江蘇都督府參謀次長南京留守府調查局長	
參 謀 部 附		王肇基	建屏	廣東東莞		日本陸軍士官學校步科畢業前廣東參謀部長陸軍步兵第一旅旅長東增新總司令	

參謀部附	陳元泳	抱恩	廣東陽江	日本陸軍士官學校步科畢業前廣東陸軍砲兵團團長
參謀部附	蘇煥圖	灌川	廣東順德	日本士官學校砲科畢業前廣東陸軍司副司長石井兵工廠督理都督府軍事參議
上校參謀	陳璩章		湖南	日本振武聯隊畢業前清奉天兵備處總辦湖南團長
上校參謀	詹宗瀚	西園	湖北	南京陸師學堂畢業歷充湖南武備學堂教習湖北新軍團長江西援鄂軍團長
上校參謀兼文牘委員長	張佩紳	敘庭	安徽祈門	安徽武備學堂畢業歷充安徽雲南廣西四川等省管帶教練官標統兵備教練講武堂各提調軍事文案秘書長
上校參謀	周揚亞	穎南	廣西	廣東陸軍速成學校畢業前南京第一師團副
中校參謀	張鑑泰	漢澄	雲南騰越	雲南講武堂騎兵科畢業歷充貴州雲南陸軍營長
中校參謀	周汝康	幼松	雲南思茅	雲南講武堂畢業南京會議代表團副官援鄂軍教練官司法部監印課長兼衛隊長
中校參謀	曾廣綸		廣東香山	日本海軍學校畢業
中校參謀	駱鳳翔	冠宇	廣東博羅	廣東陸軍速成學校畢業歷充陸軍連長惠州綏靖處軍事委員廣東陸軍第一師少校委員惠潮嘉鎮守府衛隊團長
中校參謀	張沛澤	潤生	雲南呈貢	雲南講武堂砲科畢業前雲南砲兵連長衛生隊長少校參謀
中校參謀	郭自欽	佩三	雲南	雲南講武堂步科畢業歷充雲南第二師步兵營長團副
少校參謀	鄭柱	藹人	廣西修仁	日本東斌學校畢業前駐寧第八師副官三十團團附
少校參謀	劉永祚	紹卿	雲南昆明	保定軍官學校畢業前第八師將校團教官陸軍部差遣

少校參謀	楊源華	碩甫	雲南大理	雲南講武堂礮科畢業前雲南迤西獨立礮兵連長餉械局科員
少校參謀	莫魯	仲銘	廣西陽朔	日本陸軍士官學校修業前江蘇二十三師八十九團第二營營長廣西陸軍第一師參謀
少校參謀	趙濂	潔溪	雲南大理	保定軍官學校畢業前湖北軍務部軍需處執事官
少校參謀	林賢紹	亦飛	廣東澄海	廣東陸軍速成學堂畢業前吉林都督府軍務科員
少校參謀	李光燦	啟明	雲南大理	雲南講武堂礮科畢業雲南礮兵連長
少校參謀	華封治		雲南呈貴	雲南講武堂步科畢業歷充連長營副
少校參謀	黃雲	縵卿	廣西東蘭	湖北陸軍第三中學畢業日同文書院肄業前漢陽戰時司令部副官南京陸軍部副官及第三軍憲兵連長歷充二等參謀
少校參謀	郭伯森	友松	廣西武宣	廣西陸軍速成學堂畢業會充南甯將校講習所教官
少校參謀	孫銘	玉書	雲南鶴慶	雲南講武堂步科畢業會充廣東模範團教官
上尉參謀	繆嘉琦	子懷	雲南昆明	雲南陸軍小學及測量學堂畢業歷充雲南廣東陸軍測量局地形課員
上尉參謀	李希賢	紹明	雲南漾濞	雲南講武堂步科畢業
上尉參謀	蘇雄	竹君	廣西永淳	廣西幹部學堂畢業
上尉參謀	黃在璣	玉衡	江西貴溪	保定陸軍軍官學校輜重科畢業
上尉參謀	錢鎮南	星階	雲南新平	保定陸軍軍官學校騎兵科畢業前鄂軍兵站總監部參謀

兩廣都司令部考實 第六編 職員錄

四

上尉參謀	張懷三	志先	湖北江陵	保定陸軍軍官學校步兵科畢業
上尉參謀	劉峙	經扶	江西吉安	保定陸軍軍官學校畢業前鄂軍臨時督戰指揮官
上尉參謀	梁國基	立亞	廣西桂林	保定陸軍軍官學校輜重科畢業前湖北民軍教練官
上尉參謀	袁權	梓材	雲南安甯	保定陸軍軍官學校步兵科畢業前鄂軍總司令部參謀兼庶務軍醫等科員
上尉參謀	李元	夫玄	廣東曲縣	保定陸軍軍官學校步兵科畢業廣東民軍教練官
上尉參謀	許金源		山東	保定陸軍軍官學校步兵科畢業歷充煙台民軍連長浙江第二十五師差遣
調查委員	楊越	超恆	雲南順寧	陸軍中學修業前阿爾泰軍政處長新疆總教練
調查委員	明德恒	超北	雲南	日本陸軍畢業
調查委員	李頌鏞	浩孫	廣東南海	廣東水陸師學堂肄業前南韶連督辦署二等參謀官
調查委員	孫璣	少雲	廣東番禺	廣東武備學堂畢業
文牘委員	游金銘	誦盤	廣東南海	廣東高等學堂本科畢業舉人分省補用知縣
文牘委員	張益炳	文山	雲南賓川	四川法政學校畢業前四川青神縣知事
文牘委員	張問瀛	麗泉	雲南	雲南師範學堂畢業九保兩等小學校長
文牘委員	劉壽朋	壽朋	江西九江	日本明治大學法科畢業前江西都督府秘書文牘科長 司法局刑事科長代理局長
文牘委員	郭之瀚	賦江	雲南曲靖	廣東候補縣知事

部	部	部	部	部	部	部	部	部	部	部	部	部	部	部
員	員	員	員	員	員	員	員	員	員	員	員	員	員	員
張維	羅邦	白錦章	黃慶福	許崇武	景士奎	傅晉廷	何光烈	羅鵬	呂六韜	李謙	王連璧	張漢儒	飛自高	楊瑞昌
持九	約經	雄文	壹瀛	繼能	星五	謝塵	新一	天骨	渭仙	吉皆	重城	濟民	凌雲	儀武
江西	廣東番禺	雲南新平	廣西桂林	廣西桂林	雲南昆陽	直隸	四川閬中	四川三台	安徽太湖	雲南順寧	雲南平彝	雲南大理	雲南休納	雲南大理
保定陸軍軍官學校工程科畢業前江西都督府參謀	保定陸軍軍官學校工程科畢業	保定陸軍軍官學校工程科畢業前鄂軍戰時總司令部參謀	保定陸軍軍官學校砲兵科畢業前漢口臨時督戰指揮官	保定陸軍軍官學校騎兵科畢業	保定陸軍軍官學校騎兵科畢業前滬軍營長	保定陸軍軍官學校畢業	保定陸軍軍官學校畢業前蜀軍連長	保定陸軍軍官學校步兵科畢業前浙江學生軍教練長江西軍務司副官	保定陸軍軍官學校步兵科畢業前安徽青年軍隊長	保定陸軍軍官學校步兵科畢業	保定陸軍軍官學校步兵科畢業前鄂軍督戰指揮官	保定陸軍軍官學校步兵科畢業前鄂軍政府軍務部部員及湘軍督戰指揮官	保定陸軍軍官學校步兵科畢業前雲南陸軍步兵第四團團長	保定陸軍軍官學校步兵科畢業前滬軍第一營營長

部	員	梁幹材	伯山	廣西桂林	保定陸軍軍官學校輜重科畢業前鄂軍政府軍務部餉械科科員
部	員	楊逢年		福建	保定陸軍軍官學校畢業
部	員	張鴻圖		福建	保定陸軍軍官學校畢業
部	員	陳德驥	續飛	貴州	保定陸軍軍官學校畢業
部	員	高鼎榮	少爵	廣東南海	保定陸軍軍官學校輜重科畢業前石龍惠軍營長
部	員	劉士恩	重威	廣東南海	保定陸軍軍官學校工程科畢業前廣東陸軍第七團連長
部	員	黃澄	逸民	廣西桂林	保定陸軍軍官學校工科畢業
部	員	趙學舜	希虞	雲南祿豐	保定陸軍軍官學校步兵科畢業前鄂軍戰時督戰指揮官
部	員	周欽賢	佩齋	雲南廣通	保定陸軍軍官學校步兵科畢業前鄂軍戰時總司令部金櫃科科員及督戰指揮官
部	員	張錚	任民	廣西柳州	保定陸軍軍官學校步兵科畢業前南京第三軍二十九團第一營連長
部	員	許廷杰	佐文	廣東番禺	保定陸軍軍官學校步兵科畢業前廣東陸軍第七團連長康字營教練官
部	員	羅獻祥	次黎	廣東四會	保定陸軍軍官學校步兵科畢業前陸軍第七團連長
部	員	林東材	小西	廣西容縣	保定陸軍軍官學校工程科畢業前漢口臨時督戰指揮官
部	員	寧李泰	魯嚴	福建建寧	保定陸軍軍官學校輜重科畢業
部	員	蘇兆龍	雲波	雲南昆明	保定陸軍軍官學校步兵科畢業前雲南軍士隊教官

部	員	謝雲	子剛	廣東開平	保定陸軍軍官學校步科畢業前廣東模範標連長榮字營教練官
部	員	岑樓	心儒	廣東恩平	保定陸軍軍官學校步科畢業廣東黎字營教練官
部	員	戴祖璿	毅夫	江西大庾	保定陸軍軍官學校礮兵科畢業歷充陸軍第二師七團連長康字營教練長
部	員	黃中聰	孟超	廣西容縣	保定陸軍軍官學校步兵科畢業前廣西襄辦軍政委員
部	員	哈有年	惠甫	廣東番禺	保定陸軍軍官學校步兵科畢業前廣東軍務部科員軍械局局長
部	員	蕭恢權	紫亭	江西南安	保定陸軍軍官學校騎兵科畢業
部	員	傅良弼	夢巖	江西東鄉	保定陸軍軍官學校礮兵科畢業
部	員	郭建隆	壽芝	江西南昌	保定陸軍軍官學校礮兵科畢業
部	員	鮮秉剛	子毅	陝西興平	保定陸軍軍官學校步兵科畢業
部	員	許廷熙		廣東番禺	保定陸軍軍官學校工兵科畢業
部	員	杜煊泰		廣東南海	保定陸軍軍官學校工兵科畢業
部	員	陳培之	香南	江西清江	保定陸軍軍官學校步兵科畢業前湖北討袁軍司令部副官
部	員	陳瑛	小珍	江西	日本東京學校步科畢業
部	員	秦冠雄		廣西	日本東京學校步科畢業會充廣東陸軍第二師八團二營五連連長
部	員	胡旆	伯屏	四川	保定陸軍軍官學校步兵科畢業兩廣護國軍第五師教練主任

兩廣都司令部考實 第六編 職員錄

部	員	蘇延概	鶴屏	廣東廣州	保定陸軍軍官學校騎兵科畢業
部	員	鄭昌璠	仲寬	廣西桂林	保定陸軍軍官學校騎兵科畢業前鄂軍政府軍務部總務科科員

編纂處

職	別姓名	別號	籍貫	經	歷
編纂主任	劉壽朋	壽朋	江西九江	見前	
編纂員	陳國璜	渭西	雲南蒙化	雲南法政學堂畢業歷署竹園分治員彌勒縣知事	
編纂員	游金銘	誦盤	廣東南海	廣東高等學堂畢業舉人補用知事	
編纂員	郭之翰	賦江	雲南曲靖	廣東候補縣知事	
編纂員	羅鵬	天骨	四川三台	保定陸軍軍官學校畢業歷充浙江教練長江西軍務司副官四川第五師參謀	

(二) 秘書廳職員表 附一 收發處附二 管電處附三 電報處

職別姓名	別號	籍貫	經	歷
秘書長	章士釗	湖南長沙		
代理秘書長	盧鑄	滇生	江西南康	前雲南迤西總司令部秘書長
秘書文羣	詔雲	江西萍鄉		國會議員

秘	書	吳貫因	柳隅	廣東海豐	前吉林都督府秘書公署提調國務院顧問關稅改良會 委員幣制局平議員
秘	書	黃大暹	孟希四	四川	前北京新紀元日報總理
秘	書	容伯挺	誠甫	廣東新會	省議會聯合會副會長
秘	書	范治煥	秉鈞	湖南	前司法部司員
秘	書	呂鴻元	韻笙	江蘇	前台山縣知事
秘	書	章其達	杰臣	廣西桂林	前清歷充各學堂教員司法畢業歷辦各署局文案粵海 關一等科員並專辦稅關徵稅事務
秘	書	龔政	雨庭	廣西貴縣	國會議員
秘	書	梁培	桂山	廣西扶南	國會議員
秘	書	陳祺謙	簡叔	廣東高要	前廣西河池縣知事
秘	書	易象	枚丞	湖南長沙	前湖南都督府參議
秘	書	盧天游	雲村	廣西桂平	前廣西法制局長國會議員
秘	書	趙世鈺	其相	陝西三原	國會議員
秘	書	丁潤身	液羣	雲南曲靖	前滇西總司令部秘書雲南雲龍縣知事
秘	書	顧景	蔗曾	浙江上虞	前河南試用知縣湖北法官養成所修業
秘	書	趙正平	厚生	江蘇太倉	浙江武備學堂畢業前江蘇都督府參謀次長南京留守 府調查局局長

秘	書	何惺常	惕若	廣東順德	前貴州黃平縣知事
秘	書	周承春	雲芎	江蘇	
委	員	王彭年	舜琴	廣西凌雲	前清優附生廕襲銓選州判廣西法政專門學校畢業歷 充泗城府議事會正議長法政講習所所長兼教員
委	員	周庶堯	鈞雅	廣西桂林	
委	員	岑德成	履初	廣西西林	前浙江財政司第四科科員浙江財政委員會委員
委	員	岑德懋	勤初	廣西西林	廣西中學堂畢業
委	員	秦善澤	誠孚	廣西桂林	法屬安南東京師範學校畢業歷充滇西總司令部隨員 雲南楚雄府第二科長蒙自道署財政科員監督財政處 主任

收發處

職	別	姓名	別號	籍貫	經	歷
收發主任兼監印		蔣逢周	慶岐	廣西興安	前貴州天柱縣知事歷充晉蜀粵桂黔諸省各署局及各 行營差	
收發委員		周維祺	壽安	江蘇武進		
收發委員		劉濬	少欽	貴州貴陽		前廣東廣西巡按使署總務科科員
收發委員		陸光鑫	燦庚	雲南楚雄		前湖南東安縣知事
收發委員		唐延碩	望陶	廣西桂林		直隸法政專門學校畢業會充直隸安新縣管獄員

收發委員	林其椿	蠡萱	廣西凌雲	前清恩貢雲南通判歷充滇省各署局委員武威軍各營營務兼幫帶等差
收發委員	黃湘楫	幼崖	湖南安化	前武匡軍總稽核歷辦湘鄂粵各署局差
管卷委員	紀清柱	鐵卿	直隸河間	前廣東廣西巡按使署總務科科員

管電處(即機要處)

職	別	姓名	別處籍貫	歷
電務主任	張沛澤	潤生	雲南呈貢	現任參謀部中校參謀
電務員	溫汝楫	松亭	廣東台山	前充西藏幫辦大臣收發兼監印民國元年充上海交涉使科員
電務員	岑嘉文	煥南	廣西西林	曾辦地方保衛團及學務
電務員	胡周坊	聿修	廣西武宣	曾辦武宣自治會清宣統三年充當廣東巡防隊幫帶民國元年充當廣西第三軍十九隊幫帶四年充潯州水警廳技士
電務員	楊源華	碩市	雲南大理	雲南講武堂礮科畢業前雲南迤西獨立礮兵連長餉械局科員都司令部參謀廳少校參謀
電務員	白錦章	雄文	雲南新平	保定陸軍軍官學校工兵科畢業前鄂軍戰時總司令部參謀
電務員	繆嘉琦	子懷	雲南昆明	雲南陸軍小學並測量學堂畢業歷充雲南廣東測量局地形課員都司令部參謀廳上尉參謀

電報處

職	別	姓名	別號	籍貫	歷
電報處委員兼領班		溫樟祺	壽維	廣東台山	廣東電報學堂出身歷充廣州欽州陽江香山報生韶州領班西南甌江代理局長廣州稽核生現任機要電務員
司機員		湯衍淦	勉三	原籍廣東番禺寄籍廣西桂林	廣西桂林電報學堂畢業生歷充南寧龍州靖西鎮邊桂寧報生
司機員		楊子星	潔之	廣東番禺	廣東電報學堂畢業生歷充化州岸步肇慶廣州等局報生
司機員		黎兆南	子居	廣東南海	廣東電報畢業歷充廣州石龍報生新昌局長
司機員		曾昭淦	公瑞	廣東番禺	廣東電報畢業歷充廣州惠州局報生
司機員		白崇庸	時中	廣西桂林	廣西電報畢業歷充桂林南寧龍州廣州報生
繙譯員		陸卓銓	允中	廣東鶴山	高等師範學生會充廣州電報局繙譯六年
繙譯員		潘銻	鶴京	廣東順德	兩廣高等及兩廣師範專科學生辛亥充學生軍管帶會充都督府繙譯員
繙譯員		羅劍英	蔚南	廣東順德	香港皇仁書院畢業歷充香港船政廳記室香港大東電報公司洋文檢查員
繙譯員		陳毅	用康	廣東東莞	廣西陸軍幹部學校畢業歷充南甯步兵標見習士官南甯步兵十四旅第二營第三連連長廣州電報局繙譯

(三) 參議廳職員表

職	別	姓名	別號	籍貫	歷
廳長		冷遜	禦秋	江蘇	安徽武備學堂畢業前江蘇陸軍第三師師長

參	議	馮翼	廣東	
參	議	李國治	雲南	前廣西廣東總兵
參	議	周平珍	廣西	
參	議	陳時銓	雲南	國會議員
參	議	周汝敦	雲南	前雲南府知府
參	議	夏壽華	湖南	
參	議	芑鄂	浙江	前江蘇陸軍師長
參	議	繆嘉壽	雲南	雲南步兵第十旅旅長
參	議	楊晉	雲南	前雲南騰越道尹廣東高雷道尹
參	議	朱祖蔭	江蘇	
參	議	王有蘭	江西	國會議員
參	議	張榮廷	雲南	上海興華銀行總理
參	議	蒙經	廣西	國會議員
參	議	彭允彝	湖南	國會議員
參	議	呂志伊	雲南	國會議員

參	議	溫良莠	靖丞	廣東	前雲南騰越廳同知美洲金山領事
參	議	周樞	寶權	福建	
參	議	張于滂	惠民	江西	國會議員
參	議	解永嘉	幼山	雲南	前四川知縣香港富滇銀行總理
參	議	岑詠	文石	廣西	前清舉人雲南大桃縣知縣理澱江府路南州知州廣西省議會議員

(四) 外交局職員表

職	別	姓名	別號	籍貫	經
局	長	溫宗堯	欽甫	廣東台山	前駐藏副大臣
兼代局	長	文羣	詔雲	江西萍鄉	國會議員本部秘書
委	員	蔡增基	增基	廣東香山	美國哥林比亞大學學士兼外交專門畢業前廣東臨時省會議員
委	員	勞勉	少勉	廣東南海	日本明治大學法學士
委	員	周國賢		福建	美國留學畢業生
委	員	畢厚	蔚真	湖南寶慶	日本法政大學政治經濟科專門畢業幣制局特派調查員經界局編譯員廣東巡按使屬交涉科繙譯官
委	員	吳樹範	紹端	廣西桂平	日本中央大學法學士前廣西法制局委員
委	員	徐嘉鈺	寶丞	江西	雲南廣東縣知事

歷

(五) 財政廳職員表

職	別姓名	別號	籍貫	經	歷
廳長	楊永泰	暢卿	廣東茂名	參議院議員	
第一科科長	岑銘恕	仲勉	廣東順德	北京高等專門稅務學校畢業	江海關幫辦
第二科科長	陳國璜	渭西	雲南蒙化	雲南法政學堂畢業	歷署竹園分治員
第三科科長	游金銘	誦盤	廣東南海	廣東高等學堂畢業	舉人補用知事
第四科科長	丁兆元		江蘇	前中國銀行廣東分行股長	
委	陳永幹	穎材	廣東香山	廣東高等學堂本科畢業	舉人補用通判
委	余鏘	鼎石	雲南	雲南法政學堂畢業	九保兩等小學校長
委	宋葆疇	葆初	湖南岳陽	嶽麓高等學校畢業	歷充師範中學校職員
委	郭成沛	作雲	安徽歙縣	兩廣師範學堂畢業	安徽省議會議員
委	沈維心	習誠	安徽	安徽高等巡警正科畢業	曾充高等檢察廳典警察研究所所長兼監學
委	楊發銳	貢誠	雲南	歷充雲南永北等處釐金總辦	
委	張問德	崇仁	雲南	雲南縣知事	干崖行政委員
委	李柏存	柏存	廣東嘉應	日本早稻田大學政治經濟科畢業	

委	員	何漢	勁秋	雲南普洱	歷充雲南參謀廳軍需長
委	員	殷之輅	紹乘	安徽合肥	蕪湖皖江中學及上海皖崗鐵路專門學校畢業肄業於日本東京政法學校政治經濟科會充蕪湖關監督
委	員	周知禮	瑾文	雲南騰越	日本法政大學政治科畢業
委	員	劉德澤	紹庭	雲南騰越	雲南法政畢業

(六) 餉械局職員

職	別姓名	別號	籍貫	經	歷
局	長 曾彥	其衡	廣西靖西	國會議員	
科	長 馮登蟾	公升	廣西邕甯	前廣西平南教員南寧自治會議員廣西第二總司令部隨營委員	
科	員 曾植鏡	學明	廣西靖西	前廣西陸軍右區第二副司令部書記長	
科	員 梁漢聲	振陸	廣西容縣	前廣西鹽務局科員	
科	長 周啟基	建岐	廣西靖西	前瓊崖綏靖處軍需	
科	員 陸汝傑	世超	廣西容縣	前汪甸徵收局局長	
科	員 崔履升	協伊	廣西容縣	前滬軍北伐隊軍需	
科	員 朱元昌	善田	廣東電白	前茂名縣教員電白縣課員	
科	員 舒航	天質	湖南長沙	前湖南陸軍軍需	

糧秣委員	梁培新	少華	廣東番禺	前廣東警察區官
委員	吳肇甫		廣東梅縣	

(七)副官處職員表
處內人員有已改任他職者仍據原表列入以備參考
 附庶務處

職	別	姓名	別號	籍貫	經歷
副官長		楊其禮	敬之	雲南黎縣	雲南講武堂畢業歷充雲南騎兵第一團營長團副兩廣護國軍第二混成旅第十七團第一營長
中校副官		陳建猷	樹廷	廣西永淳	前廣西混成旅工兵營排長湘桂聯軍工兵營連長南京第八師工兵營營副廣西將校講習所工兵科科长
中校副官		甘尙賢		廣西	廣西幹步畢業
少校副官		劉覺任	均民	廣西容縣	前南京第八師司令部副官南京討袁第一支隊參謀廣西將校講習所隊長兼教官
少校副官		呂滄隱		廣西陸川	湖北陸軍中學畢業前上海討袁鈕軍司令部委員
少校副官		楊士斌	開周	雲南大理	雲南講武堂畢業歷充雲南礮兵連長營副
少校副官		蘇瑞儒	琮珍	廣西容縣	前廣東第二師衛生隊隊長工兵營副官輜重營連長
少校副官		胡振國		河南	廣東將弁畢業
少校副官		饒祖鑫	鶴亭	雲南黎縣	雲南講武堂畢業前援川滇軍司令部副官
少校副官		劉錕麟	幹卿	雲南雲龍	前雲南陸軍工兵營排長連長兩廣都司令部將校團團員第一混成旅十七團一營一連連長
少校副官		岑家祿	廉臣	廣西西林	廣東陸軍速成學堂畢業歷充廣東水提親軍哨官幫帶陸軍連長營附都督府親軍教練官

少校副官	明士仲	少伯	雲南騰越	前雲南測量局地形課員迤西騰龍沿邊野夷安撫委員 後任騰龍兩縣墾殖委員
少校副官	羅烈	劍橫	廣西容縣	前廣東第二師參謀陸軍步兵第八團一營營長代理第二團團長
少校副官	馬英武		廣西容縣	保定陸軍速成畢業
少校副官	廖璋	昆山	廣西武宣	前廣西陸軍測量學校教員
少校副官	楊錫榮	崇光	雲南大理	雲南講武堂畢業歷充雲南步兵連長營副
少校副官	蔣蠡	眉生	廣西賓陽	北京陸軍軍需學校肄業第五師第十九團第二營第七連連長
上尉副官	黃鍾藻	韻軒	安徽祁門	安徽講武堂畢業歷充連長軍需科長使署隨員縣署科長
上尉副官	蒙惠	廷柵	廣西貴縣	前廣西混成旅步兵連長
上尉副官	盧化	新岩	江西南康	前充廣東師旅部副官及學校教員等職
上尉副官	程凱	叔南	湖南資興	前廣西南寧一標排長南京第八師步兵連長營長
上尉副官	郭伯森	友松	廣西武宣	前廣西陸軍將校講習所教官
上尉副官	周維美		雲南騰衝	雲南學兵營畢業會充雲南迤西巡防第十四營管帶
上尉副官	何元烈	醒初	廣西貴縣	前滬軍北伐先鋒隊一旅二團一營一連連長
上尉副官	呂志浩	嵩濤	廣西蒼梧	前廣西陸軍裝被廠委員
上尉副官	徐成	啟明	廣西柳州	保定陸軍軍官學校步兵科畢業前南京第三軍二十九團第一營三連連長

上尉副官	董于霖	雨三	雲南雲縣	保定陸軍軍官學校步兵科畢業前鄂軍督戰指揮官及洋務部庶務科科員
上尉副官	盛藻華	亞夫	雲南昆明	保定陸軍軍官學校輜重科畢業
上尉副官	李作礪	泰若	廣西荔浦	保定陸軍軍官學校畢業前充湖北民軍教練官
上尉副官	江炳榮	彥仁	廣西柳州	保定陸軍軍官學校騎兵科畢業前廣西新軍第四營二連連長
上尉副官	黃明	孟盧	廣東平遠	保定陸軍軍官學校工兵科畢業前光復軍第一團五連連長及第二團三營副官
上尉副官	賴秉鈞	陶予	廣東連縣	保定陸軍軍官學校輜重科畢業前廣東警衛軍十四營連長

庶務處

職	別姓名	別號	籍貫	經歷
庶務副官	岑澍時	蔭蒼	廣西西林	前清雲南補用知府歷充滇黔粵各省各局所總辦黔軍安義續備各營統領歷署各廳州縣缺廣惠鎮守使署參謀官
庶務副官	何俊材	少廷	廣東香山	前清補用知州廣東海軍學堂畢業曾充各艦艦長巡防各營管帶
庶務副官	林漢生	漢生	廣西蒼梧	前充廣西法政學校庶務兼會計員南寧中學校校員

乙 兩廣都司令部直轄海陸各軍職員表

(一) 第一師職員表

職	別	姓名	別號	籍貫	經	歷
師長		莫擊宇	柱一	廣東東莞	日本士官學校步科畢業廣東都督府軍事局長步兵第一團團長	
參謀長兼潮梅總司令參謀長		孔昭度	公裕	廣東南海	日本士官學校步科畢業廣東第一師參謀長步兵第二團團長	
第一旅旅長		陳德春	恩波	廣東欽縣		廣東陸軍第一團團長
步兵第一團團長		何家瑞	家瑞	廣東		
兼理步兵第二團團長		陳德春	恩波	廣東欽縣		廣東陸軍第一團團長
第二旅旅長		藍揆芳	蔭南	廣東大埔		前警衛軍第四十四營營長
步兵第三團團長		朱瑞華		廣東		
兼理步兵第四團團長		藍揆芳	蔭南	廣東大埔		前警衛軍第四十四營營長

(二) 第二師職員表

職	別	姓名	別號	籍貫	經	歷
師長		李耀漢	子雲	廣東新興		廣東肇陽羅鎮守使
參謀長		彭華絢	華絢	陝西		前清試用府
第三旅旅長		李華秋	華秋	廣東新興		歷充肇軍第一二三營統領
步兵第五團團長		溫其鏜	晴溪	廣東新興		前充廣東親軍營營長

步兵第六團團長	邱可榮	耀廷	廣東清遠	歷充肇軍第五六七營統領
第四旅團長	翟汪	浩庭	廣東新興	歷充肇軍七八九營統領
步兵第七團團長	古日光	耀東	廣東欽縣	歷充肇軍第十三四五營統領
步兵第八團團長	陳均義	梯雲	廣東合浦	欽廉陸軍教練所畢業歷充肇軍第十一十二營統領
礮兵團團長	黎章鴻	仲達	廣東新興	前肇軍第九營營長

(三) 第三師職員表

職	別姓名	別號	籍貫	歷
師長	莫榮新	日初	廣西桂平	歷充廣西各軍管帶督帶幫統旅長桂平鎮守使兼署蒼梧道尹
參謀長	劉世鼎	和生	廣西桂林	
中校參謀	張希棻			
少校參謀	梁棧芳			
副官長	全秉璋			
第五旅旅長	鄧文輝	憲章	廣東欽縣	歷充廣西各軍哨官管帶督帶副司令
少校副官	黃卷書			
步兵第九團團長	穩玉廷	仁和	廣西龍州	歷充廣西各軍哨官連長營長

步兵第九團團附	周瑞麟			
步兵第一營營長	蘇全福	禧廷	廣西邕甯	歷充廣西各軍哨官連長
步兵第二營營長	李易標	錦文	廣東防城	歷充廣西各軍哨官連長
步兵第十團團長	莫正聰	直齋	廣西桂平	歷充廣西各軍哨官連長營長
步兵第十團團附	莫正希	曲川	廣西桂平	廣西高等學堂畢業歷充廣西各軍哨官
步兵第一營第十團團長	莫正高	鴻甫	廣西桂平	歷充廣西各軍哨官連長
步兵第一營第十團團長	邱子光	耀山	廣西陸川	歷充廣西各軍哨官連長
第六旅旅長	申葆藩	价臣	廣東防城	歷充廣西各軍哨官管督帶副司令
少校副官	湯鳳岐			
步兵第十一團團長	江永隆	金廷	廣西賀縣	歷充廣西各軍哨官幫帶管帶營長
步兵第一營營長	黃志全		廣西	
步兵第二營營長	申憲文		廣西	
步兵第十二團團長	劉志陸	偉軍	廣東梅縣	廣東陸軍學堂畢業歷充廣東陸軍營長副官長廣西桂平鎮守使署參謀長
步兵第一營營長	劉達慶			
步兵第十二團團長	章贊勛			

(四) 第四師職員表

職	別	姓名	別號	籍貫	經歷
師	長	林虎	隱青	廣西陸川	江西武備學堂畢業歷任廣東陸軍營長團長南京總統府禁衛軍團長江西獨立旅旅長
參謀	長	余維謙	地山	江西	日本士官學校畢業歷任江西步兵團長旅長
中校	參謀	梁史	潤軒	廣西永淳	廣西虎門陸軍速成學校畢業江蘇都督府中校參謀南京第八師三十二團團附
少校	參謀	朱爲鈔	映光	廣東鬱林	廣西陸軍速成學堂畢業北京陸軍大學修業
少校	參謀	龍振麟	雲伯	廣西桂林	廣西陸軍速成學堂畢業北京陸軍大學修業
少校	參謀	胡旆	伯屏	四川	陸軍軍官學校步科畢業歷充四川第五師步兵連長兩廣都司令部獨立團教練主任
副官	長	余建中	翼民	廣西武宣	廣東虎門陸軍速成學堂畢業駐寧步兵三十一團一營副官及十六旅司令部副官
少校	副官	尹銘復	鐵夫	湖南岳陽	江南講武堂畢業歷充江南第九鎮隊官鄂軍游擊團團附江西連長副官
第七旅	旅長	李思廣	遇生	江西	江西武備學堂畢業歷任江西步兵營長團長
少校	參謀	陳良佐	輔之	廣西	保定陸軍速成學堂畢業陸軍大學修業會充廣西陸軍軍士學習營營附
步兵十三團	團長	周毅夫	毅夫	廣西恭城	廣西陸軍幹部學堂畢業兩廣都司令部上校參謀
步兵十三團	團附	韋經綸	作衡	廣西蒙山	保定陸軍速成學堂畢業駐寧第八師三十一團營長
步兵十二團	少校團附	楊士斌	開周	雲南大理	雲南講武堂畢業陸軍礮隊連長營附

兩廣都司令部考實 第六編 職員錄

步兵十三團一營營長	李可棟	仲丞	廣西	廣西陸軍幹部學堂畢業駐寧第八師三十二團連長
步兵十三團二營營長	黃勉	平夷	廣西	廣西幹部學堂畢業南京第八師機關槍連長江蘇第九旅司令部副官
步兵十四團團長	蘇世安	春山	湖北穀城	前湖北武建軍哨長廣東新軍隊長江西陸軍混成團第三營營長
步兵十四團團附	李有來	肅卿	江西崇仁	保定入伍生前江西第一師師部一等副官
步兵一營十四團團長	廖國輝	剛民		欽州教練所畢業江西機關槍連長
步兵二營十四團團長	翟崇亮			前江西混成團機關槍連長
步兵三營十四團團長	陳智	達先		廣東虎門陸軍速成學校畢業廣西混成旅隊長駐寧第三十一團連長
第八旅旅長	陳自先	勤宣	廣東廉江	廣東陸軍速成學校畢業歷任廣東步兵團長旅長
步兵第十五團團長	明紹貞	紹貞	雲南騰衝	增生前雲南錫務公司總理新會副司令
中校團附	鄒礪鋒	肇修	廣東梅縣	廣東陸軍速成學校畢業曾充營長團附
少校團附	廖轟		廣西陸川	廣西幹部學堂肄業
步兵一營十五團團長	黃任寰	旭南	廣東梅縣	廣東陸軍速成學堂畢業
步兵二營十五團團長	龐玉輝			
步兵第十六團團長	周揚亞	穎南	廣西	廣東陸軍速成學堂畢業前南京第一師團附
中校團附	陳得平			廣東陸軍速成學堂畢業

少校團附	陳濟棠			
步兵十六團團長	關明光			歷充哨官管帶
步兵十六團團長	趙管侯		雲南曲靖	
獨立第一團團長	劉梅卿		廣東欽縣	
獨立第二團團長	黃明堂	德新	廣東欽縣	前廣東北伐隊標統
獨立三團一營營長	梁柱			
獨立二團二營營長	李泉			
獨立二團三營營長	楊杞			
獨立二團四營營長	鄧地			
獨立二團五營營長	古文彪			
獨立第三團團長	倫國才		廣東高要	前警衛軍營長
獨立第四團團長	陳敬	惟慎	廣東廉江	廣東陸軍速成學堂畢業歷任廣東陸軍連長營長
獨立四團一營營長	柯瑞霖			
獨立四團二營營長	李任傑			

(五) 第五職員表

兩廣都司令部考實 第六編 職員錄

職	別姓名	別號	籍貫	歷
師	張習	佩殿	四川富順	四川經緯學堂畢業歷任四川巡警二三營督帶廣東將弁學堂提調蜀軍政府總務處長
參謀長	葉舉	若卿	廣東惠陽	廣東將弁學堂畢業歷任陸軍旅長師長清鄉督辦陸軍部諮議
中校參謀	熊略	公績	廣東梅縣	廣東將弁學堂畢業歷充廣東各陸軍學堂兵學教員輜重隊官步隊官瑯崖鎮守使副官長
少校參謀	鮮英	特生	四川	北京陸軍大學學員
少校參謀	岑鼎焱	貢華	廣西蒙山	廣東將弁學堂畢業歷充十團一營營長中校團附二師一等參謀
第九旅旅長	曾彥	其衡	廣西靖西	國會議員
少校團附	趙憬	可愧	廣東高要	北洋速成學堂畢業歷充廣東速成學校騎科區隊長軍官講習所教員
步兵第十九團第一營營長	郭規	惺可	廣東肇慶	陸軍速成學堂畢業會充陸軍營長都督府參謀部一等部員
步兵第十九團第二營營長	關良志	競成	廣東南海	將弁學堂畢業會充廣東陸軍營長副官團長
步兵第二十團第一營營長	李雲復	慶廷	湖南甯鄉	將弁學堂畢業會充廣東第十團三營營長及第四團第三營營長
職	別姓名	別處	籍貫	歷
師	車駕龍	雲六	廣東茂名	日本士官學校畢業前警衛軍四十四營統領
參謀長	歐陽幹	佐堂	廣東香山	日本士官學校畢業前廣東騎教練團團長參謀部局長

(六) 第六師職員表

中校 參謀	李名驅	廣東	
步兵第十一旅旅長	車渭英	廣東茂名	

(七) 第七師職員表

職	別姓名	別號	籍貫	歷
師長	隆世儲	竹卿	湖南甯鄉	江西武備學堂畢業欽廉鎮守使

(八) 獨立各旅職員表

職	別姓名	別號	籍貫	歷
第一混成旅旅長	程子楷	崧生	湖南新寧	日本士官學校畢業廣西陸軍管帶湖南混成旅旅長 岳總司令
參謀長	許公武		廣東番禺	江南陸師學堂畢業鎮江第三混成旅旅長
步兵第十七團團長	胡學仲	宇平	湖南黔陽	日本士官學校畢業湖南陸軍第一軍第一團團長
步兵少校團附	毛翔與		湖南	
步兵第十七團第一營營長	張鑑泰	漢澄	雲南騰衝	雲南講武堂騎兵科畢業歷充貴州雲南陸軍營長
步兵第十八團團長	唐義彬	經百	湖南新化	日本士官學校畢業湖南第一軍參謀長
步兵第十八團第一營營長	楊其禮	敬之	雲南黎縣	

步兵十八團	洪旅	江蘇	日本士官學校畢業廣東參謀部部長陸軍第一旅旅長
第三營營長	魏邦平	廣東香山	水上警察廳長陸軍部諮議官都司令部江防司令
第二混成旅旅長	楊其偉	廣東番禺	廣東將弁學堂及陸軍速成學堂畢業歷任廣東輜重營營長
參謀長	魏觀明	廣東香山	
第一營營長	馬毓藩	廣東肇慶	
第二營營長	唐紹慧	廣西天保	廣西講武堂畢業歷任廣西陸軍測量局長兩廣都司令部副官長
第三混成旅旅長	農登秀	廣西	廣西講武堂畢業
步兵三十四團團長	黃華興	廣西	
步兵第三十四團中校團附	葉榮	廣西	
步兵第三十四團少校團附	劉覺任	廣西容縣	南京第八師司令部副官
步兵第三十四團第二營營長	均民	廣西容縣	

(九) 將校團職員表

職	別	姓名	別號	籍貫	歷
團長		胡思清	琢齋	雲南開化	雲南講武堂礮科畢業歷充雲南礮隊營長團附
少校副官		呂六韜	渭仙	安徽太湖	陸軍軍官學校步兵科畢業

(十) 飛機隊職員表

職	別	姓名	別號	籍貫	經歷
隊	長	譚根		廣東開平	美國飛機學校畢業前小呂宋中華民國飛船公司兼飛機製造廠總飛機師
隊	副	譚榮		廣東開平	美國留學
少校	副官	李孔昭	湘平	廣東	日本測繪學校留學

(十一) 警衛軍職員表

職	別	姓名	別號	籍貫	經歷
三十三	四五營統領	吳良兆		廣東	
三十三	營營長	李華		廣東	
三十四	營營長	李捷		廣東	
三十五	營營長	何銳		廣東	
三十六	營營長	王慕中		廣東	
三十七	營營長	楊錦龍		廣東	
幫統兼	三十八營營長	鍾金祥		廣東	
六十一	二三營統領	袁帶		廣東	
六十一	二三營統領	呂桓		廣東	

六十一營營長	周 戊	廣 東	
六十二營營長	黎 恩	廣 東	
六十三營營長	陳 文	廣 東	

(十二) 海軍各艦職員表

職 別	姓 名	別 號	籍 貫	經 歷
兼任都司令部直轄 江防司令	莫榮新	日初	廣西桂平	歷充廣西各軍管帶督帶幫統旅長桂平鎮守使兼署蒼梧道尹
江防副司令兼寶璧 艦長	周天祿	省菴	廣東增城	廣東海軍學校畢業建威軍艦見習官普安軍艦艦長海軍學校主計員江壘寶璧副艦長
寶璧副艦長	丁培龍	起雲	廣東豐祿	廣東海軍學校畢業廣海艦見習官
江 大 艦 長	馮庭燦	驥武	廣東鶴山	廣東海軍學校畢業會充廣海艦見習官寶璧艦副
江 大 副 艦 長	彭悼訓	軍候	廣東順德	廣東海軍學校畢業
江 固 艦 長	丁守臣	耀貞	廣東合浦	廣東陸軍軍官講習所畢業歷充欽廉防營管帶陸軍機關鎗連長
江 固 副 艦 長	李 芳	少亨	廣西蒼梧	廣東海軍學校畢業會充廣海練習艦見習官江大艦副
雷 坤 艦 長	岑壽樟	今耐	廣東順德	廣東海軍學校畢業廣真兵艦艦副
雷 坤 副 艦 長	麥鴻昌		廣東三水	充江壘艦槍礮長
廣 保 艦 長	周漢鈴		廣東連州	充肇陽羅鎮守使衛隊長安新艦艦長

安南艦長	李應洪		廣東順德	歷充防營哨官
安新艦長	黃順泰	英華	廣東順德	歷充福軍排長安順保捷艦長
福威艦長	陽漢昆		廣西靈川	廣東陸軍軍官講習所畢業會充魚雷局學習員敷設員
平江艦長	丁述乾	劍三	廣東合浦	前寶璧艦書記江防司令部委員
保捷艦長	黃鎔鍵	冶廬	廣東開平	廣東海軍學校畢業江防司令部課員

兩廣都司令部考實目錄

補錄

岑都司令解職通電一

岑都司令解職通電二

岑都司令解職通電三

兩廣都司令部考實

補錄

岑都司令解職通電一（民國五年十月四日）

北京大總統國務院各部總長參議院衆議院各省督軍省長各巡閱使各都統各護軍使鎮守使各師旅長上海伍秩庸孫中山黃克強梁任公蔡松坡溫欽甫王亮疇吳稚暉先生北京中華新報國民公報上海中華新報時事新報及各報館均鑒曩者國難孔殷間關遄返以鄉里舊游之督責勉總師干凡自興師以至今日中間所經歷有宣告艱苦曲折諒爲全國之所共聞春煊賦性麤疏制行抗直師中尤悔隨處有之惟衰軀旣付之國家毀譽卽聽諸輿論箇人功罪尙非煊所當言其有不釋於懷者則國體粗安隱憂未已內外之勢失其平衡新舊之爭漸徵箕豆罷兵數月集議百回南北之使絡繹於途朝野之彥提攜於室而所持不外朝三暮四之術所議都在此膠彼漆之中號稱共和首崇法制實則對人之事八九持法之事十不足一紛紛擾擾迄無已時坐視大法未立而不能先財政紊亂而不能救冗兵滿國而不能裁教育寢廢而不能舉甚至外交瀕危而方針不能立強鎮恣肆而中

夫不能言長此不已何以爲國瞻顧前路可爲寒心以煊之愚竊思一國之大利害情感本難一致其中儘有餘地使人迴翔爲治者善保此餘地則社會安不善保則秩序亂故立國精要在於調和此無古今中外實同一理今吾國岌岌乃於此理未之講求試思民國以來黨派廢興之故依例考證決爲不謬當袁氏盛時國人附和帝政原非得已而滇桂旣起徒爲義師所刼持不能驟明故義師功未及半元兇遽殂正天假之緣作吾父老兄弟以清白之躬重相提挈而義師一方又適聯各派賢俊通力而合作昔年黨隙渙然以消此誠建國之正基調和之良會正宜體質劑之功用本兩利之箴言各爲其分際之所得爲各盡其職守之所應盡祇爭其所當爭互讓其所當讓國先諸己私不廢公除蠹國殃民助袁爲虐始終不悟者屏不與同外餘俱和衷戮力虞詐胥捐使所謂利害情感得以平流而進以崇人格以厚國基以定羣業以隆人福兩年以來審此義者頗復不尠顧知之匪艱行之維艱旣篤信於平時復迷離於當局雖亦政治之常態實乃家國之大憂春煊智慮短淺舉動疏闊平日所行之不衷於律蓋百倍於諸公然當同舟共濟之時輒懷同道相勗之想偶有所見不敢自私此間師旅料簡已完賤志獲償均託厚愛以歷年飄泊謁慕久疏旣近里門松柏在望卽於今日由肇西發遄歸桂林遂初之志差償憂國之心未艾竊本臨歧之意貢茲鄙

陋之懷區區愚忱伏維垂鑒岑春煊叩支印

岑都司令解職通電二

廣東廣西各軍司令各鎮守使各師旅團長滇軍第二軍各師旅團長均鑒春煊返國之初躬逢大變以首義諸公之督責我將士之推心遂舉衰朽之軀勉當討賊之任與三軍之士同仇敵愾修我戈矛固皆有死之心無生之氣而義師既集元惡天亡我將士扶樹共和及茲奠定止戈爲武同有榮施遂思退爲幸民踐其始志而奸謀潛沸凶燄遽張於大局之甫平使干戈之再見春煊誠不足以格物知不足以除凶餘黎憫其子遺九閭憂於壅蔽雖我將士秉義不回艱難之中憂慚交至賴中央眷茲南顧陸督軍力疾東來兵氣旣消粵難大定乃得從容收束實爲私衷至幸惟念義師之起聲光爛然春煊亦以衰年償其私志皆拜我將士之賜茲以去鄉日久祭掃久疏一返桂林展謁先墓袍澤之感臨歧悵然方今國步初安艱虞交會春煊年齒垂暮精力就衰欲報國家已難爲役諸君身親締造義在匡扶無忘此日之馳驅永作共和之干櫓是則國家大賴非獨春煊一人所私願也敬布區區統希裁察岑春煊支印

岑都司令解職通電三

廣州市議會商會各善堂報館各公團均鑒曩者大變初生間關返國重以督責勉出視師以從父老昆弟之望其時義在討賊一切未遑地方之謀愧無補救天心厭亂大憝云亡方謂可載戢干戈徐圖休養豈謂大局垂定而禍變相尋凶燄鷗張大紛莫弭九閭憂於壅蔽餘黎憫其子遺此皆春煊德不足以勝殘誠不足以格物雖邦人父老寬其責備而私心內疚食息難安所幸藉輿論之制裁仗中央之威令陸督軍東來之後粵局以漸卽安春煊亦得於收束之餘言返桂林展謁先墓初衷得遂忻幸何如惟粵人比歲以來呻吟於淫威之下其受禍既久則慮患必深繼自今之疾病扶持生聚教訓知我邦人君子必大有得於動心忍心之餘瞻望前途祈禱獨切春煊衰朽之年豈能復有所盡但得於退休之後從事於社會之間爲父老效其一得亦私心之所以自勵也敬佈鄙懷惟希亮察春煊叩支印

△△全書四千餘頁
△△共計二百萬言

飲冰室叢著

自著

△△特製四巨册十二元
△△常製二十册八元

梁任公先生學問文章為近世之泰斗。每一文出世。讀者爭先恐後。非終篇不能釋卷。其感人之深也如此。本書為先生最近編定。棄取極嚴。所列皆首尾完善。中有最近著作多篇。先生生平著作之精華。悉著於此。特付本館印刷發行。內容之完美。與隨意採輯者。自有上下牀之別。

◀ 常製分册價目 ▶

新 民 說	二册 八角	德 育 鑑	一册 三角五分	墨 學 微	一册 三角五分	史 傳 今 義	二册 一元二角	國 學 蠡 酌	一册 七角五分	節 本 明 儒 學 案	二册 一元三角	中 國 之 武 士 道	一册 二角五分	西 哲 學 說 一 樹	一册 四角五分	外 史 鱗 爪	三册 一元	政 聞 時 言	二册 一元二角	飲 冰 室 自 由 書	二册 六角五分	新 大 陸 遊 記	一册 六角五分	小 說 零 簡	一册 三角五分
-------------	----------	-------------	------------	-------------	------------	------------------	------------	------------------	------------	----------------------------	------------	----------------------------	------------	----------------------------	------------	------------------	----------	------------------	------------	----------------------------	------------	-----------------------	------------	------------------	------------

梁 啟 超 著

歐州戰役史論

首編 已出

定價 七角

梁任公先生文章之價值舉國所共知本館當歐洲戰事初起即請先生編纂此書幸承許可先生極鄭重其事費數月之力鎔鑄數十種參考書以成斯

鐘一讀事勢已瞭如指掌天下便易之事何以過此本館為灌輸國民常識起見謹普勸全國人各手一編諸君讀後方信本館之言非誕也

意注

卷首有先生手寫詩一首即此書成後自題者詩格之雄深書法之適美與本書可稱三傑學士大夫當以先睹為快

商務印書館發行

完 全 華 商

商務印書館發行

商務印書館發行

商務印書館發行

商務印書館發行

商務印書館發行

商務印書館發行

商務印書館發行

商務印書館發行

商務印書館發行

商務印書館發行

商務印書館發行

商務印書館發行

中華民國五年十二月初版

(軍務院考實一冊)

(附兩廣都司令考實)

(每冊定價大洋貳元)

(外埠加運費匯費)

編纂者 兩廣都司令部參謀廳

發行者 商務印書館

印刷所 商務印書館

總發行所 商務印書館

分售處

北京天津保定奉天吉林長春龍江濟南

東昌太原開封洛陽西安南京杭州蘭州

吳興安慶蕪湖南昌貴州九江漢口武昌

長沙重慶常德衡州成都重慶福州廈門

廣州潮州汕頭澳門香港桂林梧州

雲南貴陽石家莊哈爾濱新加坡

此書有著作權翻印必究

五二二七號

一七七〇

國
號